

Hechos

“Espíritu Santo tarohca”, niha ahri tjure joariro

¹⁻² Teofilo, ahri quitire m̄h̄ure joarocai nija. Pano ȳm̄ joa m̄htari p̄ure Jesu to yoaare, to buheare m̄h̄ure yahu tuhs̄i. P̄m̄ m̄anop̄m̄ to m̄jarire yahu batoai. To m̄jahto pano Jesu Esp̄ritu Santo mehne dutiha to bese c̄rinare. ³ ã yoa Jesu crusap̄m̄ to yariari baharo paȳm̄ tahari p̄jac̄m̄ tiriho bajua m̄jaha to c̄rinare, tina “Potoc̄ata tiro catira”, ti ni masihto sehe. Cuarenta dachori waro tiro bajua m̄jaha tinare. ã bajuaro tiro to basi to catiriho jiare ñono niha tinare. ã bajuaro p̄htoro Cohamac̄m̄ to s̄ho jiare yahuha tinare.

⁴ Jesu to c̄rina mehne jisino tinare õ sehe ni yahuha:

—Jerusal̄ita jisniga mip̄ure. “Esp̄ritu Santore m̄sare warocaihtja”, ȳm̄ P̄m̄c̄m̄ to nirirore cohtasiniga. T̄re to nirire m̄sare yahui ȳh̄m̄. ⁵ João m̄sare bautisaro co mehne yoamare. Ȳh̄m̄ sehe tí ȳh̄doro yoaihtja m̄sare. Maha dachoric̄a baharo ȳh̄m̄ sehe Esp̄ritu Santore m̄sa mehne jirucuch̄m̄ yoaihtja m̄sare —niha Jesu.

Jesu m̄anop̄m̄ m̄jaa wahaha

⁶ ã yoa tina t̄c̄m̄ Olivo wama tid̄p̄m̄ Jesu mehne cahmachuina sehe õ sehe ni sinitu ñ̄ha tirore:

—P̄htoro, ¿mip̄ure s̄re Israe yahpare pari turi c̄, mari coyera warore p̄hto s̄ihcari m̄h̄m̄? —ni sinitu ñ̄ha to yaina.

sehe cananista wama tiri curua macariro jimaha. Juda sehe Santiago macuno jiha. ¹⁴ Payu tahari ahrina jipihtina, to cūrina, ã jichu numia, María Jesu pocoro, ã yoa Jesu bahana mehne cūhu noano cahmachu, Cohamacure ã sinirucua tiha.

¹⁵ ã yoa tí dachorire masa payu cahmachuha. Ciento y veinte jia jiboa. ã jiro Pedro sehe tiro mehne macaina Cristo yaina watoi ducu, ò sehe ni yahuha tinare:

¹⁶ —Yu coyea, Cohamacu panopu to niriro se-heta ã waharo nihre. Tíre Espíritu Santo Davi cjirore yahu dutiha Juda cjirore. Juda cjiro Jesure ñahahtinare ñoriro jihre. ¹⁷ ã yoahtiro jiparota mari mehne Jesu yare yoariro jimahre. ã jiro sã mehne macarirota jimahre —niha Pedro.

¹⁸ Juda cjiro sehe Jesure ño dutia ti waparire to wiari baharo to basita wajã yariaha. ã yoaro bora waha, to tu misida tuhna waha, yariaa wahaha. To wiari cjiri mehne paina mahanocã yahpare nuchaha. ¹⁹ Jipihtina Jerusalẽ macaina masi pihtinocari jire Juda cjiro to ñano yoarire. ã masia ti ya dusero mehne to niñeru mehne ti nuchari yahpa cjirore Acéldama wamoari jire. Acéldama nia, “Di yahpa”, nia nina. ²⁰ Baharo ò sehe ni namoha Pedro:

—Panopu to joariro sehta ã wahahre Juda cjiro. Salmo to joari tjuí ò sehe ni joaa tiha:

“Tiro to jiri wuhu masa marieni wuhu tjuarohca.

Ne noa jisi tí wuhare”,

ni joaa tiha. Ò cūhure ò sehe ni joaa tiha:

“Pairo to dahraa cjirire cohtotariro jirohca”,

ni joaa tiha Salmopu.

21-22 'Ã jina mari cãiro besejihna. João masare bautisariro cjiro masare to buhero watoi cãina Jesu yaina mari mehne wahare. Tina mehne macarirore cãiro bese nano cahmana mari mehne macariro cjihto. Jesu mehne mari jichũ mari mehne ã jirucurirore besero cahmana. ã mari beseri baharo Jesu to masa mũjarire mari mehne buherohca –ni yahuha Pedro to coyeare Cristo yainare.

23 To ã nichũ tũhoa pũarore bese dapoha tina. Cãiro José Justo wama tirirore beseha. Tiro Barsaba ti ni pisuriro jiha. Bese tuhsũ, pairore Matia wama tirirore beseha. 24-25 Tinare bese dapo tuhsũ, tina Cohamacũre õ sehe ni siniha:

–Mũhũ sã pũhtoro jipihtina masa ti tũhotuare masina. Ahrina pũaro sã beseina jira. Juda cjirore cohtotahtirore diro mũ cahmarirore besega. Jesure cohãtjiãhno Juda cjiro sehe pichacapũ wahaha. Tirore cohtotahtiro Jesu to cũriro jirohca. ã jiro sã mehne noaa buheare buherohca –ni siniha tina Cohamacũre.

26 ã niata tãa mehne doca mũjaha besea taa. Matia yaro to noano quihõno wijachũ, tiro sehe Jesu to cũrina once cũrina mehne macariro tjuaha.

2

Espíritu Santo Jesu yaina mehne ji dũcaha

1 ã yoa Pentecoste wama tiri dacho jichũ tina jipihtina cã wũhũi cahmachuha. 2 Tí pjareta wi-hnono to tuaro taro seheta mũanopũ bisiro coa taha. To ã bisiro coa tachũ tũhoha jipihtina tí wũhũpũ jiina. 3 ã yoa picha pohna yoaro sehe jia

tina jipihtina dapu poca bui bajuaha. Tí picha pohnaricã ñahmanoricã yoaro sehe bajuha. ⁴ Ñ yoa Espíritu Santo tinapure sãarucũ sua wahaha. Tinapure to sãarucũ sua wahachũ, paina ya durucuaire to durucuchũ yoaa mehne tina sehe paina ya durucuaire noano durucuha.

⁵ Tí dachorire Jerusalẽpũ payũ judio masa, cũ curua macaina masa jipahta, paró paye yahpari macaina jiha. Cohamacũre ño payoina jiha. ⁶ Ñ yoa manopũ coa tachũ tũhoa tina Jesu buheina cahapũ payũ cahmachu wahcãha. Cahmachuina masape ya durucuaire Jesu buheina ti durucu pahñochũ tũhoa, tina tũho cãaa wahaha.

⁷⁻⁸ —Cuenah. ¿Dohse yoaa ahrina Galilea macaina jipahta mari ya durucuaire noano durucujari? Tina mari ya yahpapũ taina yoaro seheta durucua nina —niha tina sehe.

⁹⁻¹⁰ —Jipihtina mari durucuaire mipure durucua nina: Õpe yahpari macaina mari õre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia yahpai Cirene cahapũ jiina, Romapũ taina jija mari. Cãina judio masa waro jija mari. Paina judio masa dojoina jija mari. ¹¹ Creta macaina cũhũ, Arabia macaina cũhũ jira mari mehne. Mari payũ paró macaina soro durucua tiina mari jipanata ahrina sehe mari masape curuari macaina durucuaire ti durucuchũ tũhoja mari. Tina mari ya durucua mehne Cohamacũ tuaa mehne to yoarire yahua nina —ni durucuha

masa ti basi.

¹² Ñ niata tina cūaa waha, ti ñari cūhure ti tūhori cūhure noano tūho ñahaeraha.

—¿Ahrina dohse jiro baro paina ya mehne Cohamacu yare ã noano durucujari, mūsa tūhotuchu? —ni cahma sinitu ñaha tina ti basi.

¹³ Wiho mejeta paina Jesu yaina ti durucuchu tūhoina mehne macaina sehe tinare õ sehe ni bujapeha:

—¿Dohse ahrina sihbiori sihni cahaa nijari? —ni bujapeha paina tinare Jesu yainare.

Pedro masare yahuha

¹⁴ Ñ jiro Pedro once Jesu to cūrina mehne wahcārucu su, tuaro durucutjiāhno masare õ sehe ni yahuha:

—Mūsa Judea yahpa macaina, jipihtina Jerusalēru jiina, ahrire masiga mūsa. Yu yahuchu tūhoga mūsa. ¹⁵ Mūsa tūhotua quihōno jierara. Nueve hora jira miputa. Mari chu sihnini hora jierasinica. Ñ jia ahrina cahaina jierara. ¹⁶ Ahrina Cohamacu panoru to niriro seheta yoaa nina. Tí pjarure Joere Cohamacu yare yahu mūhtariro cjirore, ahrire yahu dutia tiha Cohamacu sehe:

¹⁷ “Sohtori tia dachori jichu õ sehe jirohca: ‘Yu yairo Espiriture masare jipihtinare warocaihtja.

Ñ jia mūsa pohnapu yu yare yahuahca.

Ñ yoaa mūsa mehne macaina wahma yapia ba-juamehneare ñahca.

Ñ jia mūsa mehne macaina bucuna cahānoru cahāhca.

18 Ñ jic_u y_u cahamacare, m_uare, numia c_uh_ure y_u yairo Espiriture warocaihtja.

Ñ jia tina y_u yare yahuahca.

19 Tuhs_u, y_u tuaa mehne bajuamehneare yoa ñoihca m_uanop_u.

Yahrap_u c_uh_ure y_u bajuamehneare ñoihca: Dire, pichacare, mene ñoihca.

20 Tuhs_u, s_u dacho macariro nahitianore cohtotarohca.

Ñami macariro di yoaro sehe sohãriro cohtotarohca.

Õ sehe waharohca Cristo m_usa p_uhtoro to tahti dacho, y_u niri dacho panoi.

Tí dachoi ñ_u c_uaa wahaahca masa.

Ñ jiro wiho jiri dacho jisi.

Tí dacho noari dacho jirohca.

21 Ñ jiro õ sehe jirohca.

Jipihtina masa Cristore ti ñaa buhirire cohã duti siniinare tiro tinare pichacap_u wahaborinare y_uhdorohca', nina Cohamac_u",

ni joaha Joe.

22 'M_usa Israe masa y_u yahuch_u t_uhoga: Jesu Nazare macariro sehe Cohamac_u to warocariro jihre. Jesure to warocarire masa ti masiht_u sehe Jesu to P_uc_uro ya tuaa mehne yoa ñohre m_usare. M_usa tíre masina. 23 Jesure wajã dutina judio masa jierainare wahre m_usa. Cohamac_u panop_u to cahmariro seheta, "Ñ waharohca", to niriro seheta ñ yoahre. Ñ jina m_usa Jesure crusap_u wajã dutihre Cohamac_u dutiare c_ujaerainare. 24 M_usa ñ yoapach_uta Cohamac_u sehe Jesure yariariro cjirore masohre. Pari turi ne yarias_u tiro. Tiro yaria

dojoaerara. ã catirucuhtiro jira. ²⁵ Õ sehe nia tiha Davi cjiro panop_u macariro Cristo to ni durucuboriro seheta:

“Y_u p_uhtoro y_uh_u mehne jira m_uh_u.

Jipihtia dachoripe Cohamac_u y_u p_uhtoro y_u cahai m_u jich_u ñ_ua tihi y_u cuierahto sehe.

²⁶⁻²⁷ M_uh_u Cohamac_u y_uh_ure yariaina ti jirop_ure ne cohãsi.

Y_uh_ure m_u cahĩrirore ñanop_u cohãsi m_uh_u.

Y_uh_u m_u cahamac_uno m_uh_ure ño payoriro jija.

Y_u p_ujac_ure baa dutisi m_uh_u.

Ã jic_u tuaro wahcheja.

Wahchea mehne durucuja.

Ã jic_u m_uh_ure Cohamac_ure noano wacũ tuariro jic_u ñ_uaa buhiri marieriro jic_u cuiro marieno noano jinocaja.

²⁸ Y_uh_ure pari turi catich_u yoaihca m_uh_u.

Y_uh_u mehne m_u jich_u tuaro wahcheja”,

ni joaa tiha Davi cjiro Cristo to ni durucuboriro seheta.

²⁹ ‘Coyea, õ sehe noano yahuihtja m_usare Davi cjirore mari coyeiro, panop_u macarirore. Tiro yariaa wahaha. ã jiro tiro to masa copa mip_ure jisnina. (ã jiro “Y_u p_ujac_ure baa dutisi m_uh_u”, ni joaro to basi wama payo yahuro nieraha.)

³⁰⁻³¹ Panop_u Cohamac_u Davi cjirore õ sehe niha: “Potocã nii nija. M_u panamana ji turiaina mehne macariro m_u yoaro seheta ahri yahpa macaina bui p_uhtoro jirohca”, nia tiha Cohamac_u Davi cjirore. Davi Cohamac_u yare yahu m_uhtariro cjiro jiha. ã jiro Cristore Cohamac_u to p_uhto sõhtore masino, Cristo to masa m_ujahtore yahu m_uhta

tuhsuha Davi sehe. Õ sehe niha: “Tiro yariaina ti jiropure ji dojoasi. To pjacu tói baasi”, nia tiha Davi cjiro. ³² Ahriro Jesureta Cohamacu masohre. Sã jipihtina tirore ñuhi. ³³ Mipure Cohamacu potobuhusehepu jira dutiriro jiro. Tó panopu to Pucuro “Espíritu Santore mu yainare warocaihtja”, to ni cūriro seheta wari jire Jesure. ã jiro Jesu sehe ahrinare Espiritu Santore warocari jira. ã jina mipure Espiritu to yoaare musa ñu, tuhona nina. ³⁴ Davi cjiro sehe Jesu to mujariro seheta manopu mujaeraa tiha. ã jiro tiro to basi õ sehe nia tiha:

“Cohamacu õ sehe nire yu puhtorore: ‘Yu potobuhusehei dujiga muhu.

³⁵ Mūhure ñu tuhtiinare mūhure cūihtja mu cahamaca yoaro sehe jihtinare’, nire Cohamacu yu puhtorore”,
nia tiha Davi cjiro.

³⁶ ã jina jipihtina Israe masa ahrire noano masiga musa: Ahriro Jesure musa crusapu wajāriro cjirore musa puhtoro sõhre Cohamacu sehe. Tirore musare yuhdohtirore Cristore cūre Cohamacu –ni yahuha masare Pedro.

³⁷ To ã nichu tuhoa tuaro cahya, pjiro tuhotua, masa sehe Pedro cūhure õ sehe ni sinitu ñuha:

—¿Sã coyea, dohse yoanahcari sã? —ni sinitu ñuha tina.

³⁸ Ti ã ni sinitu ñuchu õ sehe ni yuhtiha Pedro:

—Musa ñaa yoari buhirire cahyaga. Musa ñaa tuhotumari cjirire tuhotu cohtota, “ã tjiri jira” ni, Cohamacureta maca, tuhoga. ã yoa Jesu yaina jina, bautisarina jiga musa jipihtina. Jesure musa

wacũ tuachũ ñũno, mũasa ñaa yoari buhirire boro-hca Cohamacũ. Tó sehe mũasa yoachũ Espíritu Santore warohca mũasare. ³⁹ Mũasare, mũasa pohinare, mũasa panamana ji turiainare, yoaro macainare, ã yoa jipihtina Cohamacũ mari pũhtoro to beserinare, “Potocãta yũhdoihtja mũasare”, ni cũha Cohamacũ –niha Pedro.

⁴⁰ Tuhsũ, tuaro mehne õ sehe ni yahu quihõha tinare:

–Ahri yahpa macaina, Cohamacũre ji coaerainare buhiri dahrerohca Cohamacũ. Wiho mejeta mũasa sehe, tina watoi jiina, Cohamacũ yahurire, “Ã tjira”, ni bahrañoga mũasa yũhdũhto sehe –yahu quihõha Pedro masare.

⁴¹ To ã nichũ tũhoa tina payũ to yahuaire noano tũhoha. ã jiro tinare tiro bautisa dutiha. Tí dachore Cohamacũ yaina mehne macaina tres mil masa waha namoha. ⁴² ã yoa tina masa Cristo to cũrina mehne dachoripe cahmachu, tí buheare tũho nũnũ, tíre yũhti mũjaa tiha. Tina pãore nuha, cahma witi, Cohamacũre sini, Cristo to cũrina mehne noano jinocaa tiha.

Jesu yaina wahma ji dũcaina ti jia tiare yahuha

⁴³ ã yoa Cohamacũ to tuaa mehne yoa ño mũjaha to cũrina. Ti ã yoachũ ñũa masa jipihtina ñũcũaa waha tiha. ⁴⁴ Jipihtina Jesure wacũ tuaina cahmachu, noano jinocaa tiha. ã jia ti yare cahma witia tiha. ⁴⁵ Ti yare dua, jipihtinare paye baro maerainare cãina ti cahmaare waa tiha tina. ⁴⁶ ã jia dachoripe tina Cohamacũ wũhũ wijaaroi cahmachua tiha. ã yoa cãa wũhũse, ti ya wũhũseperũ cũhare nohopeina cahmachu, pãore

nuha, wahchea mehne tina cãnoi chũa tiha. ⁴⁷ Ti ã cahmachuno watoi “Cohamacũ noariro jira”, ni ño payoa tiha. Paina masa tinare ji coa yũhdũa tiha. Æ yoaro dachoripe Cohamacũ painare to yaina to yũhdohtina wahachũ yoaa tiha.

3

Tini masieraritore noariro wahachũ yoaha Cohamacũ

¹ Cũ nũmũ ñamichahapũ tres jichũ Cohamacũ mehne durucuri pja jichũ Pedro, João mehne Cohamacũ wũhũpũ wahaa niha. ² Dachoripe tí wũhũre ti sahrĩ sãari sahrĩno tãa mehne ti yoari sahrĩno macari sopaca cahai paina cãiro masũnore na ta duhu dapoa tiha. Tí sopaca noari sopaca wama tiha. Tiro masũno sehe wahma masa bajaropũta dojori wahiro jiro tini masierariro jiha. Æ jiro tiro tí sopaca cahai niñerure sini dujia tiha tí sopacai sãainare. ³ Æ yoa Pedro, João mehne tí sopacare ti sãa cahachũ tini masierariro sehe tinare ñũ, niñerure siniha. ⁴ Æ jia tina pũaropũta tirore ñũ, Pedro sehe õ sehe niha:

—Sãre ñũga mũhũ —niha Pedro tirore.

⁵ To ã nichũ tũhoro “Ahrina mahanocã yũhũre niñerure waahca”, ni tũhoturo ñũroca õ tũhoha tinare. ⁶ To ã ni tũhotupachũta Pedro tirore õ sehe ni yahuha:

—Niñerure cjueraja yũhũ. Cjuerapaihta, ahrire yoaihtja mũhũre. Jesucristo Nazare macariro to tuaa mehne wahcãrũca, tiniga mũhũ —niha Pedro tini masieraritore.

⁷ Æ ninota to wamomacare poto bũhũsehe macari wamomacare ñaha, tirore waja wahcõ

dapoha. To ã yoachuta tini masierarirore to ñuchua tuaa wahaha. ⁸ To ã wahachuta tiro wahcãruca puruca su, tini ducaha. ã tini ducaro tiro waha, pu tini “Cohamacu noariro jira”, to ni wahcheriro mehne tina mehne Cohamacu wuhu macari sahrino puhichapu sãa wahaha. ⁹ To ã tinichu “Cohamacu noariro jira”, to nichu masa jipihtina tirore ñuha. ¹⁰ ã jia masa tirore ñu masiha. Tiro Cohamacu wuhu macari sahrino tãa mehne to yoari sahrino macari sopaca noari sopaca cahai niñerure to sini dujirire masiha masa. ã jia tiro to tinichu ñua, ñu cuaa wahaha.

Cohamacu wuhui Pedro masare buheha

¹¹ ã yoa tini masierariro cjiro Pedro cãhure to siõ suha mujano watoi, masa jipihtina ñu cuaa waha, noari wapapu Salomo wama tiri wapapu muroca wahcã, cahmachuha. ¹² Ti ã cahmachurucu sũchu ñuno, Pedro sehe õ sehe ni yahuha tinare:

—Musa Israe masa, ¿dohseana ahrirore ñu cuajari? ¿Dohseana sãre musa ñu nunujari? Sã sehe sã ya tuaa mehne noaina sã jia tia mehne sã mu saro ahrirore tinichu yoaerahi sã. Jesu sehe tíre yoahre. ¹³ Abrahã, Isaa, Jacobo mari ñuchusuma, panopu macaina ti yairo Cohamacu sehe to cahamacuno Jesure jipihtina Bui Jiro cũhre. Wiho mejeta musa sehe tó sehe jirore tirore ñu tuhtiinare wahre. Baharo puhtoro Pilato tirore to wio duapachuta, musa sehe tirore to wiochu cahmaerare. ¹⁴ Pilato tirore wio duamahre. Wiho mejeta musa Jesure ñaa buhiri marierirore, quihõno yoarirore cahmaerana, pairore masa wajãriro sehere wio dutihre musa. ¹⁵ ã yoana

Jesure marine catichu yoarirore wajächu yoare musa sã coyeya judio masa. To yariachu Cohamacu tirore masohre. Tíre sã ñuhi. ¹⁶ ã jina Jesu pjiriro to jia tiare wacũ tuaina jija. Tirore sã ã wacũ tuachu ñuno ahrirore musa mipu ñarirore musa ñu masirirore Jesu sehe to tuaa mehne tinichu yoahre.

¹⁷ Yu coyeya, musa puhtoa mehne Jesure noano masierapanahta tirore wajächu yoare musa. Tíre masija yuhu. ¹⁸ Wiho mejeta panopu macaina Cohamacu yare yahu muhtaina cjiri Cohamacu tinare to yahu dutiriro seheta, yahua tiha tina. “Cristo ñano yuhdu, yariarohca”, ni yahua tiha tina. Ti ã ni yahuriro seheta ã wahahre mipure. ¹⁹ ã jina musa ñaare yoari buhirire cahyaga. Musu tuhutumari cjirire tuhutu cohtota, ñaare musa goa pjarire duhu, Cohamacureta majareruca, to ya sehere quihõno tuhoga. Musu tirore majareruca, quihõno tuhochu ñuno, Cohamacu musa ñaare yoari buhirire borohca. ã boro, musare wahchehti dachorire cõ, musare noano yajeri sãachu yoarohca tiro. ²⁰ ã yoa tiro musa puhtoro cjihtore to beseriro Cristore musare warocarohca tjoa. Tiro Cristo sehe Jesuta jira. ²¹ Cohamacu cahapu jisininohca Jesu, pu Cohamacu ahri yahrapu jipihtiare wahma to cohtota pahñochupu. To ã cohtota pahñohore Cohamacu yare yahu muhtaina cjiri, to yaina waro panopu yahu quihõ tuhsu tiha. ²² Moise cjiro tíre yahuro õ sehe ni muhtaha: “Cũiro mari mehne macarirore mari coyeyiroreta Cohamacu yare yahu muhtahtiro cjihtore Cohamacu

mari p̄htoro warocarohca m̄sare. Ȳh̄ure to warocariro sehta warocarohca tiro c̄h̄ure. ã jina m̄sare to yahuch̄ t̄hona, ‘Jai’, ni ȳhti pihtinocaga m̄sa. ²³ Õ sehe jirohca. J̄pihtina tirore ȳhtieraina to cohãhtina jiahca. Cohamac̄ yaina mehne macaina jisi tina”, ni m̄htaa tiha Moise cjiro.

²⁴ J̄pihtina Cohamac̄ yare yahu m̄htainape Samue, ã yoa to baharo j̄ina c̄h̄u mip̄ jia dachori c̄jhtire yahu m̄htaa tiha. ²⁵ Mari ñ̄ch̄us̄ma c̄jirire, Cohamac̄ yare yahu m̄htaina c̄jiri c̄h̄ure panop̄ macainare yahua tiha Cohamac̄. Mari c̄h̄ure ã ni yahuro nia tiha. Abrah̄are to niriro sehta mari c̄h̄ure ni yahuro nia tiha. Õ sehe ni yahua tiha Cohamac̄ Abrah̄are: “J̄pihtiro ahri yahpa macainare noano yoahtja. Õ sehe tíre yoahtja: M̄ coyero baharo jiriro sehe masare noano yoabasarohca ȳh̄ure”, nia tiha Cohamac̄ Abrah̄are. ²⁶ Cohamac̄ to mac̄nore masa wijach̄ yoaro mari cahap̄ waroca m̄htare mari ñ̄aa yoaare duhuch̄ yoahtirore. ã yoaro marine tiro noano yoare –niha Pedro tinare.

4

Pedro, João mehne p̄htoa mehne s̄h̄duha

¹⁻³ Pedro, João c̄h̄u masa mehne ti durucuro watoi sacerdotea, Cohamac̄ w̄h̄ure cohtaina surara p̄htoro, saduceo curua macaina c̄h̄u tinare t̄hoha. Õ sehe ni buheha Pedro João mehne masare:

—Jesu to yariari baharo masa m̄j̄aa wahahre. To ã masa m̄jarire ñ̄na mari c̄h̄u baharo to

jina ahrirore mipure masa ñurocaroi to tinichu ñuna masa. Õ sehe nina Cohamacu yare ti joari pui Jesu cjihtore yahuro: ¹¹ “Ahriro taca yoaro sehe jiro jira. Tacare wuhu dahreina wiho jiriare ti cohãriro sehta masa judio masa tirore cohãhre. Masa ã yoapachuta mipure wuhu dahreina wuhure yoaa ti cã mhtari tacare ti cãriro sehta Cohamacu tirore phtoro sãhre. Tiro Cristo mariachu Cohamacu yaina wahaeraboa masa. (To ã wiho jiro jierapachuta masa mari phtoa mehne tirore cahmaerare. Masa ã cahmaerapachuta Cohamacu sehe tirore mari phtoro sãhre)”, ni joaha panopu. ¹² Ne, pairo masare pichacaru wahaborinare yãdoriro ne mariahna. Ahri yahpãre Jesu dihta masare yãdoriro jira. Ne paina tiro yoaro sehe jina mariahna —ni yahuha Pedro tinare.

¹³ To ã ni yahuri baharo Pedro, João mehne buhemahnoeraina jipahta cuiro marieno ti buhechu ñna, phtoa, bũcũna, judio masa buheina mehne ñũ cãaa wahaha. ã jia Jesu yoaro sehe ti buhechu ñna, õ sehe masiha tina: “Potocã Jesu mehne macaina tjira ahriina”, ni masiha tina. ¹⁴ ã yoa tini masierariro cjiro Pedro cãhu mehne jiha. Tiro to noariro jichu ñũha phtoa, bũcũna, judio masa buheina mehne. ã jia tina Pedro cãhure “Ñano yoaa nina”, ni yahusã masieraha. ¹⁵ ã yahusã masieraa phtoa ti cahmachuri tahtiapu jĩnare Pedro cãhure wijaa dutiha. ¹⁶ Ti wijaari baharo phtoa sehe ti basi õ sehe ni sãhãduha:

—¿Ahrinare dohse yoanahcari mari? —ni durucua tina ti basi.

Õ sehe ni durucu namoha:

—Pedro, João Cohamacu tuaa mehne tini masieraritore tinichu yoari jire. ã jia Jerusalẽ macaina jipihtina ti ã yoarire masica. ã jina mari sehe “ã yoaerare tina” ni masieraja mari. ¹⁷ ã jina Jesu to buheri cjirire painare buhe dutiena tjijihna tinare, “Paina tí buheare cahmari”, nina —ni durucuha tina ti basi.

¹⁸ ã ni durucu tuhsua Pedro cãhure pjiroca, õ sehe niha:

—Jesu to buheri cjirire ne buhena tjiga painare. Tíre ne durucu namoena tjiga —ni yahumaha tinare.

¹⁹ Tí ã ni yahuchu tãhoa tina Pedro João mehne õ sehe ni yãhtiha tinare:

—Musa õ sehe ni dutichu musare yãhtina, Cohamacu sehere yãhdũrcana niboca sã. ¿Diro ya sehere sã yoachu quihõno jijari Cohamacu to ñũrocarore? ¿Musa ya sehere sã yoachu quihõno jijari? ¿Cohamacu ya sehere sã yoachu quihõno jierajari, musa tãhotuchu? ²⁰ Sã sehere sã ñũrre, sã tãhorire sãre yahto basioerara —ni yãhtiha Pedro, João mehne.

²¹ Tí ã nichu tãhoa pãhtoa sehe pari turi dutimaha tjoa tinare:

—Jesu to buherire musa buheri buhiri ñano yãhdũnahca musa —niri jimare pãhtoa tinare.

“João, Pedro mehne ñano yoaa nina”, ni masierari jire tina. ã jia masa sehe tini masierariro to noariro wahachu ñua, “Cohamacu potocãta noariro jira”, niha masa. Tí ã nichu tãhoa pãhtoa sehe Pedro cãhure ti dohse yoa buhiri dahreboare bocaeraa, tinare wioha. ²² Tini masierariro,

noariro ti yoariro cuarenta cãhmari bui cjuariro jiha.

Jesu yaina ti cuierahto cjihtore siniha Cohamacure

²³ ã yoa, Pedro João mehne ti wiori baharo tina mehne macaina cahapũ sũ, sacerdotea pũhtoa, bucũna jipihtia tinare ti niri cjirire yahuha. ²⁴ Ti ã ni yahuchũ tũhoa tina jipihtina cãno potori Cohamacure siniha:

—Sã pũhtoro mũhũ mũanore, yahpare, mári cũhũre yoariro jipihtina catiinare bajuamehneriro jira mũhũ. ²⁵ Mũ Espĩritu Santo sã ñũchũ cjirore Davire mũ cahamacũnore ahrire yahu dutia tiha mũ niriro seheta:

“¿Dohse yoa Israe masa jieraina suajari?

¿Dohse yoa Cohamacure ti yũhdũrcãhtire wiho waro durucujari tina?

²⁶ Payũ yahpari macaina pũhtoa cahmachu, mari pũhtoro Cohamacure, to pũhtoro sũriro Cristo cũhũre ñũ tuhti, ñano yoa duara tinare”,

ni yahua tiha Davi cjiro mũ ni dutiriro seheta.

²⁷ ã tjira. Ahri macai Herode, Poncio Pilato, judio masa jieraina, ã yoa judio masa cũhũ cahmachuhre, mũ beserirore Jesure noariro mũ cahamacũnore wajãa taa. ²⁸ Tĩ pja mũ cahmariro seheta “ã waharohca”, mũ niriro seheta yoahre tina. Mũ masia mehne ã ni yahuha mũhũ. ²⁹ ã jicũ mipũre sã pũhtoro, tina sãre purĩno mehne mũ jia tiare ti yahu namo dutierachũ wacũ payoga mũhũ. Sãre mũ cahamacare cuiro marieno mũ buheare

yahuch_u yoaga sãre. ³⁰ M_uh_u m_u tuaa mehne dohatiinare noaina yoaga. ã jic_u m_u buheare cuiro marieno yahu dutiga sãre. ã yoa Jesu noariro m_u cahamac_uno to tuaa mehne yoa ño masich_u yoaga sãre. ã jic_u dohatiinare noaina sã waha dutich_u to tuaa mehne yoadohoga sãre –ni siniha tina Cohamac_ure.

³¹ Ti ã ni siniri baharo, ti cahmachuri w_uh_u ñuhmi m_uaa wahaha. To ã ñuhmich_uta Espiritu Santo to tuaa mehne wac_u tua namoina wahach_u yoaha tinare. Tinare ã wahach_u Espiritu Santo to dutiro sehta yoaa, cuiro marieno Cohamac_u yare yahu namoha tjoa tina.

Jesu yaina ti yare tju waa tiha

³²⁻³³ ã jia Cohamac_u to tuaa mehne tina Jesu to c_urina õ sehe ni yahua tiha masare: “Jesu yariariro to masarire sã ñ_uhi”, ni yahua tiha tina masare. ã jiro tinare jipihtinare Cohamac_u noano yoadohorucua tiha. ã yoa Jesure wac_u tuaina pay_u jia, tina cãno potori t_uhotuina jia tiha. ã jia tina ti yare ti c_uaaare “Y_u ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha. ³⁴ ã jia tina mehne macaina pjac_uoina mariea tiha. Tina mehne macaina yahpari c_uaina, w_uh_use c_uaina ti yare duaa tiha. ³⁵ ã duaa ti wapa narire tina na ta, Jesu to c_urinare waa tiha. ã jia tina sehe t_ure tina mehne macainare tju waa tiha. Jipihtina c_uaerainare tju waa tiha. ³⁶ Tí pjare cãiro tina mehne macariro José wama tiriro jiha. Jesu to c_urina Josére Bernabé ni wama pisuha. To wama

Bernabé “Masare wahchech_u yoariro jira”, nia nina. Tiro Leví ya curua macariro Chipre naco macariro jiha. ³⁷ ã jiro tiro yahpare cj_uariro jiro tíre duaha. ã duaro to wapa narire Jesu to cūrinare waha tiro painare witi dutiro.

5

Anania to namono Safira mehne mahñoa

¹ Paina cūh_u Bernabé yoaro sehe yoaa timaha. Tina Anania wama tiri, to namono Safira wama tiri cororo jiha. Ti ya yahpare duaha tiro. ² ã dua-parota tiro to wapatarire to basi naha. To namono cūh_u to ã yoarire masiha. ã jiro ti wapataa ti duharire na ta, Jesu to cūrinare waha Anania sehe. ã waro “Wa pahñoi nija”, nimaha tiro. ³ To ã yoach_u ñ_uno Pedro tirore õ sehe ni yahuha:

—Anania, watño m_uh_ure mahño dutiri jire Espíritu Santore. ã jic_u m_u ya yahpare dua, m_u wapatarire m_u basi nari jire m_uh_u. ⁴ M_u duahto pano m_u ya yahpa jihre. ã jiro m_u duari baharo m_u ya wapataa jihre. ¿ã yoac_u dohse jiro baro ã mahñori m_uh_u? M_uh_u sã dihtare mahñoerare. Cohamac_u cūh_ure mahño_ure m_uh_u —niha Pedro tirore.

⁵ To ã nich_u t_uhorota, Anania sehe doca caha s_u, yariaa wahaha. ã jia jipihtina tiro to ã wahach_u masia, tuaro cuiha. ⁶ To yariari baharo wahma yapia ta, to pjac_ure suhtiro cahsaro mehne wahma, sopac_u na wijaa, masa cop_u cohānocaha tirore.

7 ã yoa tia hora baharo Anania m̄n̄n̄ano na-mono, to yariarire masieraro Pedro cahap̄m̄ s̄ãaha.

8 ã jiro Pedro ticorore õ sehe niha:

–¿M̄usa ya yahpare duatjiãh̄na noho puro wap-atari m̄usa? –niha tiro.

ã jiro ticoro to man̄no m̄n̄n̄ano to niriro purota, “Tó purota wapatahi s̄ã”, ni ȳhtimaha ticoro.

9 To ã ni ȳhtich̄m̄ t̄h̄oro Pedro õ sehe ni yahuha ticorore:

–¿Dohse yoana m̄usa c̄ño potori Cohamac̄m̄ Esp̄iriture mah̄ño duajari? “¿Potocãta marine buhiri dahrebocari?” nina. T̄h̄oga mip̄re. M̄m̄ man̄m̄ cjirore yarina tara. M̄h̄m̄ c̄h̄ure m̄m̄ pjac̄ure naa taa nina –niha Pedro.

10 To ã ni yahuch̄ta ticoro doca caha s̄m̄, yariaa wahaha. ã jia wahma yapia tí w̄h̄ure s̄ã wihi, ticoro pjac̄ure na wijaa wahaha. Na wijaa, to man̄no m̄n̄n̄ano pari wahpa ticoro pjac̄ure masa copap̄m̄ cohãha. 11 ã jia Jesu yaina jipih̄tina paina tíre t̄h̄oa cui ȳhd̄m̄ wahaha.

Jesu to c̄rina Cohamac̄m̄ tuaa mehne yoa ñoha

12 ã yoa masa watoi Jesu to c̄rina paȳm̄ tahari Cohamac̄m̄ tuaa mehne yoa ñoa tiha. ã yoa tina Salomo wama tiri tahtiap̄m̄ tihamahnoeni tahtiap̄m̄ cahmachua tiha. 13 ã jia paina Jesu yaina jieraina sehe cui curea, tina cahap̄m̄ wahaera tiha. ã cuiptahta tinare Jesu yaina warore “Noaina jira ahrina”, nia tiha masa. 14 ã jia m̄m̄, numia paȳm̄ Jesure wac̄ũ tua d̄caaa tiha. 15 ã jia tina dohati-inare na ta, coma yosaa mehne pj̄p̄aha duhu c̄ã tiha mahap̄m̄ tinare. ã yoa Pedro tinare to ña

payoch_u cahmaha tinare na taina sehe dohatiina ti noaina wahach_u cahmaa. Tinare to ña payoerach_u Pedro ti bui masur_uca cūch_u cahmaha tina. Tí dihtare cahmaa tiha ti noaina wahahto sehe. ¹⁶ Ñ jia Jerusalē cahai jia macari macaina cāh_u dohatiinare, watīa ti sāaina cāh_ure na taa tiha. Ti ã na tach_u tina jipih_utina ti pjac_uri noaina wahaha.

Jesu to cūrinare paina ñano yoaa tiha

¹⁷ Ti ã yoach_u ñ_ua sacerdotea bui p_uhtoro, tiro mehne macaina mehne Pedro cāh_ure ñ_u tuhtiha. Sacerdotea p_uhtoro mehne macaina saduceo curua macaina jiha. ¹⁸ Ñ ñ_u tuhtia tina sua y_uhd_ua Jesu to cūrinare ñaha, peresu yoaha. ¹⁹ Ñ jiro ñamip_u Cohamac_u yairo anjo pjōoha tinare peresui dujiinare. Ñ yoa tinare wijaa ta dutiro ò sehe ni yahuha anjo:

²⁰ —Cohamac_u w_uh_up_u wahaga. Tí w_uh_up_u jina Cohamac_u to masorire ahri noaa buheare yahuga masare —niha anjo tinare.

²¹ To ã nich_u t_uhoā, ñamiwacūnu jich_u Cohamac_u w_uh_up_u s_ua, masare buhea tiha tina. Tí dachoihta sacerdotea p_uhtoro, tiro mehne macaina, Israe masa p_uhtoa mehne cahmachu, Jesu to cūrinare peresup_u jiiinare na ta dutimaha surara p_uhtoare.

²² Wiho mejeta surara p_uhtoa peresu ti yoari w_uh_up_u waha, ñ_umaha. Tinare bocaeraha. Bocaeraa tjuaa wahaha. Tju s_u ò sehe ni yahuha ti p_uhtoare:

²³ —Peresup_u jia pahmari bihaa pahmari jihre. Ñ jia tí pahmari cahai ti peresu yoarinare cohtaina ti ducuch_u ñ_uhi s_u. Wiho mejeta pjōo s_ua, s_u ñ_uch_u, ti peresu yoarina mariahre —ni yahuha tina.

²⁴ Ti ã nichu tuhoa, surara Cohamacu wuhure cohtaina puhtoro, sacerdotea puhtoa mehne tîre tuho, chua waha, “¿Dohse waha sohtori tiahcu tina ã yoaa?” ni tuhotuha tina. ²⁵ Æ jiro tina cahapu paio su, tinare õ sehe ni yahuha:

—Musa peresu yoarina Cohamacu wuhuru jihre. Ñuna waha wiho. Tí wuhuru masare buhea nihre tina —ni yahuha.

²⁶ To ã nichu tuhoro, surara puhtoro, to surara mehne waha, Jesu to cûrinare pari turi ñaha taha tjoa. Wiho mejeta tinare surara tuhtieraha. Æ jia tinare cjãborina jipahta, masare cuia cjãeraha tinare. “Ahrinare mari cjãchu paina masa sehe tãa mehne docaahca marine”, ni tuhotuha tina surara sehe. ²⁷ Æ jia tinare na ta, puhtoa panoi duhu dapoha tina. Ti ã na wihi dapochu sacerdotea puhtoro tinare õ sehe ni tuhtiha:

²⁸ —Músare sã tuaro dutimahi. “Jesu yare buhena tjiga”, nimahi sã musare. Sã ã nipachuta musa sehe jipihtina Jerusalẽ macainare buhehre musa. Jesu to yariari buhiri, sãre buhiri tichu yoa duana nica musa —niha puhtoro sehe.

²⁹ To ã nichu tuhoro Pedro sehe paina Jesu to cûrina mehne õ sehe ni yuhtiha:

—Cohamacu to dutiri sehere yoa muhtanahtja. Æ jina baharo Cohamacu cahmachu masa ti dutiare yoanahtja. ³⁰ Cohamacu, mari coyea panopu macaina puhtoro, Jesure masori jire. Tirota jira musa crusapu cjã puha wajã dutiriro. ³¹ Jesure “Noariro jira” ni, to poto buhusehei duji dutihre Jesure Cohamacu sehe. Æ jiro Jesu masa puhtoro, masare masoriro jiro, Israe masare ti ñaa yoarire

cahyaina ji dutiro, ti ñaa yoari buhirire cohã duara Jesu. ³² Ñã jina sã sehe Jesu to yoarire ñurina jina tíre yahuja sã. Espíritu Santo tíre ñuriro jiro yahura tiro cũhũ. Tírore Espíritu Santore Cohamacũ warocahre. Jipihtina Cohamacũ dutiare yoainare tiro Espíritu Santore wahre –ni yahuha tinare.

³³ To ã nichũ tũhoa pũhtoa sehe sua yũhdũaha. Ñã suaa, tina Jesu to cũrinare wajã duamaha. ³⁴ Wiho mejeta Gamalie, fariseo curua macariro tói jiro tinare wajã dutiro taro nieraha. Tiro pũhtoa mehne macariro, dutiare buheriro to jichũ, masa tírore ño payoa tiha. Tiro Jesu to cũrinare mahanoã cohta dutiro pa sehepũ tinare naa wahcã dutiha surarare. ³⁵ Tí ã naari baharo tiro õ sehe ni yahuha masare:

–Mũsa Israe masa, ahrinare mũsa yoah tire noano tũhotuga “Mũsapũ wajãri”, nina. ³⁶ Wacũga Teuda cjirore. Tiro to basi “Masare yũhdũũcariro jija yũhũ”, nire masare. To ã yoachũ ñũã, masa payũ cuatro cientos masa tiro mehne macaina tjuare. Baharo paina sehe tírore wajãri jire. To buheare buherina cjiri sehe waha sitea wahari jire. Ñã jia tina cjiri mipũre mariahna. ³⁷ Baharo masare ti quihõri pja jichũ Galilea macariro Juda wama tiriro cjiro masare to buhechũ tiro mehne masa payũ tjuare. Tiro cũhũ yariaa wahari jire. Ñã yoa to yaina jipihtina waha sitea wahari jire. ³⁸ Ñã nicũ mũsare mipũ ahrire nii nija. Ñã ñũnocahga ahrinare Jesu yare yahuinare. Ñã yoa ahri buhea, ahрина ti ya buhea Cohamacũ ya buhea jieraa, pihtia wahaahca Teuda cũhũ tí ya buhea ti pi-

htiriro seheta. ³⁹ Wiho mejeta ahri Cohamacu ya buhea jia, ne pihtisi. Ahri buhea Cohamacu ya jichu ne ahrire butichu yoa masierara musa. Musa ahrire butichu yoa duana Cohamacu mehne cahmachena niboca musa —niha Gamalie tinare.

⁴⁰ To ã ni yahuchu tũhoa, “Potocã tjira”, ni tũhotuha masa. ã jia tina Jesu to cũrinare pjiroca, ti wihichu ñua, tinare tjanaha. “Jesu yare buhe namoena tjiga musa”, ni tuhsu, tinare waha dutiha. ⁴¹ Ti ã waha dutichu tũhoa tina puhtoa cahapu jirina cjiri waha wahaha. Jesu yare ti yoari buhiri ñano yũhua tuaro wahcheha Jesu to cũrina. ⁴² ã jia dachoripe Cohamacu wũhu cahai jia waparihi, ti ya wũhusei Cristo yare buhea, yahua tiha tina.

6

Siete yoadohinare beseha Jesu yaina

¹ Tí dachorire Jesu yaina payu wahaha. Wiho mejeta ti ã waharo wato, cũ curua macaina judio masa jipahta, pa sehepu masa bajuaina griego ya durucuina jiha. ã jia tina tóita masa bajuaina hebreo ya durucuinare õ sehe ni tũhotu, nureha: “Dachoripe masare yoadohoare ti witichu, mari griego ya durucuina wapewahya numia sehere daacã waro wara”, ni tũhotu, nure cohtaha. ² Ti ã nurechu masia, Jesu cũrina, doce jiina sehe jipihitina Jesu yainare ti cahapu pjiroca, õ sehe ni yahua tinare:

—Sã Cohamacu yare buheina jija. Tíre duhu, masare yoadohoare witiborina sã jirucuhu tó wahaerara. ³ Musa sã coyey, siete mare, paina noaina ti niinare Espiritu Santo to dutirire

yoainare, noano tũho masiinare macaga. Tinare ahri dahraare cũga mũsa. ⁴ Wiho mejeta sã sehe dachoripe Cohamacũre sini mũja, Cohamacũ yare painare buhenahca –ni yahuha tina Jesu to cũrina.

⁵ Ti ã nichũ tũhoa, “Jai. ãta yoajihna”, niha tina jipihtina Jesu yaina. Baharo Estebãre Cristore wacũ tuarirore, Espĩritu Santo to dutiare yoarirore beseha tina. ã jichũ Felipere, Prócorore, Nicanore, Timore, Parmenare, Nicola cũhare Jesu yainare yoadohohtinare beseha tina. Nicola sehe Antioquia macariro, judio masũno jierariro, judio masa ya buheare cahmano, tina mehne sãariro jiha. ⁶ Tinare bese tuhsũ, ti beserinare Jesu cũrina cahai na wihaha tina. Ti ã na wihichũ ñũa, tina Jesu cũrina sehe tinare Cohamacũre sini payo tuhsũ, ti dapu poca bui ti wamomacarine duhu payoha.

⁷ ã yoa Jesu yaina painapũre Cohamacũ yare yahu site pahũoa wahaha. ã jia Jerusalẽpũ jiina paina Jesu yaina payũ waha namoha. Sacerdotea cũhũ payũ Jesu yaina wahaha.

Paina Estebãre ñahaha

⁸ ã yoa cãiro masare yoadohoare witi cohtariro Estebã sehe Cohamacũ to noano yoariro ji, Cohamacũ tuaare cjuariro jiha. ã jiro tiro Cohamacũ tuaa mehne yoa ño mũjaha masa ti ñurocaroi.

⁹ Wiho mejeta judio masa buheri wũhũ macaina tirore ñũ tuhti, to yahuchũ, tirore soro ni cohtaha. Tina soro ni cohtaina “Cahamaca ji, wizarina cjiri”, wama tiri curua macaina sehe jiha. ã jia Cirene macaina, Alejandría macaina, Cilia macaina, ã jichũ Asia macaina cũhũ jiha tina.

¹⁰ Tirore soro ni cohtapahta, Espĩritu Santo to

masia mehne Estebã to durucu mihnichu, tina to buheare ti dohse soro ni yuhtiboare wacũ bocaeraha. ¹¹ Ti soro ni yuhtiboare wacũ bocaeraa, tina painare mahño dutia, wapaha tinare. Ti ã mahño dutichu õ sehe ni yahusãmaha tina:

—Ahriro Cohamacure, ã jichu Moise cjirore Cohamacu to cûri dutia cãhure to ñano durucuchu sã tuhohi —ni yahusãmaha tina mahñoina Estebãre.

¹² Ti ã nichu tuhoha masa, judio masa buheina, bucuna cãhu tiro mehne suaha. ã jia tina Estebãre ñaha, ti puhtoahapã naaha tirore. ¹³⁻¹⁴ ã yoaa tina painare mahño dutiha:

—Ahriro dachoripe Cohamacu wãhure, to dutia cãhure ñano durucuriro jira. Tuhohi sã tirore to õ sehe nichu: “Jesu Nazare macariro Cohamacu wãhure cohã, ã yoa Moise dutiri cjiri, marine to yahu cûri cjire cohtotarohca”, nihre Estebã sã tuhochu —ni mahño yahusãmaha tina.

¹⁵ ã jia jipihtina tói dujiina Estebãre noano ñuroca õ, to wãhdure ñuha tina. Anjo yoaro sehe bajuha to wãhdura.

7

Estebã Jesu yare yahuha

¹ ã yoa sacerdotea bui puhtoro õ sehe ni sinitu ñuha Estebãre:

—¿Ahrina ti nia potocã tjijari? —ni sinitu ñuha tiro Estebãre.

² To ã nichu tuhoro, Estebã sehe tinare õ sehe ni yuhtiha:

—Coyea, bucuna sã pucsuma tuhoga. Abrahã mari ñuchu cjiro panopã macariro Mesopotamiapã to jisnichu, Harãpã to jihto

pano, Cohamacu tuariro si siteriro sehe tirore Abrahãre bajuaa tiha. ³ ã bajuaro, Cohamacu õ sehe ni yahua tiha tirore: “M_u ya yahpare, ã jich_u m_u coyea poto c_uh_ure duhunoca, wahaga. Pa yahpa, y_u m_uh_ure ñohti yahpap_ure wahaga”, nia tiha Cohamacu Abrahãre. ⁴ To ã nich_u t_uhoro Abrahã c_uh_u Caldea yahpai jiina wijaa, Harãp_u s_u, jisinia tiha. Abrahã p_uc_uro to yariari baharo, tiro c_uh_u tí macai wijaa, ahri yahpa, mip_u m_usa jiri yahpap_u Cohamacu yoadohoro mehne taa tiha. ⁵ Cohamacu Abrahãre õp_u suho na taparota, tirore dói “Ahri yahpa p_uro jiga”, ni c_uerasinia tiha. Ne mahanocã ahri yahpare, “P_u tiga m_uh_u”, ni dutierasinia tiha tiro. Wiho mejeta Abrahã pohna marieriro to jipach_uta, Cohamacu sehe tirore õ sehe ni yahu m_uhta tiha. “M_uh_ure ã jich_u m_u panamana, pa tjuru macainap_u c_uh_ure ahri yahpare waittja”, nia tiha Cohamacu Abrahãre. ⁶ ã ninota õ sehe ni yahu namoa tiha Cohamacu. “M_u panamana pa tjuru macaina pa yahpap_u waha, tóp_u paina cahap_u jia, ti cahamaca jahca tina. Tuhs_u, cuatro cientos c_uhmari waro tó macaina ñano yoapeahca m_u panamanare. ⁷ ã jic_u tó macainare ti ã yoari buhiri buhiri dahreih_utja y_uh_u. Y_u ã yoari baharo m_u panamana ji turiaina ahri yahpap_u wihi, y_uh_ure ño payohtina jahca tina”, nia tiha Cohamacu Abrahãre. ⁸ To ã ni yahu c_uare ti noano wac_uru_ucuhto sehe, õ sehe yoa turia wahcã dutiha tirore. M_uno p_uac_ure mahanocã cahsarocãre yihso na dutia tiha tirore. ã jiro ocho dachori to mac_uno Isaare to pohna tiri baharo, mahanocã cahsarocãre yihso naa tiha tiro Isaa

pjacure. Baharo Isaa Jacobore pohna ti, to pjacũ cãhũre mahanocã cahsarocãre yihso naa tiha. Baharo Jacobo cãhũ doce to pohmare ã dihta yoaa tiha ti pjacũre. Tina doce mũa sehe tópe curuari, mari masa curuari dahpoto macaina cjihti jia tiha.

⁹ 'Ã yoa baharo, tina Jacobo pohna, mari ñũchũsuma cjiri, ti bahũro Josere pahsu tia, paina ti cahamacũno cjihtore duanocaa tiha Egiptopũ wahainare. Ti ã yoapachũta, Cohamacũ Josere yoadohoa tiha. ¹⁰ Jipihti tí to ñano yũhdũare Cohamacũ tirore noano yũhdũchũ yoaa tiha. Cohamacũ tirore noano tũho masichũ yoaa tiha. ã yoa faraõ Egipto macaina pũhtoro sehere Josere ñũ ji coachũ yoaa tiha. ã jiro faraõ sehe Josere pũhto sõa tiha, tiro mehne masare dutihtiro cjihtore. Tirore faraõ ya wũhũ cãhũre pũhtoro cũa tiha.

¹¹ 'Ã yoa tí pjapũre Egiptopũ, Canaarũ cãhũre paró ne coro taeraa, yahpa sehe wũaa sãa wahaa tiha. To ã wũa sãa wahachũ, masa ti toamari cãhũ ñai pihtia wahaa tiha. ã jia mari ñũchũsuma cjiri ñano yũhdũa, ti chũboare ne bocaeraa tiha. ¹² Wiho mejeta Egiptopũ “Trigo jiyuhca”, ti nichũ tũhoro, Jacobo sehe to pohmare, mari ñũchũsuma cjihtore tópe coã warocaa tiha. ¹³ Baharo pari turi to warocarina cjiri Egiptopũ ti sũchũ tjoa, José to wahmisũmare “Mũsa bahũta jija yũhũ”, ni yahu, tinare masichũ yoaa tiha. Tí pja pũhtoro faraõ sehe José coyeare coã ñũno nia tiha. ¹⁴ Baharo José to wahmisũmare, ti pũcũro Jacobore, ã jichũ jipihtina ti coyea cãhũre cahmarocaa tiha. To coyea setenta y cinco masa jia tiha. ¹⁵ To macũno

to pjirocach_u t_uhoro Jacobo cjiro wahaa tiha Egiptop_u to mac_uno cahap_u. To mac_uno cahap_u jiro, tiro yariaa wahaa tiha. ã yoa to pohna, mari ñ_uch_us_uma cjiri c_uh_u tó_up_u yaria pihtia wahaa tiha. ¹⁶ Tina ti yariari baharo, ti coyeya ti p_ujac_uri cjirire Siquẽ wama tirop_u naa tiha. Tó_up_u na s_u, tãa coparip_u Abrahã Hamor poh_unare niñeru mehne to nuch_uri yahpap_u tina ti p_ujac_uri cjirire c_ua tiha.

¹⁷ ã yoa Cohamac_u Abrahãre “Canaa yahpare waihtja m_uh_ure”, to ni c_uriro cjiro m_u s_uro cahach_u, Abrahã panamana, Israe masa, Egiptoi jisinia pay_u wahaa tiha. ¹⁸ Ti ã pay_u wahari baharo, paio faraõ, Egipto masa p_uhtoro José cjirore masierariro sãa tiha. ¹⁹ Tiro mari coyeyare mahño, ñano yoa, ti poh_unare m_ua poh_unare wajã dua, cohãno_uca dutia tiha tinacãre. Wahma bajuainacãre cohã dutia tiha “Tinacã yariajaro”, nino. ²⁰ To ã yoaro watoi Moise cjihto sehe masa bajuua tiha. Tirocã noariro, Cohamac_u to noano ñ_u jicoariro jia tiha. Tia s_u waro to p_uc_us_uma tirocãre noano ñ_u wihboa tiha. ²¹ ã jiro Moiserere n_uo namo masieraa, diap_u tirocãre p_uh_uroi comape mehne ti bihari p_uh_uroi poho b_uroha. Ti ã yoach_u faraõ macono tirocãre ñ_u boca, na maja, to mac_uno_ure yoaro seheta c_uh_uaa tiha tirocãre. ²² ã jia tina Egipto macaina, noano masiina ya jipih_utiare Moiserere buhe b_uc_uoa tiha. Baharo, ne cuiro marieno durucuriro, p_uhtoa jia tia c_uh_uare mihni y_uhd_uu_uc_u s_uriro wahaa tiha Moise.

²³ ã yoa tiro cuarenta c_uh_umari c_uh_uaro to coyeya Israe masare ñ_u duaro ti cahap_u ñ_uno wahaa tiha. ²⁴ Tó_up_u ñ_uno s_uro, Egipto macariro cãiro

Moise coyeirore to ñano yoachũ ñũa tiha. Tiro to ñano yoaborirore ducata duaro, Egipto macariro sehere wajã cohãnocaa tiha. ²⁵ ã wajã cohãno, Moise õ sehe ni tũhotua timaha. “Yũ coyea ti coyeirore yũ yoadohochũ ñũa ‘Cohamacũ marine noano yũhdũchũ yoa dutiro warocare ahrirore’, ni tũhotuahca yũ coyea”, ni tũhotua timaha Moise. Wiho mejeta tina sehe ne ã ni tũhotueraa tiha. ²⁶ Pa dachoi Moise to coyeare pũaro ti basi cahmacheinare boca sũa tiha. ã boca sũro, tinare yahu duaro tinare õ sehe ni yahua timaha: “¿Mũsa basi jipanahta cahmachejari mũsa?” ni yahua timaha Moise tinare. ²⁷ To ã ni yahuchũ tũhoro, cũiro to coyeirore ñano yoariro sehe Moiserere tjurocaa tiha. “Mũhũ sã pũhoro jierara. Sãre yahuboriro jierara mũhũ. ²⁸ ¿Canũre Egipto macarirore mũ wajãriro seheta yũhũ cũhũre wajã duacũ nijari mũhũ?” nia tiha tiro Moiserere. ²⁹ To ã nichũ Moise tũho cũaa waha, mũrocaa duhti wahcã, Madiã yahpapũ waha waha tiha. Tõpũre pa sehe macariro jiparota, numino boca, pũaro pohna tia tiha.

³⁰ ã yoa Moise cuarenta cũhmari waro tõi to jiri baharo, Sinaí wama tidũ tũcũ cahai masa marienopũ to jichũ anjo tirore bajuaa tiha. Anjo sehe mahadũcã jũri picha pohnai bajuaa tiha. ³¹ Tũ yucũcũcãpũ to jũrucuchũ ñũno, Moise ñũ cũaa waha tiha. Tí pichacare cahacã noano to ñũ wahcãchũ waroi Cohamacũ to durucuchũ tũhoa tiha. ³² “Cohamacũ jija yũhũ. Mũ ñũchũsuma cjiri, Abrahã cjiro, Isaa cjiro, Jacobo cjiro ti ño payoriro jija”, nia tiha Cohamacũ Moiserere. To ã nichũ tũhoro Moise sehe tetere, ne ñũ wahcõeraa

tiha. ³³ Cohamacu õ sehe ni durucu namoa tiha tirore. “Yucu ñaa marieriro yu õi jiro wato, mu ducuri yahpa sehe wiho jiri yahpa jierara. ã jicu mu dahpo suhtire tjuwe cūga. ³⁴ ã yoa yu yaina masa Egiptoru ti ñano yuhduchu ñuja. Ti tiichu tuhoja. ã jicu õpũre wihija yucu, tinare yuhdu witichu yoai tai. Ti ã wahachu, ñucu wahaga macu cūcu. Egiptoru macu warocaihtja. Tinare na wioi wahaga”, nia tiha Cohamacu Moisere.

³⁵ Tó panoru tina sehe mari coyea, Israe masa Moisere cahmaeraa tiha. “Macu sã puhtoro jierara. Macu sãre yoadohoboriro jierara”, ni tuhtia tiha tina tirore. Wiho mejeta baharo, Cohamacu ti ã niriro cjirore Egiptoru warocaa tiha, mari coyea Israe masare yuhdu witichu yoah tiro, ã jichu ti puhtoro jihtiro cjihtore. ã yoa anjo, tirore jãdũpu bajuariro sehe to ã yoah tirore. ³⁶ Moise jia tiha mari coyea, Israe masare Egiptoru jinare na wioriro. Tinare na wioro, Egiptoru Cohamacu tuaa mehne tiro sehe yoa ño dũcaa tiha tũpu jinare. Pjiri ma sohãri mapu ãta yoa ñoa tiha tjoa. Baharoru masa marienoru cũhũre cuarenta cũmari waro Cohamacu tuaa mehne yoa ño mũjaa tiha tiro to masare. ³⁷ ã yoa Moise cjiro jia tiha mari coyea, Israe masare õ sehe ni yahuriro: “Cohamacu cãiro musa coyeiro, to yare yahu macuhtahiro, yu yoaro sehe jirirore warocarohca macu”, nia tiha Moise tinare. ³⁸ Moise masa marienoru mari coyea Israe masa mehne jia tiha. Tuhsu, Sinaí wama tidu tũcũpu ti cahmachuchu tirore yahuriro anjo mehne jia tiha. ã yoa mari ñuchũsũma panoru macaina cjiro mehne

jia tiha tiro. Cohamacu to dutiare cūriro jia tiha Moise.

³⁹⁻⁴⁰ 'Ā jia tí dutiare tūcui Moiserē to cūno watoi mari ñuchusuma cjiri Egiptoru tjua duaa Moiserē yuhdurcaaa tiha. Tina tirore cahmaeraa tiha. Ā cahmaeraa tina Moise cjiro wahminore Aarō wama tiriro cjirore ō sehe nia tiha: “Paina cohamanare yoaga mari yaina cjihti. Tina mari wahta mahare marine sūho naahca. ¿Wiho mejeta marine Egiptoru jiiinare na tariro Moise dohse wahari tiro? Masieraja sã”, nia tiha tina. ⁴¹ Ā jia tí dachorire tina wachu masure uru mehne yoaa tiha. Ā yoa tuhsu, tina wahiquinare wajã, ti yoariro cjiro cahai na ta, ño payoa tiha tirore. Ā jia tina ti yoariro cjirore wachure ñu, wahche, bose numu yoaa tiha. ⁴² Wachure ti ño payochu ñuno, Cohamacu tinare cohã wahcãa wahaa timaha. “Yuhure cohã, mũanoru bajuua, sũ dacho macariro, sũ ñami macariro, ã yoa ñahpichoha poca cūhure ño payowahnojaro”, nino cohã wahcãa wahaa timaha. Cohamacu yare yahu mũhtaina cjiri ã ni joaa tiha:

“Musa Israe masa, yuhure nu ñano yoare.

Masa marienoru cuarenta cūmari waro jina wahiquinare musa wajãinare musa wajã, jũ wa mũoranahta, yuhure musa ño payoboriro seheta yoamare musa.

Wiho mejeta yuhu sehere musa ño payoerare.

⁴³ Ā jina musa Molo wama tiri masure ño payoina jiina, tí masure ño payori wuhure cjuare musa.

Ã yoa paio cohamacũ ñahpichohaca Refã wama
tiria to masure mũasa yoariare mũasa cjuare
tjoa.

Tí masurine mũasa yoarire mũasa ño payore.

Mũasa ã yoari buhiri mũasare Babilonia sie sehepũ
cohãrocaihtja yũhũ”,
ni yahu joaa tiha Cohamacũ yare yahu mũhtaina
cjiri.

⁴⁴ 'Ã jia masa marienopũ Cohamacũ masa
mehne to jiri wũhũre wahiquina cahsari mehne
ti yoari wũhũre cjuaa tiha mari ñũchũsũma cjiri
panopũ macaina. Tí wũhũ Cohamacũ masa mehne
to durucuri wũhũ jia tiha. Tí wũhũpũ Cohamacũ
dutia to joaa pjĩni tãa pjĩni jia tiha. Tí wũhũre
Cohamacũ Moisere to ñoriro seheta, “Õ sehe
yoaga”, to ni yoa dutiriro seheta yoaa, tí wũhũre
cjuaa tiha tina. ⁴⁵ Ã yoa ti panamanapũ cũhũ cju
turia nũnũ tia tiha tí wũhũre, wahiquina cahsari
mehne ti yoari wũhũre. Baharo mari ñũchũsũma
cjiri Josué mehne Cohamacũ mari coyea Israe
masare to cũhti yahrapũre, ahri yahrapũre pũ tia
taha. Tí pũ tia tachũ ahri yahpai ji mũhtaina cjirire
Cohamacũ cohãnocaa tiha. Tí pjare Cohamacũre
ti ño payori wũhũre na taa, cjuaa tiha tina ahri
yahrapũ, mipũre mari jiri yahrapũ. Pũ Davi cjiro
to jiri tjurupũ cju batóa tiha tí wũhũre. ⁴⁶ Tiro
Davi cjiro sehe Cohamacũre wahchechũ yoariro
jia tiha. Cohamacũ ya wũhũ cjihtore pa wũhũ
tiro yoa duaro, sinia timaha Cohamacũre. ⁴⁷ To ã
sinipachũta Salomopũ Cohamacũ ya wũhũ sehere
yoaa tiha. ⁴⁸ To ã yoapachũta Cohamacũ Jipihina
Bui Jiriro sehe masa ti yoari wũhũpũre jierara.

Õ sehe nia tiha Cohamacu yare yahu mahtariro cjiro:

49 “Mhano yu dujiro jira.

Tói dujicu dutija yuhu.

Ã jiro yahpa sehe yu dahporire duhu payoro yoaro sehe jira.

Yuhu tua yuhduariro jija.

Yu ya wuhu cjihtore yoa masierara musa.

Cohamacu yu jichu yu jihti wuhure musa yoa masierara.

50 Yu basi ahri yahpare jipihtiro yoahi yuhu’, ni durucua tiha Cohamacu’, ni joaa tiha Cohamacu yare yahu mahtariro cjiro.

51 Musa Cohamacu yare tuhopanahta, tirore yuhti duaerara. Cohamacure masieraina yoaro sehe tuhoutuina baro jira musa. Espiritu Santore yuhduhca yuhduara musa. Musa ñuchusuma cjiri ti yoariro cjiro seheta yoara musa cuhu. 52 Musa ñuchusuma cjiri jipihtina Cohamacu yare yahu mahtaina cjirire ñano yoaa tiha. Tina Cohamacu yare yahu mahtaina cjiri “Baharo cãiro ñaa buhiri Marieriro tarohca”, ti ni yahu quihõ mahtachu tãhoa, musa ñuchusuma cjiri sehe tinare wajãa tiha. Ã yoa mipu cãhure tiro “Ñaa buhiri Marieriro”, tó panopu ti niyuriro sehe õpu to wihichu, “Muhu mehne macaina jija”, ni ji mahño, tirore wajãhre. 53 Cohamacu dutiare anjoa sehe yahu turia timaha musare. Ti ã yahu turiachu musa tí dutiare cjumaha. Wiho mejeta tí dutiare yuhduhca musa –niha Estebã.

Tina Estebãre tãa poca mehne doca wajãha

⁵⁴ To ã nichu tuhoa tina sehe tuaro suaha. Æ tuaro suaa, cuaina wahaha. ⁵⁵ Ti ã suapachuta Estebã sehe Espiritu Santo mehne wacũ tuariro to tuaa mehne manopu ñuroca mo, Cohamacu si siteare ñuha. Æ yoaro Cohamacu poto buhusehei Jesu to ducuchu cãhure ñuha tiro. ⁵⁶ Æ ñuroca mono, õ sehe niha:

—Ñu moga musa. Manopu mahanocã to tjuwe machu, Jesu Cohamacu to warocariro Cohamacu poto buhusehei to ducuchu ñuja yuhu —niha Estebã tinare.

⁵⁷ To ã nichu tuhoata tina tuaro sañurucu, ti cahmo coparire bihanoca, cãno potori tiro caharu muroca wahcã, tirore ñahaha. ⁵⁸ Ñaha tuhsu, tirore na wahcã, tí maca duhtu caharu cohãha tirore. Æ jia tãa poca mehne doca wajãha tirore. Ti ã wajãhto pano tirore yahusãrina tirore tãa poca mehne docahtina ti bui sãa suhtire tjuwe na, wahmanore Saulo wama tirirore ti suhtire cjhabasa dutiha. ⁵⁹ Estebãre ti tãa docaro watoi, sinino sehe õ sehe niha tiro:

—Jesu, yu puhtoro yu catiare naga —niha tiro.

⁶⁰ Ni tuhsu, tiro na tuhcuca caha su, õ sehe ni tuaro sañurucuha:

—Puhtoro Jesu, ahrina mipu yuhure ti wajãri buhiri tinare buhiri dahrei tjia —ni sañurucuha Estebã.

Æ ni sañurucu batoarota, yariaa wahaha tiro.

8

Saulo Jesu yainare ñano yoaha

¹ Estebã to ã yariachu ñuno, “Noana”, niha Saulo sehe.

Tí dachoreta Jesu yainare Jerusalē macainare ñano yoa dꝯcacha Saulo mehne macaina sehe. Ti ã yoa dꝯcachꝯ Jesu yaina Judea yahpapꝯ, Samaria yahpapꝯ yoaropꝯ duhti site wahcãa wahaha. Ti pꝯhtoa, Jesu to cūrina dihta wahaeraha. ² ã yoa paina Cohamacꝯre ño payoina Estebã pjacꝯ cjirore tãca copapꝯ, duhu sãa, tiro cjirore tuaro tii payoha tiro cjirore tina. ³ Wiho mejeta Saulo sehe Jesu yainare ñabiaro yoaa timaha. Tiro ti wꝯhꝯsepꝯ sãa, mꝯare, numiare ñaha wahcã, pere-supꝯ biha dapoa tiha.

Samariai Jesu yare buheha Felipe

⁴ ã yoa yoaropꝯ waha siteina cjiri nohoi ti waha-roi Jesu yare buhea tiha. ⁵ Cãiro tina mehne macariro Felipe cã maca, Samaria wama tiri yahpai jiri macapꝯ sꝯ, Cristo masare yꝯhdoriro ya quitire buheha tí maca macainare. ⁶ To ã buhechꝯ, tó macaina sehe tirore tꝯho cahmachu, Cohamacꝯ to tuaa mehne to yoa ñochꝯ ñꝯha tina. ã jia tina jipihtina cãno potori to yahuare noano tꝯho nꝯnꝯa tiha. ⁷ Payꝯ masa watãa sãanohrina tiro cahai ti wihichꝯ ñꝯno, watãa sehere tiro wijaa dutia tiha masapꝯ jirinare. To wijaa dutichꝯ, tina watãa sehe tuaro sañurucu, wijaa wahaha. Tuhsꝯ payꝯ pjacꝯ bꝯhainare, pari yuri tiniina cꝯhꝯre pjacꝯ noaina wahachꝯ yoaa tiha.

⁸ To ã yoa ñochꝯ ñꝯa tí maca macaina payꝯ masa wahchea tiha.

⁹ Tí pjare Simo wama tiriro tí maca macariro yairo jiha. ã jiro yaya ti yoarire yoa ñoa tiha Samaria macainare. To ã yoa ñochꝯ ñꝯa, tó

macaina ñu cúa waha, tirore cua pisaro ñuina jiha.

—Yuhu masi pahñoriro jija —nimaha Simo sehe tinare.

¹⁰ To ã yoachu ñua masa sehe õ sehe nia timaha:

—Ahriro Cohamacu ya tuaare cjuariro jira. Cohamacu yoaro sehe tuariro jira —nia timaha tirore masa, puhto mehne. Tina jipihtina noano taho nuuha tirore.

¹¹ Tiro yaya ti yoaa mehne yoari pja yoa ñoa tiha tinare. To ã yoa ñochu ñua tina cúa waha. ã cúa waha, tina tirore ño payoa tiha.

¹² Wiho mejeta ti ã ño payopachuta Felipe sehe puhtoro Cohamacu to suho jiare, Jesucristo yare noaa buheare yahuha. To ã yahuchu tina tirore noano taho. Ti ã noano tuhochu ñuno mware, numia cühure bautisaha Felipe. ¹³ ã jiro Simo cühu Felipere noano taho tiha. ã jiro tiro cühure bautisaha. To ã yoari baharo Felipe mehne tjuaa tiha tiro. Felipe sehe Cohamacu tuaa mehne to yoa ñochu ñuno Simo ñu cúa waha tiha.

¹⁴ ã yoa Samaria yahpa macaina Cohamacu yare ti tuaro cahmachu taho Jerusalēpu jiina tuhorooca tiha tinare. ã ti cahmachu taho Pedrore, João cühure warooca tiha Samaria yahpau. ¹⁵ Tópu sua Pedro cühu Cohamacure siniha: “Ahrina Samaria yahpa macaina mähure ño payoinare mu Espiritu Santo sãajaro”, ni sini payoha tina Cohamacure. ¹⁶ Tina Samaria yahpa macaina Jesucristo yaina jia to bautisarina jiha. Tí dihtare masiha tina. ã jiro Espiritu Santo tinare sãerasiniha. ¹⁷ ã jia Pedro, João mehne Samaria yahpa macainare ti wamomacarine ti dapupoca

bui ti duhu payori baharo Espíritu Santo tinare sãari jire.

¹⁸ ã yoa Pedro cãhũ ti wamomacari mehne ti duhu payochũ ñũha Simo. Espíritu Santo tinare to sãachũ cãhũre ñũha tiro. ã ñũriro jiro, tí tuaare cahmano niñeru mehne wapa duamaha. ¹⁹ Õ sehe nimaha Simo:

—Yũhũ cãhũre waga ahri tuaare. Yũhũ cãhũ yũ wamomacari mehne masa dapupoca bui duhu payoi tai nija Espíritu Santo tinare to sãahto sehe. ã jicũ ahri yũ yoahti wapare wapa duaja —nimaha Simo tinare.

²⁰ To ã nichũ tũhorro Pedro õ sehe niha:

—Mũhũ niñeru mehne Cohamacũ ya tuaare mũ nuchũ duari buhiri mũ niñeru mehneta pichacapũ wahaga mũhũ. Cohamacũ mũ tũhotuare masina. Mũhũ ñariro jisina. ²¹ ã jicũ ahrire sã yoaare yoa masierara mũhũ. Ahri mũ yoa baro jierara. ²²⁻²³ Paina ti cãaare ñũcũ suariro jira mũhũ. ã jicũ ñaa yoaare ne duhu masierara mũhũ. ã jicũ ahrire mũ ñaa yoaare cahyaga mũhũ. Cohamacũre mũ ñaa tũhotuare to bohto sehe siniga mũhũ. Mũ ã yoaachũ ñũno tiro mũ ñaa buhirire boboca, pa tehe nino —ni yahuha Pedro tirore.

²⁴ To ã nichũ tũhorro Simo õ sehe ni yũhtiha tirore:

—Yũhũre sini payoga mũsa Cohamacũre mũ niriro sehe yũ wahaerahto sehe. Tí buhiri pichacapũ waha duaeraja yũhũ —niha Simo tirore.

²⁵ Baharo Pedro João mehne Cohamacũ yare yahuha: “Jesu to masa mũjachũ ñũhi sã”, ni payũ

Samaria yahpai jia macari macainare noaa buheare buheha. Tinare Cohamacu yare buhe tuhsu, Jerusalẽpu tjuaa wahaha.

Felipe Etiopía yahpa macarirore buheha

²⁶ ã yoa Cohamacu yairo anjo Felipere õ sehe ni yahuha:

—Mipure sur sehẽpu wahaga. Jerusalẽ cahai jiri mahapu Gazapu wahari mahapu, masa marienopu jiri mahapu wahaga —ni yahuha anjo Felipere.

²⁷ To ã nichu tuhoro tiro sehe tí mahapu waha tiha. Baharo tí mahapu cãiro masunore piti bocaro taro niha. To piti bocahtiro jiha Etiopía yahpa macariro puhtoro. Tiro numiare cahmaerariro eunuco masuno jiha. ã jiro Candace wama tiricoro Etiopía macaricoro puhtorocoro yare niñerure jipihtiare ñu wihboriro jiha. Wiho jiro jieraha. Tiro Jerusalẽpu Cohamacure ño payoro waha tuhsu. ²⁸ To ya macapu tunuria mehne tjua taro tiapu wahaparota buhero niha. Cohamacu yare yahu muhtariro Isaia cjiro to joari pũre buhero niha. ²⁹ ã jiro Espiritu sehe Felipere õ sehe ni yahua tiha:

—Siro tunuriapu wahariro cahapu wahaga —niha Espiritu tirore.

³⁰ To ã nichu tuhoro Felipe sehe tunuria cahapu muroca wahcã, Isaia cjiro to joarire Etiopía macariro to buhechu tuhoha. ã tuhoro Felipe õ sehe ni sinituha tirore:

—¿Mu buheare tuho ñahajari muhu? —niha tiro.

³¹ To ã nichu tuhoro Etiopía macariro õ sehe ni yuhtiha:

—Pairo yũhũre yahu yũhdoriro mariachũ noano masieraja yũhũ. Ōi yũhũre yahu dujii taga yũ pari wahpa —ni yũhtiha tiro Felipere.

—Jai —ni nuju sũha to cahai.

³² ã yoa Cohamacũ yare Etiopía macariro to buheri pũ õ sehe niha:

“Ovejare ti ñaha wajãriro seheta tiro cũhũre ñaha wajãahca masa.

ã jiro ovejacã to pjoare ti sachũ to sañurucueraro seheta tiro masũno cũhũ dihta marieriro jirohca.

³³ Tirore tina bujũpeahca.

ã jia tiro to ñano yoaerapachũta tina sehe ñano yoaahca tirore.

Tiro ahri yahrapũ to jichũ tina tirore wajãahca.

ã jiro tiro pohna marieriro yariaa waharohca”, ni joaha tí pũpũre.

³⁴ Tí pũ to ã ni yahuchũ ñano, Etiopía macariro õ sehe ni sinituha:

—Yahuga yũhũre. ¿Õ sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿O paioire yahuro nicari? —ni sinituha Etiopía macariro.

³⁵ To ã ni sinitu ñũchũ tũhoro Felipe sehe tí pũre ñũ, Jesu yare yahuha Etiopía macarirore. ³⁶ ã yoa tina tia mehne waha, mácapũ sũha.

—Ñũga, õi máca jira. Ahri mácapũ yũhũre bautisaga —niha Etiopía macariro.

³⁷ [—Jesure mũ noano wacũ tuachũ ñũcũ mahũre bautisaihtja —niha Felipe tirore.

—Jesure wacũ tuaja yuħu. Tiro Cristo Cohamacu macano jira. Tíre noano masija yuħu —niha Etiopía macariro.]

³⁸ ã ninota tiro tunuria uturirore yuħu dutiha. Tia to yusu caha suri baharo wijaaha tina. Wijaa, tí macaru su, ñumuruca suha tina. Tói ñumuruca su, Felipe sehe tirore bautisaha. ³⁹ Bautisa tuhsu ti maja surucu suchu Cohamacu to Espíritu Felipere naa wahaha. To ã wahari baharo Etiopía macariro noano wahcheriro to ya yahpau tjuaa wahaha. To ã yoari bato tichu ne pari turi Felipere ñeraha. ⁴⁰ ã yoa tuhsu Azotopu suha Felipe sehe. Tuhsu, payu macarine noaa buheare buheha masare. Pu Cesarepu buhe batoa tiha.

9

*Saulo Jesucristore ñuño tirore wacũ tua dũcaha
(Hch 22.6-16; 26.12-18)*

¹ Wiho mejeta tí pjare Saulo Jesu yainare ã ñu tuhtirucusinino, “Tinare wajãihtja” nino, tiro sacerdotea puhtoro cahapu wahaha. ² Tópu suru tiro joaa pũrine õ sehe ni siniha sacerdotea puhtorore:

—Joaa pũrine waga yuħure yu tuahti pũri cjihtire. Tí pũripu mu wama mu joa payochu, yuħu sehe tí pũri mehne, mu dutiro mehne Damascopu waihtja. Tópu su, judio masa mari buhea wuħusepu Jesu yaina mu, numia cũhure boca sucu, tinare ñaha dũhte, õpu Jerusalẽpu na majare tjuaa taihtja —ni siniha Saulo sacerdotea puhtoare.

³ Ti pũrine na tuhsu, tiro waha, Damasco cahai to suru cahachu waro muanopu wacũenoca si siteroca boroha tirore. ⁴ Wacũenoca to ã si siteroca

borochuṭa tiro yahpapu bora caha saro, ò sehe ni durucuchu tũhoha:

—Saulo, Saulo, ¿dohseacu mahu yuhure ñano yoajari? Mahu yahu mehne suacu yuhure yahtieracu, ma basita ñano yuhdura —nino coa taha.

⁵ —Puhtoro, ¿diro baro jijari mahu? —ni sinitu ñaha Saulo sehe.

—Yuhuta jija Jesu, ma ñano yoarucuriro —niha Jesu Saulore. ⁶ [To ã nichu ò sehe ni sinituha Saulo:

—Puhtoro, ¿dohse yu yoachu cahmajari mahu? —niha Saulo.]

—Wahcãrucaga mahu. Macapu wahaga. Tí macapu ma sũchu tó macariro ma yoahire yahurohca mahure —niha Jesu Saulore.

⁷ To ã nichu Saulo mehne macaina sehe to durucua dihtare tũhoha. Wiho mejeta Jesu sehere ñueraha. To ã wahachu ñua, cuia, tina durucu masieraha. ⁸ ã jiro Saulo yahpapu coãiro wahcãruca, to ñuchu to capari bajueraha. ã jia tina to wamomacare ñaha, Damascopu tũã wahcãa wahaha tirore. ⁹ Tópu saro, tiro tia dacho waro ne ñuera, chuera, ne sihniera tiha.

¹⁰ ã yoa cãiro Jesu to buheriro Anania wama tiriro Damascoi jiha. ã jiro Jesu bajua tiha Ananiare. ã bajuaro ò sehe ni pisuha tirore:

—Anania, ¿jimajari mahu? —niha Jesu.

—Jimajã —ni yahtihã Anania tirore.

¹¹ To ã nichu Jesu sehe ò sehe ni yahuha tirore:

—Potori Maha wama tiri mahapu wahaga. ã wahacu Juda ya wuhapu cãiro Tarso macariro Saulo wama tiriore macaga. Tiro Cohamacure sinino nica. ¹² Tiro cahãnopure tirore ma yoahire

ño tuhsuhi yuħu. Õ sehe jiare ñuħre tiro: Muħu mħ wamomacarine tiro bui duhu payo, to capari noaa wahachu ñuħre tiro to cahãnopure –niha Jesu Ananiare.

¹³ To ã nichu tãhoro Anania sehe õ sehe ni yuħtiha:

–Puħtoro, tiro mħ yainare, noainare Jerusalē macainare nu ñano yoa mħjayuhti. Payu masa yuħure ã ni yahure. ¹⁴ ã yoa õ cãħare tiro jipihtina mħure cahmainare peresu yoaro taro niyuhti. Sacerdotea puħtoa tirore ã yoa dutiyuhti –ni yuħtiha Anania Jesure.

¹⁵ To ã nichu Jesu sehe õ sehe ni yahuha tirore:

–Tiro Saulo sehe yu beseriro jira. Tiro yu ya buheare judio masa jierainare, ti puħtoare, ã jichu Israe masa cãħare buherohca. ã jicu wahaga mħu. ¹⁶ Payu tahari yu yare yoaro tiro ñano yuħdurohca. Tíre tirore masichu yoaihtja –niha Jesu Ananiare.

¹⁷ To ã niri baharo Anania sehe waha, su, Saulo to jiri wãħupũ sãaha. Sãa su, to wamomacarine Saulo bui duhu payo, õ sehe ni yahuha tirore:

–Coyeiro Saulo, mħ capari mħ ñuħto sehe, Espíritu Santo mħu mehne to jihto sehe, to dutiro seheta mħ yoahto sehe, mari puħtoro Jesu sehe mahapu mħure bajuariro yuħure warocahre –ni yahuha Anania Saulore.

¹⁸ To ã nichuta to caparire wahi nuħuri yoaro sehe bajua to caparipu wahãa pahna borachu ñuħa Saulo. To ã ñu tuhsuri baharo to wahcãrucu sũchu paio sehe tirore bautisaha. ¹⁹ Tirore to bautisa tuhsuchu, tiro sehe chu, tuariro wahaha.

Saulo Damascoi Jesu yare buhe dꝛcaha

Ã yoa Saulo mahaa dachoricã Damasco macaina Jesu yaina mehne jiha.

²⁰ Dói tí dachorita tiro judio masa buhea wꝛhꝛsepꝛ sꝛ, Jesu Cohamacꝛ macꝛno to jiare yahu dꝛcaha masare. ²¹ To ã yahuchꝛ ñꝛa jipihtina tirore tꝛhoina cꝛaa wahaha.

—Cho, ahriro Jerusalẽꝛꝛe Cohamacꝛ yainare Jesure cahmainare ñano yoiro cjiro jira. ã yoa tirota jimana õ macaina Jesure cahmaina cꝛhꝛe ñaha, dꝛhte, sacerdotea pꝛhtoare wiaboriro. ã yoa duaro õꝛꝛe tari jimahre tiro —niha masa tirore tꝛhoina.

²² Wiho mejeta Saulo sehe cui tꝛhoturo marieno buhe mihni wahcãa tiha. “Ahriro Jesu potocãta Cristo, marine yꝛhdohtiro jira”, to ni yahu mihnichꝛ, tó macaina judio masa ti ni yꝛhti yꝛhdꝛꝛcaborirore bocaeraha.

²³ ã jia payꝛ dachori baharo judio masa tirore wajã duaa, ti basi durucua tiha. ²⁴ Wiho mejeta Saulo tirore ti wajã duachꝛ masiha to basi. Tina tí macare sahrĩno tãa mehne ti yoari sahrĩno macaa sopacarire dachopꝛe ñamipꝛ cꝛhꝛe cohtaa tiha tirore wajã duaa. ²⁵ Ti ã wajã duachꝛ ñꝛa ñamipꝛ Saulo buheina tirore pꝛhꝛo pjiri pꝛhi na sãa, tí maca macari sahrĩno baharo bꝛhꝛsehei duhu boroha tirore. Tó sehe ti yoachꝛ yꝛhdꝛha tiro.

Saulo Jerusalẽi jiha

²⁶ ã yoa Saulo Jerusalẽꝛꝛ sꝛro, tóꝛꝛ Jesu yaina mehne tiro ji duamaha. Wiho mejeta tina tirore “Jesu buheriro jierara ahriro” nia, tirore cui niha.

²⁷ Ti ã cuipachꝛta Bernabé sehe tirore na wahcãha

Jesu to cūrīna cahap̄. ã jiro Saulo mahai Jesure to ñ̄urire, Jesu Saulore to durucurire, ã jich̄ Damascop̄ cuiro marieno Jesu yare to buhe d̄ucarire yahuha Bernabé sehe. ²⁸ To ã ni yahuri baharo Saulo sehe tina mehne s̄ano, Jerusalēp̄ tina mehne jia tiha. ²⁹ Tiro cuiro marieno judio masare Jesu yare yahu ȳhd̄ur̄caro niha. Tina judio masa griego masa yare durucuina jiha. ã yoa Saulo to ã yahu ȳhd̄ur̄cach̄, tina tirore wajã duamaha. ³⁰ Ti ã wajã duach̄ ñ̄a, Saulo mehne macaina Jesu yaina sehe tirore Cesareap̄ na duhti wahc̄a wahaha. Tóp̄ tirore s̄ho jirucuma Tarsop̄ warocaha tirore.

³¹ ã yoa jipihtiróp̄, Judea yahpap̄, Galilea yahpap̄, Samaria yahpap̄ c̄h̄re Cohamac̄ yaina noano jia tiha. Tí pjare ne masa ñ̄ano yoaera tiha tinare. ã jia noano buheha tina. Tina Cohamac̄ yare buhe, tirore masi namo, noano ȳhtia tiha. ã yoa Cohamac̄re cua pisaro ñ̄a tiha. Espiritu Santo tinare to yoadohoch̄ tina sehe paȳ wahaa tiha.

Pedro Eneare noariro wahach̄ yoaha

³² ã yoa Pedro jipihtia macarip̄ waharo, Jesu yaina Lida macaina cahap̄ c̄h̄re s̄ha tiro. ³³ Tóp̄ s̄ro Enea wama tirirore boca s̄ha. Enea pjac̄ bahariro jiro, ocho cahmari waro ti p̄paha c̄riro coãa tiha. ³⁴ ã jiro Pedro sehe tirore õ sehe niha:

–Enea, Jesucristo m̄h̄re noariro wahach̄ yoara. Wahc̄rucaga. M̄ p̄paha coãri cahsarore cahnoga –niha Pedro tirore.

To ã nichuta tiro wahcãrucha. ³⁵ ã jia jipihtina Lida macaina, Sarón macaina tirore ñua, tina ti ñaa yoare duhu, Jesure wacũ tuaa tiha.

Dorca wama tiricorore masoha Pedro Jesu to tuaa mehne

³⁶ ã yoa Jope wama tiri macai Jesure ño payorico Tabita wama tiricoro jiha. To wama Tabita griego ya dusero mehne Dorca jira. Ticoro noare yoaro payu waa tiha pjacuoinare. ³⁷ ã jiro tí pjare ticoro dohati wahcõ, yariaa wahaa tiha. To yariachu ñua, tina ticorore noano cosa, mñano macari tahtiaru cña tiha ticorore. ³⁸ Lida wama tiri maca Jope cahai jire. To ã jichu Jesu buheina Jope macaina Pedro Lidaru to jichu tñhorocaa tiha. ã tñhorocaa, puaro warocaha Pedro caharu. Tiro caharu suã Pedroro õ sehe ni yahuha tina:

—Soaro mehne sã jiorpu wahaga —ni yahuha tina.

³⁹ Ti ã nichu tñhoro tina mehne wahaa wahaha tiro. Tõru tirore ti na sari baharo mñano macari tahtiaru na mujaa wahaha tirore. ã jia jipihtina wapewahya tiro cahai suruca, tiia tiha. Tabita tina mehne jisininopu payu suhtire yoaa tiha. ã jia tina to yoari suhti cjirire ñoha Pedroro. ⁴⁰ Wiho mejeta Pedro tinare tí tahtiaru jiiinare wijaa dutiha. Ti wijaari baharo tiro na tuhcuca caha su, Cohamacure ticorore sini payoha. ã jiro to pjacu cjirire majare ñu:

—Tabita wahcãga —niha tiro.

To ã nichuta ticoro sehe ñu wahcõ, Pedroro ñu, wahcã nuju suã. ⁴¹ To wahcã nuju suchu ñu, tiro to wamomacare ñaha, tñã wahcõ dapoha ticorore.

Ã jiro tiro tó macainare Jesu yainare, wapewah-yare pjiroca, ticorore catiricorore wiaha tinare.
⁴² To ã yoari baharo jipihtina Jope macaina tíre masia, pay_u masa Jesure wacū tua d_ucaa tiha.
⁴³ Baharo Jopep_u Simo wahiquina cahsarire cah-noriro mehne pay_u dachori Pedro tiro mehne jia tiha.

10

Pedro Corneliore Jesu yare yahu d_ucaha

¹ Ti pjare Cesareap_u cūiro Cornelio wama tiriro jiha. Tiro cien surara p_uhtoro jiha. Tina surara sehe ti ya curua Italiano wama tiha. ² Cornelio to ya w_uh_u macaina mehne judio masa jieraina jipahta, Cohamac_ure ño payoina, cua pisaro ñ_uina jiha. Tiro judio masa pjac_uoinare yoadohoro pay_u waha. ã yoa dachoripe tiro Cohamac_ure siniha. ³ Cū n_um_u ñamichap_u tres jich_u Cohamac_u yairo anjo tirore bajuaha. ã bajuaro Cornelio cahap_u sãaha.

—Cornelio —niha anjo tirore.

⁴ To ã nich_u t_uhororo Cornelio tirore ñ_u, cuiro õ sehe niha:

—P_uhtoro, ¿yabare cahmajari m_uh_u? —niha tiro.

—Masa pjac_uoinare m_u warire, Cohamac_ure m_u sinirire Cohamac_u noano ñ_uno nina. ⁵ ã jic_u Jopep_u m_u m_uare warocaga. Tórp_u Simo Pedro wama tiriro jira. Tirore na ta dutiga m_u m_uare. ⁶ Tiro paio Simo wahiquina cahsari cahnoriro cahai, pjiri ma d_uht_u cahai jiri w_uh_ui jira —niha anjo Corneliore.

⁷ Anjo ã ni tuhs_u, wijaa wahaha. To wijaari baharo Cornelio p_uaro tirore dahra cohtainare,

ã yoa cãiro to surara mehne macarirore pjirocaha. Surara sehe Cohamacure ño payoriro jiro, dachoripe Corneliore yoadohoa tiha. ⁸ ã jiro Cornelio tinare anjo to yahuri cjirire yahu pahño, Jopepũ warocaha tinare.

⁹ ã yoa pa dachoi Jopepũ ti waharo watoi cohari pja jichũ Pedro sehe wũhũ buipũ Cohamacure sinino wahaha. ¹⁰ To mũja sũri baharocã tirore jũca purĩchũ chũ duaaha. Wiho mejeta paina to chũare ti dahrero watoi, tiro sehe õ sehe bajuachũ ñũha. ¹¹ Mũanore parĩ mũachũ, pjiri cahsaro pititia sohtoarire dũhteri cahsaro to duji tachũ ñũha. ¹² Tĩ cahsaro puhichapũre payũ wahiquina bũa tiniina, chihchõina, wũina peri cãhũ jiha. ¹³ Tĩre to ñũri baharo, Pedro durucuro coa tachũ tũhoha:

—Pedro, wahcãrucaga. Ahrinare wajã chũga — nino coa taha tirore.

¹⁴ To ã nipachũta Pedro õ sehe niha:

—Puhtoro, ne tina barore chũeraja yũhũ. Ñainare, Cohamacũ to chũ dutierainare ne chũera tihĩ yũhũ —niha Pedro.

¹⁵ To ã niri baharo Pedro pari turi durucuro coa tachũ tũhoha:

—Cohamacũ “Noaina jira”, to nirinare “Ñaina jira”, nii tjia mũhũ tinare —nino coa taha Pedrore.

¹⁶ ã yoa tia taha ti ã ni durucuri baharo tí cahsaro mũanopũ mũjaa wahaha tjoa. ¹⁷ To ã mũjaa wahari baharo, Pedro tuaro wacũ “¿Dohse ni duaro nijari ã bajuaro?” ni tũhotuha tiro to basi. To ã ni tũhoturo watoi Cornelio mũa to warocaina sehe Simo ya wũhũpũ sũha. “¿Simo ya wũhũ nohopũ jijari?” ni, ti sinituri baharo to ya wũhũpũ sũha tina. ¹⁸ Sũ, tina sinitu ñũ bahrañoaha.

“¿Simo Pedro wama tiro ahri wuhui jijari?” ni sinitu ñaha tina. ¹⁹ Ñ jiro Pedro to tãhoturo watoi Espiritu Santo tirore õ sehe ni yahuha:

—Ñuga. Tiaro mua mũhũre macaa nina. ²⁰ Wahcãrcaga. Dujiaga. Tina mehne wahaga. Jiape ni tãhotuecuta wahaga noano mehne. Yuhũ sehe tinare õpũre warocahi —niha Espiritu Santo Pedrore.

²¹ To ã nichũ tũhorõ Pedro ti cahapũ dujia wahaha.

—Ñuga. Õi jija yuhũ mua maca tariro. ¿Dohse yoana tana niri mua yũ cahai? —niha Pedro tinare.

²² To ã nichũta tina sehe õ sehe niha:

—Cornelio cien surara pũhtoro, noaare yoariro, Cohamacũre cua pisaro ñariro, jipihtina judio masa “Noariro”, ti niriro mũhũre pji ta dutiro warocahre sãre. Cohamacũ yairo anjo Cornelio mũhũre pji dutiyuhti. Õ sehe niyuhti: “Pedrore mua wũhũpũ na ta dutiga mua mũare. Ñ yoa tiro mũhũre to yahuchũ, noano tũhoga tirore”, ni pji dutiyuhti anjo Cornelio —ni yahuha Cornelio Pedrore to pji dutirina sehe.

²³ Ti ã nichũ Pedro sehe tinare sã ta duti, chũa wa, to jiri wũhũpũ carĩ dutiha tinare. Pa dachoi Pedro wahcã, tina mehne wahaa wahaha. Ñ yoa paina Cristo yaina Jope macaina Pedrore piti ti wahcãha.

²⁴ Pa dachoi tina Cesareapũ sũha. Ti sũhto panocã Cornelio sehe to coyeare, tiro mehne macaina cũhũre pji cahmachu, Pedrore cohtaa niha. ²⁵ Ñ jiro Pedro Cornelio ya wũhũ cahapũ to tachũ ñũno Cornelio sehe tirore piti boca wijaa, to

dahpori cahai caha s̄uha. ²⁶ Wiho mejeta Pedro tirore na wahcõ õ sehe niha:

—Ducuga m̄h̄h̄. Ȳh̄h̄ c̄h̄h̄ m̄h̄ yoaro seheta jiriro jija —niha Pedro tirore.

²⁷ To ã ni tuhs̄uri baharo Cornelio tirore na s̄ãa wahaha to ya w̄h̄h̄p̄h̄. Tõp̄h̄ s̄ãa s̄uro masa peri tí w̄h̄h̄p̄h̄ cahmachu tirore cohtainare ñ̄ha Pedro.

²⁸ Tinare ñ̄ano õ sehe ni yahuha tinare:

—Judio mas̄no jipaihta pa curua macaina m̄sa mehne jic̄h̄, m̄sa w̄h̄h̄sep̄h̄ s̄ãac̄h̄, judio masa s̄ã dutiare ȳhd̄h̄rc̄ai nija ȳh̄h̄. Tíre noano masina m̄sa. Wiho mejeta pa curua macainare “Ñaina jira”, ȳh̄h̄re ni dutierare Cohamac̄h̄. Tíre ni yahuhre ȳh̄h̄re tiro. ²⁹ To ã nich̄h̄ t̄hoc̄h̄ õp̄ure m̄sa cahap̄ure tahi. M̄sa ȳh̄h̄re p̄jirocach̄h̄ “Ne wahaeraja”, nierahi. ¿Dohse jiro baro ȳh̄ õp̄ure tach̄h̄ cahmari m̄sa? —niha Pedro tinare.

³⁰ To ã nich̄h̄ t̄horo Cornelio sehe õ sehe niha:

—Pititia dachori wahara, Cohamac̄h̄ yairo anjo ȳh̄h̄re to bajuari baharo. Tí dachore tres jich̄h̄, ahri hora waroihta Cohamac̄h̄re ȳh̄ sinino watoí anjo minoa suhti tiriro ȳh̄ cahai ducuhre.

³¹ ã ducuro tiro ȳh̄h̄re õ sehe nihre: “Cornelio, m̄h̄h̄ Cohamac̄h̄re m̄h̄ sinich̄h̄ tiro t̄hohre. ã yoa p̄jac̄h̄oinare tí cahmaare m̄h̄ wach̄h̄ noano masino, Cohamac̄h̄ m̄h̄h̄re yoadohorohca. ³² ã jic̄h̄ Jop̄ep̄h̄ m̄h̄ m̄h̄are warocaga, Simore, Pedro wama tirirore m̄h̄ cahap̄ure tí na tahto sehe. Tiro paio Simo wahiquina cahsari cahnoriro ya w̄h̄h̄i, p̄jiri ma d̄h̄t̄h̄ cahai jiri w̄h̄h̄i jira tiro. M̄h̄ cahap̄ure wihiro m̄h̄h̄re yahurohca”, ni yahuhre ȳh̄h̄re tiro. ³³ To ã nich̄h̄ t̄hoc̄h̄ dóic̄ãta ȳh̄ m̄h̄are m̄h̄h̄re na ta dutic̄h̄ warocahi ȳh̄h̄. ã jic̄h̄ noano

yoac_u tari jira m_uh_u sã cahap_ure. ã jina sã jipihtina õre Cohamac_u to ñ_urocaroi jina nija sã. Jipihitiare Cohamac_u m_uh_ure to yahu dutirore t_uho duana, cohtahi sã —niha Cornelio Pedrore.

Pedro Jesu yare yahuha

³⁴ To ã nich_u t_uhoro, Pedro õ sehe ni yahuha:

—Mip_u masija. Potocã tjira. Cohamac_u cãno potori noano yoara marine. ³⁵ ã jiro jipihtia macari macaina Cohamac_ure cua pisaro tí ñ_uch_u, noaare tí yoach_u Cohamac_u sehe tinare ñ_u wahchera. ³⁶ Cohamac_u sã judio masa cahai Jesucristore noaa buheare yahuhtirore warocare. Masa Cohamac_u mehne noano ji masica Jesu to yaria masa m_ujano mehne. Tí buheare m_usa masina. Jesucristo sehe jipihtina masa p_uhtoro jira. ³⁷ João bautisariro masare, “M_usa ñ_uaa yoari buhiri tiare masiga”, ni yahu, to bautisari baharo, Galileap_u noaa buheare Jesu sehe yahu d_ucare. Baharo Judea yahpap_u c_uh_ure tí buheare yahu pah_uno. ³⁸ Ahriro Jesu Nazare macarirore Cohamac_u sehe to tuaare Espíritu Santo mehne to yoa masihtire ware Jesure. ã jiro Jesu noano yoaro wahare. ã waharo watíã sãanohrinare, ñ_uano y_uh_ud_uinare jipihitinare noaina wahach_u yoare. Cohamac_u Jesu mehne jiri jire. ³⁹ Judea yahpai, Jerusalẽ c_uh_ure jipihtia to yoarire sã ñ_uhi. Baharo tina crusap_u c_uã puha wajãhre tirore. ⁴⁰ Wiho mejeta tia dacho wahaboroi Cohamac_u tirore masori jire. Maso, Jesure sãre bajuach_u yoari jire Cohamac_u. ⁴¹ Tí pjare Jesure jipihtina ñ_uerare. Sã dihtare bajuahre tiro. Cohamac_u to cahmainare, Jesure ñ_u, painap_ure yahuhtinare panop_u sãre beseha.

Sã sehe Jesu to masari baharo tiro mehne chꞰ, sihnihi. ⁴² ã jiro tiro sãre õ sehe ni dutihre. “Masare õ sehe ni yahuga. YꞰꞰ Jesu jipihtina catinare, yariaina cjiri cꞰhꞰre ti ñaa yoari buhiri tiare yahuhtiro buhiri dahrehtiro yꞰ jichꞰ yoare yꞰhꞰre CohamacꞰ. ã jina tíre masare yahuga”, ni dutihre Jesu sãre. ⁴³ Dohse jiina baro Jesure ti wacũ tuachꞰ ñuno CohamacꞰ ti ñaa yoari buhiri tiare borohca. Tíre jipihtina CohamacꞰ yare yahu mꞰhtaina cjiri panopꞰ macaina yahuyuha –ni yahuha Pedro.

Judio masa jierainapꞰ cꞰhꞰre Espíritu Santo sãarꞰcꞰ sꞰa wahaha

⁴⁴ Tí jipihtiare to ã ni yahuro watoi, jipihtina tíre tꞰhoinapꞰre Espíritu Santo sãarꞰcꞰ sꞰa wahaha. ⁴⁵⁻⁴⁶ TinapꞰre to sãarꞰcꞰ sꞰa wahachꞰ, tꞰho mahnoeraa dꞰseri mehne wahchea mehne durucu dꞰcaha tina. Tí dꞰseri mehne CohamacꞰre “Tuariro, noariro jira mꞰhꞰ”, nia niha. Ti ã nichꞰ tꞰhoha Pedro mehne tarina judio masa, Jesu yaina. ã tꞰhoa Espíritu Santo judio masa jierainapꞰ cꞰhꞰre to sãarꞰcꞰ sꞰ yoadohochꞰ ñꞰa, judio masa sehe cꞰaa wahaha. ã jiro Pedro õ sehe ni yahuha judio masare:

⁴⁷ –Mari yoaro seheta Espíritu Santore cjꞰara ahrina cꞰhꞰ. ã jina tina bautisa duaa ti sinichꞰ, tinare, dꞰcataena tjijihna –niha Pedro tinare.

⁴⁸ ã ni tuhsꞰ judio masa jierainare Jesu yaina ti jiare ñohto sehe bautisa dutiha Pedro. Ti ã yoari baharo “Sã mehne mahaa dachoricã tjuasiniga”, niha tina Pedro cꞰhꞰre.

11

Pedro Jerusalē macainare Jesu yainare yahuha

¹ Ñ yoa judio masa jieraina cūhꝯ Cohamacꝯ yare ti noano cahmachꝯ Jesu to cūrina sehe ti coyeya Judeapꝯ jiina mehne tūhorocaha. ² Ñ jia Pedro Jerusalēpꝯ to tju sꝯchꝯ ñꝯa judio masa Jesu yaina mahainacā tirore õ sehe ni tuhtiha:

³ —¿Judio masa jierainare dohse jiro baro ñꝯi sꝯri mꝯhꝯ? ¿Dohse jiro baro tina mehne chꝯri mꝯhꝯ? — ni tuhtiha Pedrore tina.

⁴ Ti ñ nichꝯ tūhoro Pedro to yoari cjirire yahu pahñoha tinare. Ñ sehe ni yahuha:

⁵ —Yꝯhꝯ Joperꝯ jicꝯ Cohamacꝯre sinii nihi. Ñ jiro yꝯhꝯre õ sehe bajuahre. Pjiri cahsaro pititia sohtoarire dꝯhteri cahsaro mꝯanopꝯ yꝯ cahai to duji tachꝯ ñꝯhi. ⁶ Ñ jicꝯ tí cahsarore noano ñꝯhi “¿Yaba baro tí cahsaropꝯre jijari?” nicꝯ. Ñ jicꝯ ñꝯhi tí cahsaropꝯre jiiinare: Tí cahsaro puhichapꝯre payꝯ wahiꝯuina, bꝯa tiniina, chihchõina, wꝯina peri cūhꝯ jire. ⁷ Ñ jicꝯ yꝯhꝯre to durucuchꝯ tūhohi. “Pedro, wahcāꝯcaga. Wajã chꝯga ahrinare”, nino coa tahre yꝯhꝯre. ⁸ To ñ nichꝯ tūhocꝯ õ sehe nihi yꝯhꝯ: “Pꝯhꝯtoro, ne tina barore chꝯeraja yꝯhꝯ. Ñainare, Cohamacꝯ to chꝯ dutierainare ne chꝯera tihi yꝯhꝯ”, nihi yꝯhꝯ. ⁹ Wiho mejeta mꝯanopꝯ pari turi yꝯhꝯre durucuro coa tahre tjoa. “Cohamacꝯ ‘Noaina jira’ to niinare, ‘Ñaina jira’, nii tjia mꝯhꝯ”, nino coa tahre yꝯhꝯre. ¹⁰ Ñ jiro tia taha sã ñ ni durucuri baharo tí cahsaro mꝯanopꝯ mꝯjahre tjoa. ¹¹ Yꝯ ñ ñꝯno watoí tiaro mꝯa sã jiri wꝯhꝯpꝯ sꝯri jihre. Tina Cesarea macariro

to warocarina jiri jihre. ¹² ã jiro Espíritu Santo sehe yuhure tina mehne waha dutiro, “Tina ñaina jira’, nii tjia tinare”, ni yahuhre yuhure tiro. ã jia ahrina seis mehne yu coyea Jesu yaina mehne Cesarea macariro ya wuhupũ sãahi sã. ¹³ ã jiro tiro sãre õ sehe ni yahuhre: “Anjo yu wuhũ ducuchũ ñũhi yuhũ. Õ sehe ni yahuhre yuhure: ‘Jopẽpũ Simore Pedro wama tirirore na ta dutiga. ¹⁴ Tiro mũhure mũ coyea mehne mũsare jipihinare pichacapũ wahaborina mũsa yũhdũhtore yahurohca’, nihre anjo yuhure”, ni yahuhre Cesarea macariro yuhure. ¹⁵ ã yoa yu durucuro watoi Espíritu Santo sehe tinapũre sãarũcũ sũahre, marine to yoa mũhtariro seheta. ¹⁶ ã jicũ Jesu to yahurire wacũhi yuhũ. Õ sehe ni yahuhre tiro: “João mũsare bautisaro, copũ yoamahre. Yuhũ sehe tí yũdoro yoaihtja mũsare. Baharo Espíritu Santore mũsa mehne jirucuchũ yoaihtja mũsare”, ni yahuha. ¹⁷ ã jiro Jesucristo mari pũhtorore mari wacũ tuachũ ñũno Cohamacũ to Espíritu Santore wahre marine. ã jiro Cohamacũ marine to Espíritu Santore to wariro seheta judio masa jieraina cũhure tiro wahre. Cohamacũ to ã yoachũ ñũcũ tirore yũhdũrũca masieraja yuhũ —niha Pedro tinare, judio masare Jesu yainare.

¹⁸ To ã nichũ tũhoa, tina tirore ne ni namoeraha. ã ni namoeraa, Cohamacũre wahche payo, tina õ sehe niha:

—Tí pja pini judio masa jieraina cũhure Cohamacũ cahĩri jira. Ti ñaa yoari buhiri tiare masi, Cohamacũre cahma, tina cũhũ Cohamacũ mehne ã catirucuahca —niha tina.

Antioquíai paina Jesu yaina jiha

¹⁹ ã yoa Estebãre ti wajãri baharo masa Jesu yainare ñano yoaha. Ti ã yoachũ ñũa Jesu yaina duhti sitea wahaha. ã jia tina Feniciarũ, Chiprepũ, Antioquíarũ cũhare waha site, tóprũ judio masa dihtare Cohamacũ yare yahua timaha tina. ²⁰ Wiho mejeta paina Jesu yaina mehne macaina Chipre macaina, Cirene macaina, Antioquíarũ sũ, judio masa jierainare Jesu yare buheha Cohamacũ tinare to yũhdohto sehe. ²¹ Ti ã buhechũ, Cohamacũ tinare yoadohoha. ã jia masa payũ Cohamacũre cahma dũca, mari pũhtoro Jesure wacũ tuaha.

²² ã yoa “Antioquía macainarũ Jesure cahmacã”, ni tũhorocãha Jerusalẽ macaina Jesu yaina. Ti ã tũhorocari baharo Jerusalẽ macaina Bernabé wama tiriore Antioquíarũ warocaha. ²³ Tóprũ sũro, Cohamacũ yoadohoa mehne judio masa jieraina to yaina ti wahachũ ñũno, tuaro wahcheha. Tuaru wahche, tiro tó macainare õ sehe ni yahuha:

—Jesure ã wacũ tuarucuga. To yare ne duhuena tjiga —ni yahuha tiro jipihtina tinare.

²⁴ Bernabé noariro jiro, Espíritu Santo dutiare yoiro Jesure noano wacũ tuaha tiro. ã jia to buheri baharo Jesure wacũ tuaina payũ waha namoha tjoa.

²⁵ Baharo tiro Tarso wama tiri macarũ Saulore macano wahaha. ²⁶ Tóprũ tirore boca sũha. To boca sũri baharo Antioquíarũ na majare tjuaaha Saulore. Tóprũ ti sũri baharo cã cũhma waro tina Cohamacũ yaina mehne cahmachu, payũ masare

buheha tina. ã jia Antioquíapɯ Cristo yaina Cristiano wama ti dɯcaha.

²⁷ Tí pjare Cohamacɯ yare yahu mɯhtaina Jerusalēpɯ jiina cjiri waha, Antioquíapɯ sɯha. ²⁸ ã ti sɯri baharo tina mehne macariro Agabo wama tiriro Jesu yaina watoi ducuro, Espíritu Santo to tuaa mehne yahuha tinare. “Jipihtiro yahpapɯre tuaro jɯcaro waharohca”, ni yahuyuha tiro. Tí pjare chɯa marieni pja jichɯ jipihtina bui pɯhtoro Claudio jiha. ²⁹ ã jia Cristo buheina, jipihtina ti cjɯaro puro ti coyeare wa duaa ti basi cahma durucuha. “Judea yahpa macaina Jesu yainare niñerure warocajihna”, niha tina ti basi. ³⁰ Ti ã niri baharo Bernabé Saulo mehne tí niñerure na wahcābasaha. Tópɯ sɯa Judea yahpa macainare Jesu yaina pɯhtoare waha tí niñerure pja cɯoinare tju wa dutia.

12

Pedrore peresu yoaha

¹ Tí pjare pɯhtoro Herode cāinare Jesu yainare ñano yoa dɯcaha. ² Tiro João wahminore Santiago sehere yoari pjĩ mehne to wajã dutichɯ pairo sehe tirore wajãha. ³ Santiagore to wajãchɯ judio masa wahcheha. Ti wahcheare Herode masino, “ã dihta cahmana tina”, nino Pedro cɯhɯre peresu yoaha. Tí dachorire bɯcɯaerari pãore ti chɯhti bose namari pascua jiha.

⁴ ã jiro Herode Pedrore ñaha, peresu yoaha. Peresu yoa diez y seis surarare cohta dutiha tirore. Pititiaro surara cohtaha tirore. Baharo pititiaro ti cohtotaina tirore cohta mɯjaa tiha.

Ãta yoaha tina diez y seis surara. Herode sehe pascua baharo Pedrore peresup_u jirirore masa panoi duhu dapo duamaha tirore wajã dutiro taro. ⁵ Ã jiro Pedro peresup_u jiha. Τόρ_u to jich_u Jesu yaina sehe Cohamac_ure tuaro sini payorucua niha tirore.

Cohamac_u peresup_u jirirore Pedrore wioha

⁶ Ã yoa ñamine Pedro p_uaro surara mehne comaa dari mehne ti d_uhteriro jiha. Ã ti d_uhteriro jiro, ti watoi carĩno niha. Ã yoa paina surara sopacai cohtarucua niha tirore. Tí ñami bohrearo Herode Pedrore judio masa panoi duhu dapo duamaha tirore wajã dutiro taro. ⁷ Wacũenoca Cohamac_u yairo anjo Pedro cahai to ducuch_u to peresu jiri tahtia buhria pihtia wahaha. Ã jiro anjo Pedro cahai ducuro Pedro patipahmai be careha, tirore wahcõno.

—Cjero wahcãr_ucaga —niha tiro Pedrore.

To ã nich_uta to wamomacarine ti d_uhteada dari comaa dari parĩ site boraa wahaha. ⁸ Ã yoa anjo tirore õ sehe ni yahuha:

—T_uã dihoga m_u t_uã dihori dare. M_u dahpo suhti cãh_ure sãaga —niha tiro.

To ã nich_u Pedro sehe to niriro seheta yoaha.

—M_u bui macari suhtirore sãa, y_uh_u mehne wahaga —niha anjo.

⁹ To ã nich_u tí tahtiap_u jiriro wijaa, anjo baharo wahaa wahaha tiro. Ã wahaparota õ sehe ni t_uhotumaha tiro. “¿Ahri potocã jieracari? ¿Cahãi nicari y_uh_u?” ni t_uhotumaha tiro. ¹⁰ Ã yoa tina to jiri tahtia sopacai ducuína surarare y_uhd_u wahcã, paina yoawacũno ducuína cãh_ure y_uhd_u wahcã,

pjiri sopacapu sūha. Tí sopa pahma, comaa pahma macapu wahari mahare ducataru pahma jiha. Tí sopa pahma to mu sūro parichu tina wijaa wahaha. Wijaa waha, tina mahapu mahano wahachuta, anjo sehe buti mu wahaha. ã jiro Pedro cãirota tjuaha. ¹¹ ã tirore anjo to wahari baharo to yoarire Pedro masiha. Õ sehe ni tūhotuha tiro. “Potocã tjira. Anjo Cohamacu to warocariro peresupu jirirore yūhare wioro wihihre. Mipu tíre masija to ã yoarire. Judio masa sehe yūhare ti ñano yoaborire Cohamacu sehe tinare yoa dutierare. ã jiro yūhare, Herode to peresu yoarirore wiohre”, ni tūhotuha Pedro.

¹² To ã ni tūhoturi baharo María João pocoro ya wūhupu sūha Pedro. João sehe pa wama Marco wama tira. Tí wūhupu masa payu cahmachu, Cohamacure sinia niha. ¹³ Tí wūhupu sūro, Pedro sopa pahmare dotaha. Cūcoro ti cahamaco Rode wama tiricoro to dotachu tūhoro, ñano sūha ticoro. ¹⁴ ã yoaro Pedro ticorore to pisuchū tūhoro to durucuaru tūho masi, tuaro wahche, sopa pahmare pjōboricoro pjōeraha. Pedro tói to ducuchuta ticoro majareruca mūroca sãa wahaha painare yahuro waharo.

—Pedro sopacapu wihihre —ni yahuro sãaha.

¹⁵ To ã nichu tūhoa, tí wūhūi jiina sehe:

—ã ninocaco nica mūhū —niha tina ticorore.

—Potocã tjira. Potocã nicota nija —niha ticoro.

To ã nichu tūhoa:

—Tiro jieraca. To yairo anjo wihiro nica —nimaha tina sehe.

¹⁶ Ti ã nino watoi Pedro sopa pahmare ãta dotarucuro niha. To ã yoachu tūhoa, tina sopacare

pjõo, tirore ñu, cñaa wahaha. ¹⁷ ã jiro tiro Pedro to wamomaca mehne “Dihta mariahga” ni, Co-hamacu peresupu tirore to wiorire yahuha tinare:

—Ahrire yahuga musa puhtoro Santiagore, paina Jesu yaina cãhure —niha tiro.

ã ni yahu tuhsu tiro pa sehepu yuhdu wahcãa wahaha.

¹⁸ ã yoa bohrea bora tachu surara Pedro to dohse yoa wijaarire ne masieraha. ã masieraa cñaa wahaha. ¹⁹ ã jiro Herode Pedrore maca dutimaha. ã dutiro tiro surarare peresu cohtainare to sinituri baharo tinare wajã dutiha Herode sehe. ã jiro Herode Judeapu jiro waha, Cesareapu jiro wahaha.

Herode yariaa wahaha

²⁰ ã yoa Tiro wama tiri maca macaina mehne, Sidõ macaina mehne Herode sehe suaha. To ã suachu ñua tí macari macaina sehe Herode tina mehne to suaire cahnoa waha, tiro mehne durucua wahaha. ã jia to docai jiro puhtorore Blasto wama tirirore piti tiha. ã jia tina Blasto to yoadohoro mehne Herode cahapu suha. Tiro cahapu sua, õ sehe niha:

—Mari noano jijihna. Mari basi ñu tuhtiena tjijihna —ni siniha tina Herodere.

Tina ya yahpa macaina Herode ya yahpai chure boca tiha. ã jia Herode tinare ñu tuhtichu cahmaeraha tina. ²¹ ã yoa Herode to quihõri dachoi, puhtoro to sãa suhti noaa suhtire sãa tiha tiro. ã sãano tiro to dujiroi dujitjiãhno, masare durucu ñoa tiha. ²² To ã durucu ñochu tãhoa masa sehe õ sehe ni sañurucuha:

—Ahiro durucuriro masuno jierara. Cohamacu jira —ni sañurucu payomaha tina Herodere.

²³ Ti ã nichuta Cohamacu yairo anjo Herodere dohatichu yoaha. Cohamacure ño payoeraro, “Cohamacu jieraja yuhu”, ne nieraha Herode. To ã nierari buhiri anjo tirore dohatichu yoaha. To ã dohatichu tirore dachoa chu wajãnocaha.

²⁴ Ñ yoa Jesu yaina payu masare Jesu ya buheare buhea tiha.

²⁵ Ñ jia Bernabé, Saulo mehne buhe tuhu, Jerusalẽpu tjuaa wahaha. Ñ jia João Marco wama tirirore tina na wahcãha tina mehne.

13

Jesu yaina Bernabé Saulo cãhare Cohamacu yare buhe dutia warocaha

¹ Tí pjare Antioquíaru Cohamacu yaina mehne macaina Cohamacu durucuaru yahu turiaina jiha. Ñ yoa Cohamacu to joa na dutiri cjirire, Jesu yaina ti yoaa tiare yahuina cãhu jiha. Bernabé, Simo Negro wama tiri, Lucio Cirene macariro, Menahem, Saulo mehne tina jiha. Menahem sehe puhtoro Herode cjiro mehne tina puaro cãno potori bucuaina jimaha. ² Cũ nuhu tina Jesu yaina chu duhu, Cohamacu yare ti buhero watoi Espiritu Santo õ sehe ni yahuha tinare:

—Bernabé, Saulo mehne cãga yu cahmano sehe yoah tinare. Tíre yoah tinare bese cãi nija tinare —niha Espiritu Santo.

³ To ã nichu tina sehe chu duhu namo, Cohamacure sini, Bernabé dapu bui Saulo dapu bui

ti wamomacarine duhu payoha. Ñ duhu payoa tinare buhe dutia warocaha.

Chiprepu Jesu to cūrina buheha

⁴ Ñ jia tina Espiritu Santo to warocaina jia, Seleuciaru su, tí macare dohoriaru samu, Chipre wama tiri nucoru pahāha tina. ⁵ Ñ pahāa, Salamina wama tiri pitamaharu wahā suha. Tí macai judio masa buhea wuhusepu, Cohamacu yare yahu dūcaha tina. Ñ yoa João Marco cūhu tina mehne jiro, tinare yoadohoha. ⁶ Tuhsu, tina tí nūco sohtoai maja, tí nūco topai jiri macaru Pafo wama tiri macaru suha, yairore boca suha tina. Tiro judio masano, Barjesu wama tiro jia. Barjesu griego ya mehne nia Elima ti ni pisuriro jia. “Cohamacu yare yahu mūhtariro jija yuhū” ni, masare mahñoperucuriro jia tiro. ⁷ Ñ yoa tiro Sergio Paulo wama tiro mehne macariro jia. Sergio Paulo sehe tí nūco macaina puhtoro masi pahñoriro jia. Ñ jiro Cohamacu yare tuho duaro tinare Bernabé, Paulo mehne pjirocaha tiro. ⁸ Wiho mejeta Elima yairo sehe tinare buhe dutieraha. Tiro Sergio Paulo Jesu yare to ño payochu cahmasāeraha yairo sehe. Ñ jiro Sergio Paulore Cohamacu yare cohā dutiro nimaha. ⁹⁻¹⁰ To ñ dutipachuta Saulo, Paulo ti niriro Espiritu Santo dutiare yoariro jiro yairore noano ñu diho cū tirore o sehe ni yahuha:

—Mūhu mahñoa payuriro, ñariro, watino to dutiare yoariro, noaare ñu yabiriro jira mūhu. ¿Dohseacu Cohamacu yare “Ñaa jira. Mahñoa jira”, ñ nirucujari mūhu? ¹¹ Mūhu ñ yoariro jicu Cohamacu mūhure to pihachu capari bajuerariro

jiihca m̄h̄h̄. ã jic̄h̄ mahaa dachoricã m̄h̄h̄ ahri dachore ñ̄usinisi —niha Paulo.

To ã nich̄h̄ta tiro yairo sehe me yoaro sehe jiare ñ̄h̄ m̄h̄tano, baharo nahitiano dihtare ñ̄h̄h̄. ã jiro tirore t̄h̄ãhtirore macaha tiro. ¹² To ã wahach̄h̄ ñ̄h̄no, Sergio Paulo sehe Jesu yare “Potocã tjira”, ni masiha. Mari p̄h̄thoro yare tiro t̄h̄ho, c̄h̄aa waha, Jesure wac̄ũ tua d̄h̄caha.

Paulo Bernabé mehne Antioquíai Pisidia yahpai jiri macai jiha

¹³ ã yoa Paulo c̄h̄h̄ Pafop̄h̄ jiina dohoría mehne pahã turia waha namo, Pergep̄h̄ s̄h̄h̄. Perge Panfilia yahpap̄h̄ jira. Tóp̄h̄ s̄h̄, João Marco tinare cohã wahcã, Jerusalẽp̄h̄ majare tjuaa wahaha. ¹⁴ To ã wahapach̄h̄ta tina sehe Pergep̄h̄ jiina waha namo, Antioquíap̄h̄ s̄h̄h̄. Antioquíai Pisidia yahpap̄h̄ jira. Tóp̄h̄ s̄h̄a, Sabado dachõ jich̄h̄ tina judío masa buheri w̄h̄h̄p̄h̄ sãa s̄h̄, tóp̄h̄ dujiha. ¹⁵ Tí w̄h̄h̄ macaina p̄h̄thoa Cohamac̄h̄ dutiare, Moise cjiro masare to c̄ũrire, ã yoa Cohamac̄h̄ yare yahu m̄h̄taina cjiro ti joari cjirore ti buhe ñ̄ori baharo tina pjirocaha Paulo c̄h̄h̄re:

—Coyea, ¿masare wahchech̄h̄ yoah̄ti cjihti m̄sa yahu duaa jijari? Tíre yahu duana, yahuga michapucacã —niha tí w̄h̄h̄ macaina p̄h̄thoa.

¹⁶ Ti ã nich̄h̄ t̄h̄horo, Paulo wahcãrc̄h̄ s̄h̄, “Duru-cuena tjiga”, nino to wamomaca mehne cã tuha. Ti dihta mariach̄h̄ ñ̄h̄, tiro õ sehe niha:

—Israe masa, ã yoa m̄sa Israe masa jieraina, Cohamac̄h̄re ñ̄o payoína, t̄h̄hoga m̄sa. ¹⁷ Mari ñ̄h̄ch̄h̄s̄h̄ma cjiro Cohamac̄h̄re ñ̄o payoia tiha. Tina cjirore Cohamac̄h̄ besea tiha. ã jia mari

ñuchusuma cjiri yoari pja Egiptopu jia tiha paina jipahta. Tópui ti jichu Cohamacu noano yoaa tiha tinare. ã jia payu masaputia tiha tina. Õ sehe yoaa tiha tinare. Tinare Egiptopu jiiinare to tuaa mehne wioa tiha Cohamacu. ¹⁸ To ã wiori baharo tina cuarenta cūhmari waro masa marienopu tinia tiha. Tópui tirore ti yūhdurucachu Cohamacu ãta tūhotunocaa tiha. ¹⁹ Tuhsu, Canaa wama tiri yahpare siete curuari macainare cohã tuhsu, Cohamacu tí yahpare waa tiha Israe masa sehere. ²⁰ Israe masa Egiptoi ti ji ducachu, pu Cohamacu ahri yahpare to wachapu cuatrocientos cincuenta cūhmari waro yūhdūa tiha. Baharo Israe masare dutihtinare cūa tiha Cohamacu tinare. Pu, Cohamacu to cūrina Samue to jichapu ji batoa tiha. Samue sehe Cohamacu yare yahu mahtariro cjiro jia tiha.

²¹ Baharo Israe masa sehe ti puhtoro cjihtore macaa tiha. ã jia Cohamacu sinia tiha. Ti ã sinichu ñūno Cohamacu Saulo cjirore cūa tiha tinare. Saulo cjiro Cis macūno jiro, Benjami ya curua macariro jia tiha. ã yoa cuarenta cūhmari waro ti puhtoro jiihtiro cjihtore cūa tiha Cohamacu tiro cjirore. ²² Cohamacu Saulo cjirore to cohāri baharo Davi cjirore cūa tiha tiro. Õ sehe nia tiha Cohamacu Davi cjirore: “Davi Jesé macūnore bocahi yūhu. Tiro mehne wahcheja yūhu. Tiro yu cahmaare yoarohca”, nia tiha Cohamacu. ²³ Ahriro Davi cjiro to panamino ji turiariro jira Jesu. Cohamacu Jesure cūri jire Israe masare yūhdohtiro cjihto. “Masare noano yoaihca”, niha Cohamacu. To niriro seheta yoare tiro. ²⁴ To ã yoahito pano

Jesu to tahto pano João cjiro õ sehe ni buheri jire: “Musa ñaa t̃hotumari cjiire t̃hotu cohtota, Cohamac̃re macaga. ã yoana bautisarina jiga”, ni buheri jire João cjiro jipihtina Israe masare. ²⁵ João cjiro to buhe batoahto pano, to yariahto pano õ sehe ni yahua tiri jire: “¿Diro baro jijari ỹh̃h̃, musa t̃hotuch̃h̃? Cristo jieraja ỹh̃h̃. Pairo jija. ã jipach̃uta t̃hoga ỹh̃h̃re. Ỹh̃ baharo ỹh̃ ỹhdoro tuariro tarohca. Tiro noa ỹhd̃h̃ariro jira. Tiro yoaro sehe jieraja ỹh̃h̃”, ni yahuha João cjiro masare.

²⁶ 'Coyea, Abrahã panamana, jipihtina Cohamac̃re cua pisaro ñ̃ina marine ahri to ỹh̃dohtore yahua buheare warocari jire Cohamac̃h̃. ²⁷ Jerusalẽ macaina ti p̃h̃toa mehne Sabado dachori jich̃h̃ Cohamac̃h̃ yare yahu m̃h̃taina cjiri ti joarire buhepahta noano t̃ho ñ̃ahaerari jire. ã t̃ho ñ̃ahaera, Jesu tinare ỹh̃dohtiro to jich̃h̃ c̃h̃h̃re masierari jire. Tina ã masierapahta Jesure wajã dutiha. ã yoaa Cohamac̃h̃ yare yahu m̃h̃taina cjiri ti joariro seheta yoaa niha. ²⁸ Tirore ti wajãhto pano tina Jesure yahusãmaha. Wiho mejeta to ñ̃aa yoaerapach̃uta tina Pilatore Jesure wajã dutia taa, siniha. ²⁹ ã yoaa, panop̃h̃ ti joariro seheta Jesure yoa tuhs̃h̃, tirore crusap̃h̃ jirore na boro, masa copap̃h̃ t̃cai ti sahari copap̃h̃ na sãa, duhu payoha tirore. ³⁰ Tirore ti ã wajãpach̃uta tiro to yariari baharo Cohamac̃h̃ masori jire tirore. ³¹ ã jia Galileap̃h̃ taina Jerusalẽp̃h̃ tiro mehne s̃ina paỹh̃ dachori tirore yaria masa bajarirore ñ̃h̃a tiri jire. ã jia mip̃h̃re tirore ti ñ̃h̃ire masare yahuhre tina.

32-33 'Ã jina noaa buheare yahuja sã m̄sare. Cohamac̄ mari ñ̄ch̄s̄ma c̄jirire "Masare noano yoaihca", panop̄ to niriro seheta mip̄re marine tinare ji n̄n̄ ti turiainare yoahre. Tíre to yahuri c̄jirire õ sehe yoahre tiro. Cohamac̄ Jesure masori jire. Ã jina Jesure to masorire yahuja m̄sare. Salmo capítulo dosre panop̄ to joariro seheta ã wahari jire: " 'M̄h̄ ȳ mac̄ jira. Michare m̄h̄re ȳh̄ m̄ P̄c̄h̄ jiare masich̄ yoahi', nina Cohamac̄ to mac̄nore", ni joaa tiha panop̄. 34 Ã jiro Cohamac̄ Jesure to masohtire pari turi to yariaerahtore yahuyuro õ sehe ni yahu joaa tiha Salmo joariro. " 'Davire ȳ p̄ja ñ̄riro seheta tirore ȳ niriro seheta potocãta noano yoaihtja m̄sa c̄h̄re', nire Cohamac̄", ni joaa tiha. 35 Tuhs̄, pa Salmo c̄h̄re õ seheta ni yahua tiha: "Cohamac̄ m̄ yairo ñ̄aa buhiri marieriro to p̄jac̄re baa dutierara m̄h̄", ni joaa tiha. 36 Ã jiro Davi Cohamac̄ to cahmariro seheta to jisiniri p̄ja macainare yoadohoha. Baharo tiro yariaa wahaha. To yariari baharo to p̄c̄s̄mare ti yoariro seheta masa copap̄ siõ sãaha tiro c̄h̄re. Ã jiro tiro baa wahaha. 37 To ã baapach̄ta ahriro, Cohamac̄ to masoriro sehe ne baaerare. 38 Ã jina m̄sa ȳ coyea ahrire masiga: Jesu to yariaro mehne Cohamac̄ mari ñ̄aa yoari buhiri tiare to cohãhtore m̄sare yahuja sã. 39 Ã jiro Jesure wac̄u tuainare Cohamac̄ ti ñ̄aa ñ̄ano yoaa, buhiri tiare bonocanohca. Wiho mejeta Moise c̄jiro to c̄uri dutiare m̄sa yoari mehne m̄sa ñ̄aa yoari buhiri tiare ne cohãsi Cohamac̄. 40 Ã jina noano yoaga. M̄sa noano yoerach̄ Co-

hamac̣u yare yahu ṃḥtaina cjiri ti joariro seheta ṃsare wahaboca. Õ sehe ni joaa tiha:

⁴¹ “Ṭḥoga ṃsa.

Cayoa paỵina, ỵḥare ṇ̃ tuhtiina jira ṃsa.

Ỵ ã sehe yoacḥ cuiga ṃsa.

Ã jina pichac̣u wahaga.

Ṃsa jia dachorire ṃsare yoa ṇ̃oihtja.

Ỵ ã yoa ṇ̃ocḥ ṇ̃panahta ‘Potocã tjira’, nisi ṃsa.

Pairo tíre ṃsare to noano yahupacḥta ‘Potocã tjira’, nisi ṃsa”,

ni joaa tiha Cohamac̣u yare yahu ṃhtariro cjiro —ni yahuha Paulo tinare.

⁴² To ã ni yahuri baharo judio masa buheri ẉḥp̣u ti wijaari baharo, masa sehe tinare ã sehe ni siniha:

—Pa somanap̣u Sabado jicḥu sãre ahrire buhega tjoa —ni siniha tina Paulore.

⁴³ ã yoa tí ẉḥp̣u jirina wijaa, judio masa paỵu, judio masa jieraina c̣ḥu Paulo c̣ḥu mehne wahaha. Judio masa jieraina sehe judio masa yare Cohamac̣u warore ti ṇ̃o payoa tiare buheina jiha. Ti ã wahacḥu Paulo, Bernabé mehne noano yahuha tinare: “Cohamac̣u ṃsare caḥna. ã jina tírore ṇ̃o payoina, wac̣u tuaina ã jirucuga ṃsa”, ni buheha tina.

⁴⁴ ã yoa pa somanare Sabado jicḥu jipihtina Jesu yare ṭho duaina cahmachuha. ⁴⁵ Wiho mejeta judio masa sehe paỵu masare Jesu yare ṭho duainare ṇ̃a pahsu tia wahaha. ã pahsu tia tina soro ni durucu, Paulore ṇ̃ano quti dojomehneha. “Ṃsare to buhea potocã jierara”, niha tina. ⁴⁶ Ti ã nicḥu ṭhoa, Paulo, Bernabé mehne tinare

quiti dojomehnerinare cuiro marieno ò sehe ni yahuha:

—Cohamacu to dutiriro seheta musare buhe mhtamahi sã. Wiho mejeta masa sehe tíre cahmaera tuhsuhere. Cohamacu catia mehne ã catirucua cãhure cahmaera tuhsuhere masa. Æ jina sã sehe judio masa jieraina sehere buhe ducanahca. ⁴⁷ To joa dutiri cjiri mehne ò seheta dutiha Cohamacu sãre:

“Musa judio masa jierainare buhena tinare yu yare noano masichu yoanahca masa.

Æ jicu ahri yahpa mu suro macainare masa buhechu, noano yuhure wacũ tuaina sehere pichacaru wahaborinare yuhdoihca yuh”, ni yahu dutiha sãre Cohamacu —ni yahuha Paulo, Bernabé mehne.

⁴⁸ Ti ã nichu tuhoa judio masa jieraina sehe wahcheha. “Cohamacu ya sehe noaa jira”, niha tina. Tópeina Cohamacu to cahmaina, to catia mehne ã catirucua to wa duarina Jesure wacũ tua ducaha. ⁴⁹ Æ jia mari puhtoro Cristo yare tí yahpãre yahu site pahñoa. ⁵⁰ Ti ã yahu site pahñochu ñua judio masa ji coeraha. Æ jia tina Paulo cãhure ñano durucuha. Tóru Cohacure ño payoa numia, masa ti cua pisaro ñua numia jiha. Æ jia judio masa Paulo cãhure ñano durucuha. Ti ã ni durucuchu tuhoa tí numia Paulo mehne, Bernabé mehne cãhure suaha. Æ yoa tí maca macaina puhtoa cãhu tina mehne suaha. Æ suaa tó macaina ñano yoaha Paulo cãhure. Ti ã yoari baharo Paulo cãhure ti ya yahpai jinare cohã wioha. ⁵¹ Ti ã yoachu ñua Paulo, Bernabé mehne ti dahpori macaa dihta pohcarire cjã site boro cãha

tí maca macaina ti ñaa yoari buhiri tiare ñoa. Ñ yoa tuhsu tina Iconiopu wahaa wahaha. ⁵² Ñ yoa tina Jesu yaina pjíro wahchea, Espíritu Santo dutiare yoaina jiha.

14

Paulo, Bernabé mehne Iconioi jiha

¹ Ñ yoa Iconiopu su, Paulo Bernabé mehne judio masa buheri wuhupu sãa, Jesu yare noano durucu mihnia mehne yahuha. Ñ jia payu masa Jesure wacũ tua ducaha, judio masa cãhu, judio masa jieraina cãhu. ² Wiho mejeta judio masa Jesure cahmaeraina cãhu tina mehne jiha. Tina judio masa jierainare Jesu yaina mehne ti suachu yoaha tjoa. Ti ã yoachu judio masa jieraina ñano tãhotuha Jesu yainare. ³ Ti ã tãhotuchu ñaa Paulo, Bernabé mehne tópu yoari pja jia, cuiro marieno mari puhtoro Jesu yare noano buheha. Cohamacu masare to cahãare buheha. Ñ buhea Cohamacu to tuaa mehne yoa ñoha tina, “Ahri buhea potocã tjira”, nia. ⁴ Wiho mejeta tí maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina cãhu tjuaha. Tina puu curua tjuaha. ⁵ Ñ jia judio masa jieraina, judio masa ti puhtoa mehne Jesu to cãrinare ñano yoa duama, tãa mehne doca wajã duamaha tinare. ⁶ Ti ã yoa duarire masia, Paulo Bernabé mehne Licaonia yahpau duhti wahcãa wahaha. Tí yahpai jia macaripu Lистра, ã yoa Derbepu suha. ⁷ Tópu sua, noaa buheare buheha tjoa tí macari macainare, tó cahai jiina cãhare.

Listrai Paulore tãa mehne docaha

⁸ ã yoa Listrai tini masierariro jiha. Tiro wahma masa bajaropata tini masierariro jiro ne tinieraa tiha. ⁹⁻¹⁰ ã jiro tiro Paulo to buhechu tãhoha. To tãhoro watoi Paulo sehe tiro dihtare ñãha.

—Ahriro Jesure wacũ tuara. ã jiro tiro noariro waha duara —ni tãhotuha.

ã ni tãhoturo tuaro mehne durucutjiãhno ò sehe niha Paulo tirore:

—Wahcãrãcaga —niha Paulo tirore.

To ã nichu tãhorota tini masierariro sehe pu sãrãcã sã, waha wahaha. ¹¹ Paulo to ã yoachũ ñãa masa ti ya mehne, Licaonia ya mehne ò sehe ni sañurucuha:

—Ahrina cohamana, mãa yoaro sehe bajuina mãanopũ jiina mari cahapũ duji tari jira —ni sañurucuha tina.

¹² ã jia tina cohamanare ti ni pisua wamari mehne tinare ni wama pisuha. Tina Bernabére “Zeus”, ni pisuha. ã yoa Paulo buhe mãhtariro to jichũ ñãa, “Hermes”, ni pisuha tina tirore. ¹³ ã jiro Zeusre ño payoina ya wũhũ tí maca dũhtũ cahai jiha. ã jiro Zeus yaina ti sacerdote sehe wachũare cohorì mehne macapũ sãa tari sopaca cahapũ na taha. Zeusre ño payo duaro to wachũare jã mũono, Paulore, Bernabére wa duamaha tiro, to masa mehne. ¹⁴ Ti ã yoachũ ñãa Paulo, Bernabé mehne ti basi ti ya suhtire tãhrẽrocã ti cahyaare masare ñoa. Tãhrẽroca tuhsũ masa watoi mãrocaa, ò sehe ni sañurucu wahcãha tina:

¹⁵ —Mũsa ò sehe yoaena tjiga. Sã cũhũ mũsa yoaro seheta masa jija. Ò sehe mũsa yoaa ne yaba cjihti jierara. ã jina mũsare buhena tahi mũsa ò sehe yoaare duhu dutina tana. Ahri

cohamana m̄sa niare, m̄sa yoaa, wiho jia mas̄ri jira. Tí mas̄rine cohãga. ã jina Cohamac̄re catiriro sehere ño payoga. Cohamac̄u sehe m̄anore, yahpare, p̄jiri mare, jipihtiare yoariro jira. ¹⁶ Panop̄re tiro jipihtia macari macaina ti yoarire ã ñ̄nocaha. ¹⁷ Wiho mejeta tiro to jia tiare ñona masare. Tiro masare noaare yoa, coro tach̄u yoa, dichare wa, masare ch̄are ã warucura. To ã wach̄u masa wahchera. Tó seheta tiro to jia tiare ñona masare —niha Paulo, Bernabé mehne.

¹⁸ Wiho mejeta ti ã nich̄u t̄hopahta masa wach̄are wajã jã m̄o tinare ño payo duamaha. Tó sehe ti ño payo duach̄u ñ̄a tinare ã yoa dutieraha Paulo c̄h̄u. Ti ã yoaare duhu duaerapahta duhuha tó macaina sehe.

¹⁹ ã yoa paina judio masa Antioquía macaina, Iconio macaina c̄h̄u Listrap̄u s̄ha. Tórp̄u s̄a, Paulore ñano durucuha tjoa judio masa. Ti ã ni durucuch̄u t̄hoa masa tiro mehne suaha. ã suaa tãa mehne docaha tirore. Tãa mehne tirore doca tuhs̄u “Ahriro yariaa wahara” nia, tí maca d̄ht̄u cahap̄u tirore waja s̄u c̄noca, wahaa wahaha. ²⁰ Ti ã yoari baharo Jesu yaina Paulore ñ̄a wahaha. Tiro cahai ti cahmachur̄cs̄u s̄ch̄u waro Paulo wahc̄ar̄ca, tina mehne macap̄u wahaa wahaha. ã yoa pa dachoi tiro Bernabé mehne Derbep̄u wahaha.

²¹ Tórp̄u s̄u, tina noaa buheare tó macainare ti yahuri baharo, paȳu masa Jesure wac̄u tuaina ji d̄caha. ã yoa baharo tina ti s̄a macaripe Listra, Iconio, Antioquíap̄u majare tjuaa wahaha. ²² Tí macarip̄u s̄a tí macari macainare Jesu yainare

noaa buheare yahua, tinare noano yajeripohna tichu yoaha. ã Jesure wacũ tuarucu dutia õ sehe ni yahuha tinare:

—Cohamacu to jiropare mari suhto pano, tuaro marine ñano yuhduro cahmana —ni yahuha.

²³ ã jia macaripe macainare Jesu yainare ti puhtoã cjihtire cũha Paulo Bernabé mehne. Cũ tuhsu, ti chu duhuri baharo Cohamacure õ sehe ni sini payoha:

—Puhtoro, ahrina mu yainare ñu wihboga —ni sini payoha tina Cohamacure ti wacũ tuaritore.

Paulo Bernabé mehne Antioquíapũ ti ji mũhtari macapũ tjuaa wahaha

²⁴ Ti ã yoari baharo tina Pisidia yahpapũ jirina cjiri wahaa wahaha Panfilia yahpapũ. ²⁵ Tópu su, Pergepare tina buhe tuhsu Atalia wama tiri macapũ wahaa wahaha. ²⁶ Tí macapũ su, Antioquíapũ tjuaa, dohoria mehne pahãa wahaha. Tí macaihta panopũ ti jisinichu Jesu yaina Cohamacu yare buhe dutia Paulo cũhure warocaha. ã warocaa:

—Cohamacu mu cahã mehne ahrinare ñu wihboga —ni warocaha tina.

ã tju sua tinare ti buhe dutirire buhe tuhsuha Paulo, Bernabé mehne. ²⁷ Antioquíapũ ti tju sari baharo Jesu yaina mehne cahmachu, Cohamacu to tuaa mehne ti yoarire yahu pahñoha tina. Judio masa jieraina cũhu Cohamacu yaina ti waharire yahuha tina. ²⁸ ã jia Paulo cũhu tópare Jesu yaina mehne yoari pja jiha.

15

Jerusalēpꝰ Jesu yaina cahmachuha

¹ ã yoa Judea yahpa macaina mahainacã Antioquiapꝰ sua, Jesu yainare õ sehe ni buhe dꝰcaha tina:

—Cohamacꝰ to dutiare Moise cjirore cūno õ sehe ni cūha. Jipihtina ti pjacꝰre mahari cahsarocãre ti yihsohtore yahu cūha Moise cjirore. Mꝰsa tĩre yoaerachꝰ Cohamacꝰ mꝰsare yꝰhdosi —ni buheha tina tó macainare.

² Ti ã ni buhechꝰ tꝰhoa Judea yahpa macaina sehe cahma sayoha Paulo cūhꝰre Bernabé mehne. Ti ã cahma sayori baharo Jesu yaina sehe Paulore, Bernabére paina tó macaina cūhꝰre Jerusalēpꝰ warocaha. Judea yahpa macaina ti buherire Jesu to cūrinare Jesu yaina pꝰhtoa cūhꝰre sinitu ñꝰ dutia warocaha Paulo cūhꝰre.

³ ã jia Jesu yaina tinare ti warocachꝰ waha, Fenicia yahpare su, yꝰhdꝰ wahcã, Samaria yahparꝰ sua. Tĩ macaripꝰ sua, judio masa jieraina Cohamacꝰ yare ti cahma dꝰcarire yahuha tina tó macainare. Ti ã yahuchꝰ tꝰhoa tó macaina Jesu yaina tuaro wahcheha.

⁴ ã yoa tina Jerusalēpꝰ ti sꝰchꝰ ñꝰa tó macaina Jesu yaina, Jesu to cūrina, to yaina pꝰhtoa mehne wahchea mehne noano piti bocaħa tinare. Ti ã piti bocachꝰ Paulo, Bernabé mehne Cohamacꝰ to tuaa mehne ti yoarire yahuha tina Jerusalē macainare. ⁵ Wiho mejeta tóꝰꝰ fariseo curua macaina Jesu yaina mahainacã jiha. ã jia tina tóꝰꝰre wahcãꝰca, õ sehe ni yahuha:

—Tinare judio masa jierainare ti pjacure mahari cahsarocãre yihsoro cahmana. “Cohamacu Moise cjirore to dutirire yoaga m̄sa cãh̄u”, nino cahmana tinare —niha tina fariseo curua macaina cãh̄u.

⁶ Ti ã nichu tãhoa Jesu to cõrina, to yaina pãh̄toa mehne ti ã nirire cahnoa taa, cahmachuha. ⁷ ã cahmachua tina payu ti durucuri baharo Pedro wahcãraca, õ sehe ni yahuha tinare:

—Coyea, panopu yãhure m̄sa mehne jirirore Cohamacu õ sehe yoa dutiro yãhure cõre. Tiro yãhure noaa buheare judio masa jierainare yahu dutiro cõre. Tinare Jesure wacũ tua dutiro yãhure tinare buhe dutire. ⁸ Cohamacu masa ti tãhotuare masina. ã jiro tiro judio masa jierainare to yaina to yoirire ñono taro tiro Espõritu Santore ware tinare, marine to yoiro sehetã. ⁹ ã waro tiro marine tina cãhure cãno potori noano yoare. Tina tirore ti wacũ tuachu ti ñaa buhirire bore tiro. ¹⁰ Mari sehe Cohamacu Moise cjirore to cõri dutiare cõno pjaeraja. Mari ñuchusuma cjiri cãh̄u cãno pjaeraha. ¿ã mari cãno pjaerapachuta dohse yoana Jesu yainare judio masa jierainare tíre yoa duti duajari m̄sa? ã yoa dutina Cohamacu tinare to yoirire “Quihõno wahaerara”, nina nica m̄sa. ¹¹ Wiho mejeta õ sehe sã tãhotuja. Mipure judio masa jieraina yoaro sehetã mari cãhure mari pãh̄toro Jesu cahña mehne Cohamacu yãhdorohca. Dutiare mari yoaa mehne marine yãhdosi —niha Pedro tinare.

¹² To ã nichu tãhoa jipihtina dihta mariea wahaha. Ti ã dihta mariachu Paulo, Bernabé mehne judio masa jieraina watoí Cohamacu tuaa mehne

ti yoa ñorire yahuha tinare. ¹³ Ñ ti yahu tuhsuri baharo Santiago ò sehe ni yahuha:

—Coyea, tãhoga yãhare. ¹⁴ Cohamacu judio masa jierainare to yaina cjihtire to coã yoarire yahu tuhsahre Pedro. ¹⁵ Panopu macaina Cohamacu yare yahu mãhtaina cjiri ti yahuriro se-heta ã wahahre judio masa jierainare. Ò sehe ni Cohamacu yare joaa tiha tina:

¹⁶ “Panopu Davi cjiro ya curua macaina ti pãhtoa jiri cjiri pihtia wahare.

Baharo tjua taihca yãhu.

Ñ jicã pari turi to ya curua macarirore pãhtoro sõiha.

¹⁷ Yu ã yoari baharo jipihtina paina judio masa jieraina yãhare pãhtoro tiaha tina.

‘Yu yaina jiga’, yu ni pjirocarina sehe yãhare cah-maahca.

¹⁸ Ñta nina mari pãhtoro.

Panopu tiro ahrire masare yahua tiri jire”, ni joaa tiha Cohamacu yare yahu mãhtaina cjiri.

¹⁹ ‘Ñ jicã ò sehe ni tãhotuja yãhu. Judio masa jierainare Cohamacu yare wahma cahma ducainare payu yoa dutiena tjijihna mari. ²⁰ Wiho mejeta tinare joa, warocajihna mari. Ò sehe ni joarocajihna: “Ñaa chãare, ‘Cohamacu jira’, ti nia masurine ti waa chãare chãena tjiga. Tuhsu, numia mehne ñano yoaena tjiga. Numia cãhu maa mehne ñano yoaena tjiga. Ñ yoa wamãa ti ñaha wajãinare wahiquinare chãena tjiga. Dire sihniena tjiga”, ni yahu joarocajihna. ²¹ Yoari pja judio masa buhea wãhãsepã Sabado jichã Cohamacu Moise cjirore to cãri dutiare buhea tire

masa. ã yoa jipihtia macarip_u Moise cjiro to yahuaire buhea tire. (ã jina y_u niriro seheta judio masa jierainare Jesu yainare joarocajihna, judio masa sehe tina mehne “Suari”, nina) –niha Santiago.

²² Tí pjare Jesu to cūrina, Jesu yaina p_uhtoa, jipihtina Jesu yaina mehne p_uaro tina mehne macainare beseha ti warocahtinare. Antioquíap_u Paulo, Bernabé mehne ti wahach_u wahahtinare tinare bese warocaha. ã jia tina Judare, Sila mehne warocaha. Juda sehe Barsaba p_uaro wama wama tiha. Ti coyea Jesu yaina tinare ño payoha. ²³ Tinare ti beseri baharo Jesu yaina joarocari p_ure warocaha tina mehne. Õ sehe ni joaha tina:

“Jesu to cūrina, to yaina p_uhtoa, m_usa coyea Jesu yaina mehne sã noa dutija m_usare. Jipihtina judio masa jierainare Antioquíap_u, Siriap_u, Cili-ciap_u jiinare m_usare Jesu yainare noa dutija sã. ²⁴ Sã mehne macaina m_usa cahap_u s_ua, m_usare pay_u dutiare yoa dutiyuhti. ã yoaa m_usare cariboyuhti. Tina Cohamac_u dutiare Moise cjirore to cūri cjirop_ure, mahari cahsarocãre yihsoa cãhure yoa dutiyuhti. Wiho mejeta sã sehe tinare tíre buhe dutina warocaerahi. ²⁵⁻²⁶ ã jina sã jipihtina cãno potori m_usa cahap_u warocahtinare sã besehi. Mari cahĩinare Paulo, Bernabé mehne Cristo Jesu mari p_uhtoro yare cuiro marieno ti buhech_u pay_u tahari paina tinare wajãmoñoha. Ti ã wajãmoñoch_u mahanocã mehne y_uhd_uha tina. Tina mehne sã beserinare mip_ure warocaja. ²⁷ ã jina Judare, Sila mehne m_usa cahap_u warocaja. Sã joarocarire tina sehe m_usare yahuahca. ²⁸ Espíritu

Santo to wacũno seheta sã cãhũ tũhotuã. Õ sehe jira tí: Paye dutiapũre cũeraja mũsare. Ahri dutia dihtare cũnahca mũsare: ²⁹ Ñaa chũare, ‘Cohamacũ jira’, ti nia masũrine ño payo ti duhu payoa chũare chũena tjiga. Dire sihniena tjiga. Wamũare ti ñaha wajãinare wahiquinare chũena tjiga. ã jina numia mehne ñano yoaena tjiga. Numia cãhũ mũa mehne ñano yoaena tjiga. Ahri yũ yoa dutierare yoaerana noaare yoana nica mũsa. Tó puro tjira mũsare sã yahu duaa”, ni joarocaha Jesu yaina Jerusalẽpũ jiina.

³⁰ Tí pũre joa tuhsũ, waha Antioquíapũ wainare. Ti wari baharo waha, Antioquíapũ sũha. Ti tópũ sũri baharo payũ masare cahmachu duti, ti joari pũre wiaha tinare. ³¹ Tí pũre ti buheri baharo tina yajeri sãa, noano wahcheha. ³² ã jia Juda, Sila mehne Cohamacũ yare yahu mahtaina jia, yoari pja Jesu yainare Cohamacũ yare yahuha. Ti ã yahuchũ tũhoa, Jesu yaina sehe wahche, noano tũhotuha. ³³ ã jia Juda, Sila mehne tópũ mahaa dachoricã ti jiri baharo Jerusalẽpũ ti tjuaa wahachũ tó macainare ti coha sitichũ, “Noano wahaga mũsa”, niha Antioquía macaina. ã jia Juda cãhũre warocarinare noa dutirocaha. Ti ã niri baharo Juda sehe tjuaa wahaha. ³⁴ [Wiho mejeta Sila sehe tópũta tjuanocaha Antioquíapũta.] ³⁵ ã jia Paulo Bernabé cãhũ mahaa dachoricã tjuasiniha tí macai tjoa. Tóí tina paina payũ mehne Jesu yare buheha.

Pari turi Paulo noaa buheare buhe tinino wahaha

³⁶ ã yoa mahaa dachoricã baharo Paulo õ sehe ni yahuha Bernabére:

–Jipihtinare mari buhe ducarinare “¿Dohse jijari tina?” ni, ñna wahajihna tjoa –niha Paulo cñh ti basi.

³⁷ ã ni tuhs, Bernabé sehe João Marc core tina mehne naa duamaha. ³⁸ To ã naa duapachata tó pano tiro tina mehne Panfliapuro tina mehne tjuaeraha. Ti yoaare cño pjaeraro tjuaa wahaha. ã jiro Paulo pari turi tirore naa duaeraha. ³⁹ To naa duaerach ñno Bernabé Paulo mehne puro ti basi cahma durucu cahno masieraa, soro dihta wahaa wahaha. Bernabé sehe Chipre wama tiri nacop Marc core na pahãa wahaha. ⁴⁰ Paulo sehe Silare piti ti wahcãa wahaha. Ti buhea wahahato pano Jesu yaina tinare waroca, “Cohamac masare noano ñ wihbojaro”, niha. Ti ã niri baharo Paulo Sila mehne wahaa wahaha. ⁴¹ ã wahaa, Siria yahpap, Cilicia yahpap cñhure s, tóro Jesu yainare noano yajeripohna ti, Jesure wacũ tua namoch yoaha tinare.

16

Timoteo Paulo mehne wahaha

¹ Ti ã yoari baharo Paulo cñh Derber, Listrap s, Timoteore boca s. Timoteo Jesu yairo jiro, judio masono macno jiha tiro. To pocoro cñh Jesu yacorota jiha. To puro sehe griego masno jiha. ² ã jia Listra macaina, Iconio macaina Jesu yaina, “Timoteo masa noariro jira”, ni yahua tiha. ³ ã jiro Paulo Timoteore naa duaha. Wiho mejeta tí yahpa macaina judio masa sehe Timoteo puro

griego masuno to jichu masiha. ã jiro Paulo judio masare “Suari” nino, Timoteo pjacure mahari cahsarocã yihso naha. Judio masa ti dutia ti niriro se-heta yoaha. ⁴To ã yoari baharo tina ti sua macari macainare ti joarocari pũ macaare yahuha. Tí pũ Jesu to cūrina, to yaina pũhtoa mehne Jerusalẽpu jiina ti joarocari pũ jiha. ã jia tí dutiare noano yahu turiaha tó macainare Jesu yainare. ⁵Ti ã yahuchu tũhoa Jesu yaina sehe Jesure wacũ tua namoha. ã yoa Jesure wahma wacũ tua ducaina dachoripe payu waha namoha.

Paulo cahãnopu Macedonia macarirore ñuha

⁶⁻⁷ ã yoa Asia yahpapu sehere noaa buheare buhe dutieraha Espiritu Santo tinare. ã jia tina Frigia yahpare yũhdũa Galacia yahpare yũhdũa, Misia yahpa dũhtu cahai sũha. Tópu su, Bitinia yahpa sehe waha duamaha tina. Wiho mejeta Espiritu Santo sehe tinare tópure waha dutieraha. ⁸To ã niri baharo tina sehe Misia yahpare yũhdũa, Tróadepu buhtu wihire. ⁹Tópu ti buhtu wihiri baharo, tí ñamine õ sehe cahãri jire Paulo. Macedonia yahpa macariro to cahai ducuchu ñuri jire tiro. “Sãre Macedonia yahpa macainare yoadohoi taga” ni, pjiri jire tiro Paulore. ¹⁰To cahãri baharo wahcã wihi, sã yare cahno tuhsu, Macedoniaru wahaa wahai sã. “Cohamacu tí yahpature noaa buheare buhe dutiro nina marine”, ni tũhotui sã.

Paulo, Sila mehne Filipopu jiha

¹¹ ã jina sã Tróadepu jiina dohoria mehne Somatracia wama tiri nucopu pahã sui sã. ã yoa pa dachoi Neapolipu pahãa wahai sã. ¹²Tí macare

yuhdɥana, Filipopɥ Roma macaina ya macapɥ sui sã. Tí maca Macedonia yahpai jiri maca jire. Wiho jiri maca jierare. Tóɥɥre mahaa dachoricã sã jii. ¹³ Tóɥɥ jina Sabado jichɥ sã tí maca dɥhtɥ cahapɥ, dia dɥhtɥ cahapɥ sui. Tói Cohamacɥ mehne ti durucuro jire. Tói dujina tói cahmachua numia mehne suhɥdui sã. ¹⁴ Cũcoro sãre tɥhoricoro Tiatira wama tiri maca macaricoro Lidia wama tioricoro jire. Ticoro noaa suhti wapa tia suhtire duaricoro, Cohamacɥre ño payoricoro jire. ã jiro Paulo to yahware noano tɥhochɥ yoare Cohamacɥ ticorore. ¹⁵ To quihõno tɥhochɥ ñɥno ticorore to wɥhɥ macaina mehne bautisare Paulo. To ã bautisari baharo õ sehe nire ticoro:

—“Jesu yacoro tjira mɥhɥ cãhɥ”, nina mɥsa yɥhɥre. ã jina ya wɥhɥi sãa tasinia mɥsa. Yɥhɥ mehne tjuasinia —nire ticoro sãre.

To ã nichɥ tɥhona to wɥhɥi tjuasinii sã.

¹⁶ Pa dacho Cohamacɥ mehne ti durucuropɥ sã wahachɥ watĩno to cohtotaricoro piti bocare sãre. Ticoro paina cahamacono jire. Ticoro watĩno yoadohoro mehne masare “Õ sehe waharohca mɥsare”, ni yahuyuricoro jire. ã yahuro pjíro wapatabasare to pɥhtoare. ¹⁷ ã jiro Paulo mehne sã wahachɥ, sãre nɥnɥ ti, sañurucure ticoro:

—Ahrina Cohamacɥ Jipihina Bui Jiriro to yoadohoina jira. Cohamacɥ marine to noano yɥhdohtire yahura tina —ni sañurucure ticoro.

¹⁸ Payɥ dachori ã ni cariborucure Paulore. To ã ni sañurucuchɥ Paulo majare ñɥ, õ sehe nire watĩnore:

—Jesucristo tuaa mehne dutija mɥhɥre. Ticorore wijaahga. Waharisa mɥhɥ —nire Paulo.

To ã nichuta watĩno sehe wahaa wahare.

¹⁹ To ã wahari baharo ticoro puhtoã sehe niñeru to wapataeraricoro to wahachu ñua, tina Paulore, Sila cūhare ñahare. Ñaha tuhsu, tinare naahre tí maca dacho macapu jiina puhtoã cahapu. ²⁰ Ñã naa wahcã, buhiri tiare cahnoina cahapu tinare cūre tina.

—Ahrina judio masa mari ya macare cariboa nina. ²¹ Tina mari dutiare cohã dutia, paye buheare buhea nina. Mari ya dutiare yuhdurucachu yoa duaa nina. Mari Roma macaina jina ahrina ti yahua sehere yoa masieraja mari. Ñã jina ti buheare mari cahmaeraja —nire ticoro puhtoã buhiri tiare cahnoinare.

²² Ti ã nichu tuhoa masa payu Paulo cūhu mehne sua yuhduã wahare. Ñã jia buhiri tiare cahnoina sehe Paulo cūhu suhtire ti tuhrẽ cohãri baharo, yucuri wasõri mehne tjana dutire tinare. ²³ Tuaru tjana tuhsu peresu yoare tinare. Ti ã peresu yoari baharo peresure cohtarirore noano ñu wihbo dutiha tina. ²⁴ Ti ã dutiri baharo tinare cohtariro sehe tí wuhu puhicha macari tahtiapu tinare cū, taboa pahtari mehne ti dahporire biha dapoha.

²⁵ Ñami dacho macai Paulo, Sila mehne Cohamacure sini, tirore basa payoha. Ti ã basachu tuhoha paina peresupu jiina. ²⁶ Ti ã ni basachuta tí wuhu tuaro ñuhmiha. To ã ñuhmichu cãno potori jipihtia sopa pahmari parĩ muã, peresupu jinarare ti duhtea dari comaa dari nuhnu site boraa wahaha. ²⁷ To ã wahachu tí wuhure cohtariro sehe wahcã wihi, “Peresu jiina duhti tuhsuri jire”, ni tuhotumaha. Ñã ni tuhoturo to ñosari pjĩne naroca,

to basi ñosamaha. ²⁸ To ã yoachu ñano Paulo tirore tuaro sañurucu õ sehe niha:

—Mu basi ñano yoai tjiga. Jipihtina õre jija sã — niha tiro tinare cohtarirore.

²⁹ To ã nichu tuhoro tinare cohtariro sehe sihã buhria duti, tina cahapu muroca wahcã Paulo, Sila ti dahpori cahapu tetere, caha sãha tiro. ³⁰ Tuhsu, tiro tinare tí tahtiapu jjinare na wijaa, sinituha tinare:

—¿Dohse yoaicari yuhu Cohamacu yairo ji duacu, to yuhdohtiro ji duacu? —ni sinituha tiro.

³¹ —Jesucristore wacũ tuaga mahu. Mu coyea cãhu tirore wacũ tuajaro. Musa ã yoachu musare pichacapu wahaborinare Cohamacu yuhdorohca —ni yahuha tina.

³²⁻³³ Ti ã niri hora ñami dacho maca baharocã jiha. Ti ã niri baharo tinare cohtariro to ya wuhupu naaha tinare. To ya wuhupu na su ti camine cosaha tiro. To ã cosa tuhsuri baharo to coyea mehne Cohamacu yare buheha Paulo cãhu. Ti buheri baharo bautisaha tinare. ³⁴ Ti bautisa tuhsuri baharo tinare cohtariro cjiro Paulo cãhure chure payoha. ã jia tiro to coyea mehne noaa buheare ti tuhori baharo tuaro wahcheha, Cohamacure masi ducãa.

³⁵ Bohrea parĩ cahachu ñua puhtoã sehe surarare peresupu warocaha Paulo cãhure wio dutia. ³⁶ Ti ã wio dutiri baharo tí wuhure cohtariro Paulo cãhure yahuha:

—Puhtoã musare wio dutire. ã jina cuienata wijaahga —niha tiro Paulo cãhure.

³⁷ Ti ã wio duapachuta Paulo õ sehe ni yahuha surarare:

—Sã ñano yoaerahi. ã jina sã ne buhiri cjaeraja. Wiho warota tina pãtoa sehe masa ti ñãrocaroi yucãri wasõri mehne tjanahre sãre, Roma macaina sã jipachuta. Tjana tuhsu peresu yoahre sãre. ã jia mipu masa ti ñãeraroi wio duara sãre, sãre ñano ti yoarire “Bũoro yũhdũri”, nia. Pãtoa ti basita ta, wioa tajarõ sãre —niha Paulo surarare.

³⁸ To ã nichu tuhoa surara sehe pãtoare yahua wahaha. Ti ã ni yahuri baharo Paulo, Sila mehne Roma macaina ti jichu masia pãtoa sehe cui niha.

³⁹ ã jia tina Paulo cãhu cahai su, õ sehe niha:

—Ñano yoahti sã musare. Ne pari turi ã yoasi — niha pãtoa Paulo cãhure.

ã ni tuhsu pãtoa tinare peresupu jijnare wio, tinare pa sehẽpu waha dutiha. ⁴⁰ Ti ã niri baharo Paulo, Sila mehne peresupu jiina wijaa, Lidia wama tiricoro ya wãhũpu wahaha. Tĩ wãhũpu ti sũri baharo Jesu yainare piti boca. ã jia tina Jesu yainare noano buhea, noano yajeripohna tichu yoaha tinare. Ti ã yoari baharo Paulo, Sila mehne wahaa wahaha.

17

Tesalónica macaina suaha Jesu yaina mehne

¹ ã yoa tina Anfipolipu su, yũhdũa, Apoloniapu su, yũhdũa, Tesalõnicapu suha tina. Tõi judio masa buheri wãhu jiha. ² Somanaripe to yoariro seheta Paulo buheri wãhũpu wahaa tiha. Tõpu su, tia so-mana waro sabado dachoripe tiro panõpu macaa ti joari cjirire Cohamacu yare masare buhe, tĩre

tina mehne saħudua tiha Paulo. ³ ã yoaro tiro Cohamacu yare õ sehe ni yahuha:

—Judio masa, mɯsa puħtoro mɯsa cohtariro Cristo tari jire ñano yuħduħtiro. Cohamacu to ni cūriro cjiro seheta tiro yariaa wahaha masa mujano taro. ã jiro aħriro Jesu, yu yahuħriro, tiro Cristo warota jira marine yuħdoħtiro. Tirota jira mɯsa cohtariro. Õ seheta nina Cohamacu yare ti joari pū —ni yahuha Paulo.

⁴ To ã nichu tuħoa, cāina tói jiina “Potocā tjira”, niha. ã jia tina Paulo cāhu mehne wahaha. ã jia paina cāhu griego masa payu Cohamacure ño payoina sehe Paulore quihōno tuħoa, ã yoa tina mehne macaa numia cāhu payu puħtoa numia masa ti cua pisaro ñu numia cāhu tirore quihōno tuħoa Jesu yaina tjuaha. ã jia tina cāhu Paulo cāhu mehne wahaha. ⁵ Wiho mejeta judio masa sehe ti ã wahachu ñu, pahsu tiha. ã jia tina ñaina dahraerainare payu pji cahmachu õ sehe ni dutiha: “Aħrina ñano yoaa nina”, ni sañurucu dutiha tinare. ã sañurucua jipihtina tí maca macainare suachu yoaha Paulo cāhu mehne. ã jia judio masa Jasō ya wuħu pū sãa, Paulo cāhure macamaha, tinare masapure waa taa. ⁶ Wiho mejeta tinare bocaeraha. ã jia Jasōre, paina Jesu yaina cāhure ñaha, waja wijaa wahaha tinare. Puħtoa cahapu na su õ sehe ni yahuħaha tina:

—Paulo cāhu masare jipiħtiropure caribobiara. ã jia mipure tina mari ya macare wihi tuhsuħre. ⁷ ã jiro aħriro Jasō tinare to ya wuħu pū sãa ta dutiħre. Tina jipihtina mari bui puħtoro Roma

macariro to dutiare yǎhdurucara. “Pairo masa pǎhtoro jira. Jesu tirota jira” nia, mari pǎhtoro dutiare yǎhdurucara tina —ni yahusǎha judio masa sehe pǎhtoare.

⁸ Ti ǎ ni yahusǎchǎ tǎhoa, jipihina masa, pǎhtoa cǎhǎ sua, tuaro sañurucuha. ⁹ Wiho mejeta pǎhtoa Jasõre, tiro mehne macaina cǎhǎre, niñerure wapa duti, wioha.

Paulo Sila mehne Bereapǎ sǎha

¹⁰ Tí pjata ñamipǎ Paulo cǎhǎre Jesu yaina nǎo warocaha Bereapǎ. Tórpǎ sǎa tina judio masa buheri wǎhǎrpǎ sǎa wahaha. ¹¹ Berea macaina sehe Tesalónica macaina yǎhgoro Jesu yare noano tǎhoina jiha. ǎ jia tina Jesu yare ti tǎhori baharo “¿Potocǎ tjijari?” ni masi duaa, dachoripe Cohamacǎ yare ti joari pǎre ǎ buherucua tiha tina. ¹² ǎ jia tina payǎ Jesure wacǎ tua dǎcaha. Griego masa cǎhǎ, mǎa, pǎhtoa numia mehne Jesure wacǎ tuaina jiha. ¹³ Wiho mejeta Paulo Bereapǎ Cohamacǎ yare to buhechǎ cǎhǎre tǎhorocaa Tesalónica macaina judio masa tórpǎ sǎha. Tórpǎ sǎa, Berea macainare quitu dojomehnea, Paulo cǎhǎ mehne suachǎ yoaha tina. ¹⁴ Ti ǎ yoachǎ ñǎa Jesu yaina Paulore soaro mehne pjiri ma dǎhtǎ cahapǎ warocaha. Wiho mejeta Sila, Timoteo mehne Bereapǎ tjuaha. ¹⁵ Paina sehe Paulore Atenapǎ na wahcǎ soha. Tirore so tuhsǎ majare tjuaa wahaha Bereapǎ tjoa.

—Soaro mehne waha, piti tina wahaga Paulore —ni yahuha Silare, Timoteo cǎhǎre.

ǎ ni yahu dutiha Paulo tinare.

Paulo Atenai jiha

¹⁶ ã jiro Paulo Atenap_u cohtaro niha Sila, Timoteo cãh_ure. Tinare cohtaro Atena macaina ti “Cohamana jira”, ti nia masurine pay_u ti cj_uach_u ñ_uno Paulo tuaro cahyaha tina mehne. ¹⁷ ã cahyaro, judio masa buheri wãh_up_u judio masa mehne, ã yoa judio masa jieraina mehne cãh_ure durucuha tiro. Judio masa jieraina sehe Cohamac_ure ño payoina jiha. ã yoa Paulo tí maca dacho macai dachoripe tiro cahap_u ã tini majare sãaina mehne durucuha. ¹⁸ Paina Epicureo yare buheina, Estico yare buheina cãh_u Paulo mehne durucuha:

—¿Ahriro durucua pih_utierariro dohse ni durucuro nijari tiro? —niha tina.

Paulo Jesu yare, to masa m_ujarire to yahuch_u tãhoa ò sehe ni tãhotumaha masa: “Tiro paina cohamanare yahuro nica”, ni tãhotumaha tina. ¹⁹ Ti tãhori baharo tina Areópago wama tirop_u Paulore naaha.

—Ahri buhea, wahma buheare m_u mip_u yahurire masi duaja sã. ²⁰ M_u buhea soro sehe jira. ã jina sã tíre masi duaja —niha tina Paulore.

²¹ Jipihtina Atena macaina, ã yoa paye yahpari macaina cãh_u Atenap_u jiina dachoripe wahma buheare durucurucu duaha. ã jia Paulo to yahuare tãho duaha tina.

²² ã jiro Paulo Areópago wama tiroi wahcãr_uca ò sehe ni yahuha:

—Atena macaina, pay_u m_usa cohamanare m_usa tuaro ño payoina m_usa jich_u masija y_uh_u. ²³ Ahri maca m_usa ya macare cohamanare m_usa ño payoa altarire ñ_u tinihi y_uh_u. ã ñ_u tinic_u y_uh_u cã

altarp_u, cohamanare ño payona m_usa waare m_usa c_unoi ahrire buhehi. “Cohamac_u, mari masimah-noerariro ya altar jira”, ni joari jire m_usa tíre m_usa c_unoi. M_usa tirore masierapanahta tirore ño payori jire m_usa. Tiroreta m_usa masierarirore yahu potoi nija y_uh_u m_usare.

²⁴ 'Cohamac_u jipihtiri yahpare, jipihtiare ba-juamehneriro jira. Tiro m_uanore, yahpap_ure p_uhtoro jiro, tiro masa ti yoaa w_uh_usei jierara.

²⁵ ã jiro tiro mari jiare, mari yajeri naare, jipihtia marine paye barore wariro jiro, mari yoadohoare cahmaerara. Tiro p_uac_uoriro jierara.

²⁶ 'Tiro c_uiro m_uanore yoa d_ucaha. Tiro mehneta jipihtia yahpari macaina cjihtire masare yoaha. ã masare yoaro jipihtiro yahpap_ure marine c_uha tiro. “Õ puro yoari p_ua ð_ure jiaha”, nino quihõ c_uha marine. ²⁷ “Tina y_uh_ure maca, bocaboca”, ni t_uhotuha Cohamac_u. Wiho mejeta Cohamac_u yoarop_u jierara. Mari mehneta jira. Õ sehe ni joaa tiha paina: ²⁸ “Marine jich_u yoara tiro. Mari masapere catiina, ñuhmiina jich_u yoara tiro”, ni joaa tiha. M_usa mehne macaina panop_u macaina basaare noano joaina quitu yahuina cjiri ti joariro sehetu nii nija. “Mari c_uh_u Cohamac_u pohna jija”, ni joaa tiha tina. ²⁹ ã jina mari to pohna jina õ sehe ni t_uhotuena tjiga m_usa. Mas_urine, uru, plata, tãa mehne m_usa m_u s_uro m_usa yoari mas_urine “Cohamana jira”, ni t_uhotuena tjiga m_usa. ³⁰ Panop_u masa ti masieraina jisnich_u ti ñaare yoapach_uta Cohamac_u ã ñ_unocasiniha. Wiho mejeta mip_ure jipihtiri yahpa macainare ti ñaa yoari buhiri tiare masi, cahya dutira Co-

hamacũ. ³¹ Baharo Cohamacũ to quihõri dachoi jipihtiri yahpa macainare potocã beserohca noaina, ñainare. Tiro to bese duti to cũriro Jesu sehe beserohca. Jesure yariaritore masoha tiro. Ñ masono “Ahriro yũ cũriro jira” ni, ñono niha Cohamacũ masare –ni yahuha Paulo Atena macainare.

³² To ã nichũ masa mũjarire to durucuchũ tũhoa paina tirore bũjũpeha. Wiho mejeta paina sehe õ sehe niha:

–Pari turi ahrire mũ yahuchũ sã tũho duaja – niha tina Paulore.

³³ Ti ã niri baharo Paulo wahaa wahaha. ³⁴ To ã wahachũ, cãina tiro mehne waha, Jesure wacũ tua dũcaha. Dionisio Areópago macariro pũhtoa mehne macariro Jesure wacũ tua dũcaha. Ñ yoa Damari wama tiricoro cãhũ, paina mehne Jesure ãta wacũ tua dũcaha.

18

Paulo Corinto wama tiri macai jiha

¹ Ñ yoa, Paulo Atenapũ jiro waha, Corinto wama tiri macapũ sũha. ² Tópũ sũro, judio masũno Aquila wama tirirore boca sũha tiro. Jipihtina bui pũhtoro Claudio wama tiro judio masare Romapũ jinare to cohãchũ Aquila sehe to namono Priscila mehne waha, Corintopũ sũha. Aquila sehe Ponto wama tiri yahpai masa bajariro jiha. Ñ jia tina Corinto ti jichũ, Paulo tina cahapũ sũha. ³ Aquila cãhũ suhti wũhũsere yoaina jiha. Paulo cãhũ suhti wũhũsere yoarirota jiha. Ñ jiro tiro tina mehne dahra, tói tjuaha. ⁴ Ñ jiro Paulo sabado

jichu somanaripe judio masa ti buheri wuhuru judio masare, judio masa jieraina cūhare Cohamacu yare yahuha. To ã ni yahuchu tuhoa, “Potocã tjira”, niha tina cãina.

⁵ ã yoa Sila, Timoteo mehne Macedoniapu jiina, Paulo cahapu suha. Tópu ti sari baharo Paulo sehe jipihitia dachoripe judio masare noano buhea tiha.

—Jesu, Cristo masare yuhdohtiro mari cohtariro jira —ni yahuha tiha.

⁶ To ã ni buhepachuta, judio masa sehe tireore tuho duaeraha. ã jia tina ñano ni quitu dojomeheha tireore. Ti ã yoachu Paulo tinare to tuhtiboriro seheta, to suhti macaa mene cã site-roca cūha.

—Musa ya buhiri pichacapu wahanahca. Cohamacu to dutiriro seheta musare buhemahi yuhu. Wiho mejeta musa yuhure tuho duaerare. Mipure judio masa jieraina sehere buhei wahaihtja —niha Paulo judio masare.

⁷ To ã niri baharo tiro tópu jiriro waha, Ticio Justo wama tiroiro ya wuhuru suha. Justo Cohacure ño payoriro jiha. To ya wuhu sehe judio masa buheri wuhu cahai jiha. ⁸ ã jia Crispo wama tiroiro buheri wuhu puhtoro, to namono, ti pohna cūhu Jesure wacū tuaina jiha. ã yoa paina Corinto macaina payu Cohamacu yare tuhoa, Jesure wacū tuaha. Ti ã wacū tuaina jichu tinare bautisaha. ⁹⁻¹⁰ Cū ñami Cohamacu cahãnoru õ sehe ni yahuha Paulore:

—Muhu mehne jija. Ahri maca macaina yu yaina masa payu jira. ã jia paina masa mūhure ñano yoa masierara. ã jicu cuiecu tjiga mūhu. Wiho mejeta

y_u yare tuaro yahu namoga m_uh_u. Yahu duhuecu tjiga —ni yahuha Cohamac_u Paulore.

¹¹ ã yoa c_u c_uh_uma noano, pa c_uh_uma dacho maca waroi Paulo Corintop_u ji, tó macainare Cohamac_u yare buhea tiha.

¹² To ã buhero watoi Galiō wama tirirowo Acaya yahpa macaina p_uh_utoro to jich_u, judio masa jip-
ihtina c_uno potori Paulore yahusāa taa, tirirowo
buhiri tiare cahnoina cahap_u naaha tina.

¹³ —Ahriri Paulo masare Cohamac_ure ño payo dutirowo ahriri yahpa macaa dutia sehere cohā dutirowo nina —ni yahusāha judio masa buhiri tiare cahnoinare.

¹⁴ Ti ã ni yahusāch_u t_uhoro Paulo sehe tinare yahu duamaha. Wiho mejeta Galiō sehe judio masare ò sehe ni yahuha:

—Ahriri s_u Roma macaina ya dutiare y_uh_ud_ur_ucariro to jich_u, m_usare y_uh_utiboa y_uh_u.

¹⁵ Wiho mejeta m_usa judio masa ya dutia sehere ahriri y_uh_ud_ur_ucariro to jich_u m_usa basi ahriri cahnoga. Ahriri masieraja y_uh_u m_usa mehne —ni yahuha tiro judio masare.

¹⁶ ã ninota tinare judio masa Paulore yahusāmarina cjirire to ya tahtiap_u j_uinare cohā wioha tiro. ¹⁷ To ã cohā wiori baharo jipih_utina tí w_uh_ui j_uina Sostenero judio masa buheri w_uh_u p_uh_utoro Jesu yairore ñaha, buhiri tiare cahnoina cahap_u cjāha tirirowo. Ti ã cjāch_u ñ_uno Galiō ã ñ_unocaha.

Paulo Antioquíap_u tjuaa wahaha

¹⁸ ã yoa Paulo Corintoi yoari pja jirirowo cjirowo “Wahai nija”, ni coha sitiha tiro Jesu yainare. To

ã niri baharo tiro Priscila, Aquila mehne Siria yahparu pahãa taa niha. Ti pahãhto pano Cencia wama tiri macaru su, toru jisinino Paulo Cohamacure “Õ sehe mure yoabasaihtja”, to nire yoa tuhsuropu jiha. ã jiro to sehe yoaina judio masa ti yoarucuro seheta to pjoarire waha pahão dutiha. ¹⁹ Tíre to yoari baharo tina Efeso wama tiri macaru pahã su, Priscilare, Aquila cure cã, judio masa ti buheri wure waha Paulo. Tí wure su, Cohamacu yare yahuha. ã yahuro judio masa mehne sureduha. ²⁰ To ã sureduri baharo tirore tina mehne tjua dutimaha.

—Tjuaeraja mure mehne. ²¹ Wiho mejeta Cohamacu cahmahu, pari turi tjuaa taihtja —niha tinare Paulo.

À ni tuhsu, Efesoru jiro cjiro pahãa waha tiro.

²² Pahãa, Cesarearu pahã su, yahu wahu, Jerusaluru suha. Toru su, to macaina Jesu yainare “¿Ne jimajari mure?” ni, tinare nu yahu Antioquiaru suha. ²³ Tóí mahaa dachoricã jiha. Tóí jiro cjiro yahuha. Galacia yahpai jia macaripu, Frigia yahpai jia macaripu pari turi su, tí macari macainare Jesu yainare buhero, Jesure wacu tua namo wachechu yoaha tiro.

Apolo wama tiro Efeso buheha

²⁴ Tí pjare, judio masuno Apolo wama tiro, Alejandria macaruro Efesoru suha. Tiro noano yahu mihniro jiha. ã jiro tiro Cohamacu to joari cjiro noano masiha. ²⁵ Pairo tirore Cohamacu yare yahu tuhsu tiha. ã jiro tiro João masare bautisuro to buheha dihtare masiha. ã jiparota

tiro tuaro wahchea mehne Cohamacu yare noano buheha. ²⁶ ã jiro judio masa ti buheri wahuꝑu tiro cuiro marieno tinare buhe dꝛcaha. To ã buhechu ti tuhori baharo Priscila, Aquila mehne tirore tina mehne naaha. Cohamacu yare to quihõno yahu pahñoerachu ñua quihõno yahu pahñoa tina tirore. ²⁷⁻²⁸ ã jia tiro Apolo sehe Acaya yahꝑꝑu to waha duachu Jesu yaina tirore “Noano wahaga”, ni joaa pũrine waha tirore. Tí pũri Acayapꝑu jiina Jesu yainare Apolore noano piti boca dutia pũri jiha. ã jiro Apolo tóꝑu sꝑro, tó macainare noano yoadohoha. Tó macaina Cohamacu cahña mehne Jesure wacũ tuaina jiha. Judio masare tí macai jiinare õ sehe ni yahuha:

—Cohamacu to warocariro mꝑsa cohtariro jira Jesu. Cristo waro jira tiro —ni yahuha Apolo judio masare paina masa ti ñurocaroi.

Cohamacu yare ti joari cjiri mehne to noano quihõno yahuchu tuhoa tina “Potocã jierara”, ni masieraha.

19

Paulo Efesopꝑu wahaha

¹ Corintopꝑu Apolo to jiro watoi, Paulo sehe tãꝑucꝑꝑu mꝑja yuhduu, Efesopꝑu sꝑha. Tóꝑu sꝑro cãina Jesu yainare boca. ² Tinare boca sꝑro tiro tinare õ sehe ni sinitu ñua:

—¿Mꝑsa Jesure wacũ tuari baharo mꝑsa sehe Espíritu Santore cꝑa dꝛcari? —ni sinitu ñua Paulo.

To ã nichu tuhoa tirore õ sehe ni yahuha tina:

—“Espíritu Santo jira”, ni yahuerare sãre —ni yahuha tina.

³ Ti ã ni yahuri baharo Paulo tinare õ sehe ni sinitu ñaha tjoa:

—¿Noa ya buheare masa tãhori baharo bautisari masare? —niha tiro tjoa.

—João ya buheare sã tãhori baharo bautisahre sãre —ni yahuha tina.

⁴ Ti ã nichu tãhoro õ sehe niha Paulo:

—Masa ti ñaa yoarire cahya, tíre ti duhuchu ñuno bautisaha João. ã jiro to bautisari cjiri sehe ti ñaa yoarire ti duhurire masare ti ñohti cjihti jira. Wiho mejeta paye baro cãhure yahu namoha João. “Yuh baharo tariro sehere wacũ tuaga masa”, ni yahuha tiro. ã nino Jesure yahuro niha —ni yahuha Paulo tinare.

⁵ To ã nichu ti tãhori baharo, Jesu wama mehne to tuaa mehne bautisaha tinare. ⁶ ã to bautisachu, Paulo tina cãina bui to wamomaca to duhu payochu, Espíritu Santo sehe wihiha tinapure. To ã wihiri baharo tina sehe tãhomahnoera duseri mehne durucu, Cohamacu yare yahuha. ⁷ Tina jipihtina doce mua jia jiboa.

⁸ Baharo Paulo judio masa ti buheri wahuru sãa, tia sũ waro cuiro marieno puhtoro Cohamacu to suho jiare yahu, durucuha tina mehne. Tirore ti ã tãhori baharo “Ahri potocã jira”, niha tina.

⁹ Wiho mejeta paina sehe tãho duaeraha. ã jia tina masa ti tãhoro noaa buheare ñano ni ñoha. Ti ã nichu tãhoro Paulo sehe Jesu yainare pji wijaa, pa seheru wahaha. Waha, Tirano wama tiriro to buheri wahuru dachoripe masare Cohamacu yare yahuha Paulo. ¹⁰ Pua cãhma waro buhea tiha tinare. To ã buhechu jipihtina Asia yahpa macaina judio masa, judio masa jieraina mehne

mari puhtoro Jesu yare tuhoha. ¹¹ ã yoa Cohamacu tuaa mehne Paulo masare ñu cuu yuhduachu yoaa barore yoa ñoha. ¹² Masa sehe suhti cahsari Paulo to pjacure pihaa cahsari cjirire, ã yoa tirore pihaa suhti cãhure naa, dohatiinare pihoha masa. Tí suhtire dohatiinare ti pihochu noaa wahaha. ã jichu watia tinapure jirina cjiri wijaa wahaha, tí suhtire ti pihori baharo.

¹³ Wiho mejeta paina judio masa, ã tinirucuina, watiare cohãina jiha. ã yoa puhtoro Jesu wama pisuro mehne watiare cohã duamaha. ã jia watiare õ sehe ni dutimaha tina:

—Paulo to yahuriro Jesu to wama mehne dutija musare. Wijaahga. Ahriro mehne pari turi jiena tjiga —nimaha tina watiare warocaa.

¹⁴ Esceva wama tiroro siete to pohna sehe ãta yoamaha. Esceva sehe judio masuno sacerdotea puhtoro jiha. ¹⁵ To pohna watĩnore ti wijaa dutiri baharo, watĩno sehe õ sehe niha tinare:

—Jesure masija. Paulo cãhure masija. ã masipacuta musa sehere masieraja —niha watĩno tinare.

¹⁶ To ã nichuta watĩno to cohtotariro sehe turo mehne tinare ñaha muua wahaha. Tinare ñaha, ñaabiario yoa, yuhdurucanocaha. To ã yoachu Esceva pohna sehe suhti marieina, camí tiina maroca wijaa wahaha tina tí wãhure. ¹⁷ Tí ã yoari baharo jipihtina Efeso macaina, judio masa, judio masa jieraina mehne tíre tãhoa, cui yuhduaha tina. ã jia puhtoro Jesu yare bujupero marieno durucuha masa sehe.

¹⁸ ã yoa masa payu Jesure wacũ tuaina ti ñano yoari buhirire yahu yuhduaha taha. ¹⁹ Tina mehne

macaina payu yaya puti siteina jiha. Ñ jia tina ti joaa tjurire yaya ti yoaa yahua tjurire tóru na ta, masa ti ñurocaroi tí tjurire jũ cohãnocaha tina. Tí tjuri ti wapa tirire tina ti quihõchu, jipihtia tjuri cincuenta mil tũri plata mehne ti yoaa tũri posa waro wapa timaha tí tjuri. ²⁰ Ñ jia Cohamacu yare cahmaina payu wahaha. Cohamacu tuaa mehne to yaina wahaha.

²¹ Ti ã wahari baharo Paulo õ sehe ni tũhotuha: “Macedonia yahparu su mũhta, tí yahpare yũhdũa Acaya yahpare suihtja. Tí yahpare yu sũri baharo Jerusalẽru waihhtja. Tí macare yu sũri baharo Romaru waihhtja”, ni tũhotuha Paulo. ²² Pũaro tirore yoadohinare to pano waroca mũhtaha Macedonia yahparu. Timoteo, Erasto cãhu jiha tina. Ñ jiro Paulo sehe cãirota tjua nuuu tisiniha Asia yahparu.

Efeso masa sua, sañurucuha

²³ Tí pjare Efeso Jesu yare paina cahmaeraa, Paulo cãhare payu masa tuhti, sañurucuha. ²⁴ Cãiro platare dahrariro Demetrio wama tiroiro plata mehne cohamacu Artemisa wama tiricoro ya wũhu masũri yoariro jiha. Ñ jiro tiro paina plata dahraina mehne tí masũrine dua, pjíro wapataha tina. ²⁵ Ñ jiro Demetrio paina plata dahrainare pji cahmachu õ sehe ni yahuha tinare:

—Tũhoga mũsa. Ahri dahraa mehne pjíro mari wapatarire masina mũsa. ²⁶ Ahriro Paulo to yoarire to buheri cãhare masina mũsa. Õ sehe ni buhera tiro: “Cohamana masũri masa ti yoari catiina jierara”, ni yahua tire tiro. To ã nichu tũhoa payu Efeso macaina, jipihtiroi paina Asia yahpa

macaina cãhũ tí buheare “Potocã tjira”, nia tire. ²⁷ ã nia mari dahraare masa ñano durucuhto cua yũhdũara. ã yoa masa mari cohamaço Artemisa ya wũhũre “Wiho jiri wũhũ jira”, ni cohãboca. Ti ã cohãchũ ticoro jipihtina Asia yahpa macaina, jipihtiri yahpa macaina ti ño payoricoro to jipachũta to tuaa butiarohca. ã jia masa baharopũ jiina ticorore masieraboca –niha Demetrio tinare.

²⁸ To ã nichũ tũhoa tina sehe tuaro sua, sañurucuha:

–Artemisa Efeso macaina mari yacoro cohamaço tuaricoro jira –ni sañurucuha tina.

²⁹ ã jia Efeso macaina jipihtina sañurucu yũhdũa, tũho masia pihtia wahaha. ã wahaa, Gayore, Aristarco cãhũre ñaha, masa ti cahmachunopũ tinare waja wahcãha. Gayo, Aristarco mehne Macedonia macaina jia, Paulo mehne tiniina jia tiha. ³⁰ ã jia Paulore masa cahai to waha duachũ, Jesu yaina sehe tirore waha dutieraha. ³¹ ã jia paina tí yahpa macaina pũhũa, Paulo mehne macaina jia, ti cahamacare yahu dutiha Paulore:

–Masa ti cahmachunopũ wahai tjiga –ni yahu dutiha pũhũa Paulore.

³² ã jia tói cahmachuina mehne macaina sehe payũ “¿Dohseana tana mari cahmachuna nijari?” ni masieraha. ã jia tina sañurucu namoha. Ahrie sehepũ jiina soro ni, sañurucuha. Paina cãhũ soro ni sañurucuha. ³³ ã jia judio masa sehe Alejandro wama tirirore masare yahu dutimaha. ã jiro Alejandro “Dihta mariahga”, nino to wamomaca mehne cjãtuha. “Ahrina sãre judio masare tuhtia nina”, ni tũhoturo judio masare dũcata duaro,

durucumaha. ³⁴ Wiho mejeta tiro judio masano to jichu ñaa masa jipihtina cño potori pua hora waro sañurucuha:

—Artemisa, Efeso macaina mari yacoro cohamaco tuaricoro jira —ni sañurucuha tina.

³⁵ Ti ã ni sañurucuchu ñano, Efeso macaina puhtoare yoadohoriro masare, “Dihta mariahga”, ni yahuha tinare.

—Musa Efeso macaina tuhoga. Efeso macaina tuaricoro cohamaco Artemisa ya wahu cohtaina mari jichu jipihtia yahpari macaina masina. Ñ jia manopu bora tari masare ñu wihboina mari jichu cñhure masina masa. ³⁶ Ñ jia paina “Ahri potocã jierara”, ni masierara. Ñ jina suaena tjiga musa. Noano tuhotuga musa. ³⁷ Ahrina musa ñaha taina mari cohamacore ñano ni durucuerare. Ñ yoa tina cohamana wuhusepue sãa, yacaerare. Ñ jina noano yoaga musa. ³⁸ Ñ jia Demetrio, plata dahraina mehne ahrinare musa ñahainare yahusã duaa, buhiri tiare cahnoina sehere yahusãjaro tina. ³⁹ Pari turi cahmachuna noano mehne cahmachuga. Musa yoariro sehe yoaena tjiga. ⁴⁰ Michare musa sua, sañurucurire mari puhtoa tuhoa, “Marine cohãa nica”, ni tuhotuahca tina. Ñ jina musa ni sañurucurire tinare noano poto yahu masieraja mari —niha puhtoare yoadohoriro masare.

⁴¹ Ñ ni yahu tuhsu, “Tó puro tjira. Wahaga”, niha tiro masare.

20

Macedonia yahparu cñhure, Grecia yahparu cñhure Paulo suha

¹ Ti ã wahari baharo, Paulo sehe Jesu yainare pji cahmachu yahu quihõha. Yahu quihõ tuhsu, tinare wahchechu yoa, tinare coha sitiha. Coha siti tuhsu, Macedonia yahpamu wahaa wahaha. ² Tõpu su buhe, tí yahpai jia macari macainare Jesu yainare wahchechu yoaha tiro. Tinare buhe tuhsu, Grecia yahpamu suha tiro. ³ Tói tiro tia sũ waro jiha. Tói jirucuma, Siria yahpamu pahãa waha duamaha. Wiho mejeta judio masa cohtamaha tirore ñaha duaa. Ñ jiro Paulo pa mahamu, Macedoniapamu wahari mahapamu mananoputa majare tjuaa wahaha tjoa.

⁴ Ñ waharo Asiaputa suha. Tói Berea macariro Sópatro wama tiroiro Pirro macano Paulore piti ti wahcãha. Ñ yoa Tesalónica macaina Aristarco, Segundo cãhu tirore piti ti wahcãha. Tuhsu, Derbe macariro Gayo wama tiroiro Timoteo cãhu tiro mehne wahaha. Asia macaina Tíquico, Trófimo cãhu Asiapamu tirore piti ti wahcãha. ⁵ Tiro mehne macaina to pano waha, Tróade wama tiri macapamu tirore cohtari jire. ⁶ Ti ã cohtachu bucuaerari pãore ti chãa bõse namari baharo sã sehe Filipoi jiina dohoria mehne waha, cinco dachori pahã, Tróadepamu sã tinare mu sui. Siete dachori waro jii tõpore.

Tróadepu Paulo tinino wahaha

⁷ Domingo jichu Jesu yaina cahmachu pãore duhu payore Santa Cena yoaa taa. Ti ã yoahito pano Paulo tinare buhere. Ñ yoaro Paulo pa dachoi wahahtiro jiro yoari pja tiro buhere. Ñami dacho macapamu buhe duhuro taro nimare. ⁸ Ñ jina

m̄ano macari tahtiai paȳu poca sih̄aa poca jiri tahtiai cahmachui s̄a. ⁹ Paulore to t̄horo watoi, c̄airo wahm̄ano Eutico wama tiri mahari sopaca cahai m̄ja pja dujire. Duj̄i, Paulo tinare yoari pja to buhe namoch̄u wahm̄anore w̄jo tare. W̄jo ta, tiro car̄i m̄a, tia casario buip̄u dujiriro majare boraahare. Boraahare, yaria ȳhd̄a wahare. To yari baharo tina tirore yariariro cjirop̄ure na wahc̄o dapore. ¹⁰ Ti ã yoach̄u ñ̄no Paulo dujia, wahm̄anore cj̄a suhure. To ã yoari baharo Jesu yainare õ sehe ni yahure tiro:

—Yajeripohna ñ̄aena tjiga. Yarierara ahriro. Catira —nire Paulo sehe.

¹¹⁻¹² To ã nich̄u wahm̄ano yariariro cjiro masaa wahare. To ã masach̄u ñ̄a tina wahche ȳhd̄are. ã wahchea m̄ano macari tahtiap̄u m̄ja, p̄ore duhu payore Santa Cena yoaa taa. Ti ã yoari baharo yoari pja Paulo tinare buhe namore tjoa. P̄u bohreahto panoc̄ap̄u tinare buhe duhure. To buhe tuhs̄ch̄u wahaahai s̄a.

Paulo Tróadep̄u jiriro waha, Miletop̄u s̄ha

¹³ Paulo pano dohoria mehne Asõp̄u s̄a sehe s̄u m̄htai. Paulo sehe mahap̄u waha duare. Paulo to niriro seheta Asõp̄u tirore s̄a piti bocai. ¹⁴ Tirore s̄a piti bocach̄u, s̄a mehne tiro samure dohoriap̄u. Tia mehne waha, Mitilenep̄u s̄a s̄u. ¹⁵ Tóp̄ure s̄u ȳhd̄a pa dachoi Quío wama tiri n̄core ȳhd̄ai s̄a. Pa dachoi Samop̄u s̄u s̄a. Pa n̄m̄u sehene Miletop̄u s̄u s̄a. ¹⁶ Paulo Pentecoste dacho waroi Jerusalēp̄u s̄u duare. ã jiro Asia yahpap̄u yoari pja ji duaerare. ã jiro Efesore poto ȳhd̄a, Miletop̄u wah̄a s̄u s̄a.

Paulo Efeso macainare Jesu yainare p̄h̄toare yahuha

¹⁷ ã jiro Paulo Miletop̄ jiro, Efeso macainare Jesu yaina p̄h̄toare p̄jirocare tiro. ¹⁸ ã to p̄jirocari baharo tina Paulo cahap̄ wihire. Ti wihich̄ ñ̄no tinare Paulo õ sehe ni yahure:

—Asiap̄ coã wihich̄ m̄sa mehne ȳ yoarire masina m̄sa. ¹⁹ M̄sa mehne jic̄ ne soro nino marieno Jesu, mari p̄h̄toro yare yoaa tii ȳh̄. ã yoac̄ m̄sare p̄ja ñ̄i. “M̄sare ȳhd̄ur̄caja”, nierahi ȳh̄. Judio masa ȳh̄re ñ̄no ti yoapach̄ta Cohamac̄ yare yoaa tii ȳh̄. ²⁰ M̄sa noano wahahtore cahmac̄ m̄sare buhe pah̄ñocai ȳh̄. Masa ti ñ̄rocaroi, ã yoa m̄sa w̄h̄usep̄ c̄h̄re buhei ȳh̄. ²¹ ã yoa judio masare, judio masa jieraina c̄h̄re c̄no potori buhei ȳh̄. “M̄sa ñ̄aa yoari buhiri tiare masi, Cohamac̄ mehne tjuaahga. ã yoa Jesu mari p̄h̄torore wac̄ tuaga”, ni yahui ȳh̄. ²² ã yoa mip̄re Esp̄ritu Santo to dutiriro seheta Jerusal̄p̄ wahi nija. Ȳh̄ t̄op̄ wahac̄ ȳ dohse wahahtore masieraja ȳh̄. ²³ Esp̄ritu Santo to yahuri dihtare masija. Õ sehe nihre Esp̄ritu Santo ȳh̄re: “Nohoi m̄ sua macarip̄ep̄ m̄h̄ ñ̄no ȳhd̄ūh̄ca. ã jia m̄h̄re peresu yoaaahca”, nihre Esp̄ritu Santo ȳh̄re. ²⁴ To ã nipach̄ta noaa buheare, Cohamac̄ masare to cah̄a buheare yahuhtiro cjihto jija. Jesu mari p̄h̄toro to yoa dutirire yoa pah̄no duaja. Ahrire yoariro jic̄, ȳ yariahtore cuieraja ȳh̄.

²⁵ M̄sa mehne jic̄ p̄h̄toro Cohamac̄ to saho jiare yahua tii ȳh̄ m̄sare. Mip̄re ne m̄sare

pari turi ñusi yuhũ. Ahrire masija yuhũ. ²⁶⁻²⁷ Ñ masicũ michare ahrire yahuja m̄sare. Jipihtia Cohamacũ yare yahui yuhũ m̄sare. Ñ jiro jipihina m̄sa mehne macaina Cohamacũ yare cahmaeraina ti jichũ ya buhiri jierara. ²⁸⁻²⁹ M̄sa basi noano yoaga. Ñ jina Jesu yainare Espiritu Santo m̄sare to ñũ wihbo dutiinare ñũ wihboga. Ovejare ñũ wihboina ovejare ti ñũ wihboro seheta Jesu yaina c̄hũre ñũ wihboga m̄sa. Cohamacũ macũno to yariaro to di cohãno mehne Cohamacũ tinare to yaina cjihti yoare. Yũ õre wahari baharo paina ñaina sehe yairo ovejare to chũ cohãno seheta Jesu yare m̄sa yoaborire dojomehneahca. Ñ jina Jesu yainare noano ñũ wihboga. ³⁰ Baharopũre paina m̄sa mehne macaina sehe Jesu yainare mahño, paye buheare tũho dutiahca. Ti ã dutichũ tina tũhohto cua yũhdũara. ³¹ Ñ jina noano yoaga m̄sa. Tia c̄hma waro dachoripe, ñaminipe pja ñũa mehne buhei yuhũ m̄sa jipihtinare. Tíre noano wacũga m̄sa.

³² 'Mipũre yũ wahari baharo, Cohamacũ m̄sare ñũ wihborohca. Masare to cahĩa buheare m̄sa basi cahma buhena, noano jinahca m̄sa. Cohamacũ to buhea mehne m̄sare wacũ tua namochũ yoarohca. Baharopũre to yainare “Noano yoaitja”, to niriro seheta m̄sa c̄hũre noano yoarohca. ³³ M̄sa niñerure, m̄sa suhti c̄hũre “Yũhũre waga”, nierahi m̄sare. ³⁴ Yũ basi dahra wapatai yũ ya cjihtire. Ñ yoa yũ cahmaare, yuhũ mehne macaina ti cahmaa c̄hũre yũ dahraa wapatari mehne nahi. Yũ ã yoarire masina m̄sa. ³⁵ Mari õ sehe tuaro dahrana paye baro

cjuaerainare yoadohoro cahmana marine. Ahrire m̄sare yoa ñoi yuh̄. Jesu mari p̄htoro to niri c̄jire wacũga m̄sa. “To wach̄ ñahariro yuh̄doro wariro sehe wahchera”, niri jire Jesu to basi —ni yahure Paulo Jesu yainare.

³⁶ ã ni batoa Paulo tina mehne na tuhcuca caha s̄, Cohamac̄re sinire. ³⁷ To ã sini batoach̄ tina jipihtina Paulore c̄jã suhsu, wahsupu wihmi, ti-ihre. ³⁸ “M̄sare pari turi ñ̄si yuh̄”, pano to nich̄ tuh̄oa tuaro cahyare tina. ã jia tirore tju n̄n̄ ti buhare p̄ pitamahap̄. Tórp̄ s̄re ñ̄ n̄n̄ tire s̄ wahach̄.

21

Paulo Jerusalēp̄ pari turi wahaha

¹ Jesu yainare “Wahana nija” ni, dohoria mehne Cos wama tiri n̄cop̄ poto waha, pahã s̄i s̄. Pa dachop̄ Roda wama tiri n̄cop̄ pahã s̄, yuh̄d̄a, Pátara wama tiri macap̄ s̄i s̄. ² Pátarai jina, Feniciap̄ wahahtiare, dohoriare bocai s̄. ã jina tia mehne wahi s̄. ³ ã wahana Chipre wama tiri n̄core poto ñ̄ yuh̄d̄ai s̄. Cõ buh̄sehe sehe jire tí n̄co. Tí n̄core yuh̄d̄a, Siria wama tiri yahpap̄ s̄i s̄. ã jina dohoria macaa pachere dohoria macariro Tiro wama tiri macai to dure moch̄, tói pahsasini. ⁴ Tói Jesu yainare ñ̄na, siete dachori waro tjuasini s̄ tí macai. ã jia tó macaina Jesu yainare Espíritu Santo to yahuriro seheta tina Paulore Jerusalēp̄ waha dutieramare. ⁵ Ti ã nipach̄ta tí macare siete dachori s̄ jiri baharo, wahi s̄. S̄ wahahto panocã jipihtina Jesu yaina, ti namosãnumia mehne, ti pohna mehne, tí maca

duhtu cahai sãre ñu tjuaa wahare. ã jina jipihtina sã paduroi su, na tuhcuca caha su Cohamacure sinii. ⁶ Sã ã siniri baharo, “Wahana nija” ni, tinare cã suhsu batoa, wahai sã. Sã wahachu ñu nuñu ti, tina sehe majare majaa wahare ti ya wuhusepu.

⁷ Tiro wama tiri macai jiina wahana Tolemaidapu wahã sui sã. Tóihita pjiri mare waha batoai sã. Tí macai su, Jesu yainare “Coyea, ¿jijimajari?” ni, cã dacho sã tina mehne jisinii. ⁸ ã yoa pa dachoi tjoa Cesarea wama tiri macapu sui sã. Tópu su, noaa buheare yahuriro Felipe wama tiriro ya wuhupu sui. ã jina tiro mehne tjuai sã. Felipe Jesu yaina ti siete beseina mehne macariro jire. ⁹ Tuhsu, tiro pititiaro numia puçuro jire. Tí numia sehe Cohamacu yare yahua numia jire. Nuhmia jire. ¹⁰ Tópu sã mahaa dachoricã sã jiri baharo, Agabo wama tiriro Cohamacu yare yahu turiariro Judeapu jiriro sãre ñuno wihire. ¹¹ ã wihiro tiro Paulo ya dare tuã dihori dare na, to basi to dahporire, to wamomacarine duhte cayo õ sehe ni yahure:

—Õ sehe nire Espíritu Santo: “Ahri dare çuariro Jerusalẽpu to suçhu, judio masa ãta duhteahca tirore. Duhte tuhsu, judio masa jierainare waahca tina tirore”, nire Espíritu Santo —ni yahure Agabo.

¹² To ã nichu tuhona, sã Cesarea macaina mehne Paulore tuaro cahã sã. Tirore Jerusalẽpu waha dutieramai. ¹³ Sã ã nichu Paulo sehe õ sehe ni yahure:

—¿Dohse ni tiina nijari musa? Yuhu sehere cahyachu yoaca musa. Tina yuhure peresu ti yoachu noanohca. Yuhu Jerusalẽpu Jesu mari puhtoro

yare y_u yoari buhiri y_u yariach_u noanohca —nire Paulo sãre.

¹⁴“Wahaeraja”, to nich_u t_uho duana nimai sã. To “Wahaihtja” to nich_u, ã t_uhotunocahi sã. Õ sehe nii:

—Mari p_uhtoro to cahmano seheta yoajaro —nii sã.

¹⁵Tíre s_uh_udu batoa, sã yare cahno, wahaa wahai sã Jerusalēp_u wahana. ¹⁶Tóp_u sã wahach_u mahainacã Cesarea macaina Jesu yaina sehe sã mehne wahare. ã yoa tina mehne macariro Chipre macariro Mnasõ wama tiriro ya w_uh_up_u s_ui sã. Tiro yoari pja Jesu buheriro jire. ã jiro to ya w_uh_u sã carĩhti w_uh_u jire. Tí w_uh_ui sã carĩni baharo, Jerusalēp_u s_ui sã.

Paulo Santiagore ñ_uno wahaha

¹⁷Jerusalēp_u sã s_uch_u, tó macaina Jesu yaina sehe “¿Wihimajari?” ni, wahchea mehne piti bocare sãre. ¹⁸Pa n_um_ui Paulo sã mehne Santiagore ñ_uno s_ure. Sã tóp_u s_uch_u tói jipihtina Jesu yaina p_uhtoa jire. ¹⁹Tói ti jich_u ñ_uno Paulo tinare to wamomaca ñahari baharo judio masa jierainare to buherire yahu pahñore Jesu yainare. Cohamac_u to yoad-ohoa mehne to yoarire yahu pahñore. ²⁰To ã ni yahuch_u t_uhoa, “Cohamac_u noariro, tuariro jira”, ni ño payore tina sehe. ã ni tuhs_u tina Paulore õ sehe ni yahure:

—Coyeiro, mip_ure pay_u judio masa Jesure wacũ tuaina jira. Tíre masina m_uh_u. ã jia tina õ sehe ni t_uhotura: “Cohamac_u to dutiare, Moise cjirop_u marine to cūrire marine yoa pahñono cahmana”, nia nina. ²¹Õ sehe ni namona tina.

“Pa sehempu jiiinare judio masa jieraina watoi jiiinare judio masare Cohamacu Moise cjirore to cūri cjirore cohã dutiha Paulo”, nimare õ macaina judio masa mũhũre. “Paulo judio masa pohnare mahari cahsarocãre yihso na dutierara”, nimare mũhũre tina. “Judio masa ti yoaa tiare Paulo duhu dutira”, ni ahri cũhũre ni yahuwajara mũhũre.

²² ã jia mũ õre wihichu tũhoa tina cahmachuahca mũhũre tuhtia taa. ã jicu õ sehe yoaro cahmana mũhũre. ²³ Mũhũre sã dutiro seheta yoaga. Mipũre õre pititiaro mũa Cohamacure wacũina “Õ sehe yoanahtja”, niina jira. ²⁴ Tina mehne wahaga. ã jia Cohamacu Moise cjirore to dutihiro seheta ti basi Cohamacu yare yoaa taa ti dutiare yũhdũũcaare cosaa nina. Mũhu cũhu ãta yoaga. ã yoacu ti ã yohti wapare wapaga mũhu sehe. Mũ ã wapari baharo ti pjoarire wũha duti masina tina. Mũ ã yoachu ñũa masa mũhũre ti nia mahñori jichu masiahca jipihtina. Cohamacu Moise cjirore to cūri dutiare yoariro mũ jichu masiahca tina.

²⁵ Wiho mejeta judio masa jieraina Jesu yaina sehere sã joari pũre waroca tuhsũi. Õ sehe ni, joai sã. “ ‘Cohamacu jira’, ti nia masurine ño payo ti duhu payoa chũare, dire, wamũa ti ñaha wajãinare wahiquinare chũena tjiga mũsa. ã jina numia mehne ñano yoaena tjiga. Numia cũhu mũa mehne ñano yoaena tjiga”, ni yahu joahi sã joari pũpũre — nire tina Paulore.

Cohamacu wũhũpũ judio masa Paulore ñahaha

²⁶ Ti ã ni durucuri baharo pa dacho Paulo sehe pititiaro mũa mehne ti basi Cohamacu yare

yoaa taa ti dutiare yuhdurucaare cosaa taa, Cohamacu wuhuru sãa wahaha. Tí wuhuru sãa saro, tinare yahuha Paulo: “Õpe dachori dũsara masa cosahto”, ni yahuha tiro pititiarore. ã jia ti cosa batoari dachoi tina cãina Cohamacure wahiquinare ti wahti dacho jire.

²⁷ ã yoa ti cosa pahñoboriro mahanocã dũsachu waro Cohamacu wuhuru Paulo to jichu Asia yahpa macaina judio masa sehe ñaha tirore. ã ñaha Paulore quití dojomehne, tí wuhuru jiina jipihinare tiro mehne suachu yoaha tina. ã suaa judio masa Paulore ñaha, ²⁸ õ sehe ni sañurucuha:

—Musa sã coyeyã Israe masa sãre yoadohona taga. Ahriro jira marine dojomehneriro. Ahriro Cohamacu Moise cjirore to cũri dutiare ahri wuhuru cũhure “Wiho jia jira”, ni buhe sito tara jipihinare. ã yoa tiro Cohamacu wuhure judio masa jieraina cũhure na sãare. ã yoaro ahri wuhure ñaa marieni wuhure tiro dojomehneri — ni sañurucuha judio masa Asia yahpa macaina tó macainare.

²⁹ Tó pano Jerusalẽi Paulo Trófimo wama tiriro mehne to jichu judio masa ñaha tiha. Trófimo sehe Efeso macariro judio masuno jierariro jire. To ã jichu masia õ sehe ni tũhotuha tina: “Paulo Trófimore Cohamacu wuhure na sãano nica”, ni tũhotumaha judio masa.

³⁰ Masare ã ni yahu ti sañurucuri baharo tí maca macaina payu tuaro suaha. Payu muroca ta, Cohamacu wuhuri jirirore Paulore ñaha waja wijaa wahaha. ã wijaa tuhsu, tí wuhuru sopacarire bihaha tina. ³¹ ã yoaa tina tirore wajãa taa nimaha.

Ti ã yoachũ ñũa paina sehe “Jipihtina Jerusalẽ macaina sua, sañurucua nire”, ni yahua wahaha surara pũtorore. ³² Ti ã nichũ tũhoro surara pũtoro sehe to surarare, ti dutiina cũhare cah-machuroca, tina mehne Paulore wajã duaina cahapũ mũroca wahcã, sũha. Surara ti sũchũ ñũa Paulore cjãmaina cjã duhunocaha. ³³ ã jiro surara pũtoro Paulo cahapũ sũ, tirore ñaha, pũ da comaa dari mehne tirore dũhte dutiha. Ti dũhte tuhsũchũ ñũ, surara pũtoro Paulore cjãmainare sinitu ñũaha:

—¿Diro baro jijari ahriro? ¿Yaba buhiri tirore ã yoari mũsa? —ni sinitu ñũaha tiro tinare.

³⁴ To ã sinituchũ tũhoa masa sehe “Õ sehe yoare tiro” ni, paina cũhũ soro ni sañurucu, yahuha surara pũtorore. ã ni ti sañurucuchũ surara pũtoro noano tũhoeraha. ã jiro tiro surara ya wũhũpũ Paulore naa dutiha. ³⁵ Tí wũhũpũ sũ, Paulo mũjari escadai to mũjano cahachũ masa sehe tirore cjã duaa nimaha. Ti ã yoachũ surara sehe tirore na wũa, na mũjaa wahaha. ³⁶ Masa tinare payũ nũnũ ti, sañũ nũnũ tihaa:

—Tirore wajãnocahga —ni sañurucuha tina Paulore.

Paulo “Ne masare ñano yoaeraja yũhũ”, ni yahuha

³⁷ ã yoa Paulore tí wũhũpũ ti peresu yoahito pano, Paulo sehe surara pũtorore õ sehe ni siniha:

—Yũhũ mũhũ mehne sũhũdu duaja —ni siniha Paulo.

—¿Muhu griego masa yare durucujari? ³⁸ ¿Sohõ jiriro, Egipto macariro jierajari muhu? Tiro masare ti puhtoare cohã dutiro, cuatro mil puhtoare cohã duaina sehere masa marienopu naari jire. ¿Tiro jierajari muhu? —niha surara puhtoro Paulore.

³⁹ To ã nichu tuhoro Paulo õ sehe ni yuhtiha:

—Tiro jieraja yuhu. Judio masuno jija. Tarsoi Cilicia yahpai jiri macai masa bajuai yuhu. Wiho jiri maca macariro jieraja yuhu. Yuhu ahrina masa mehne durucu duaja yuhu —niha Paulo tirore.

⁴⁰ To ã nichu tuhoro surara puhtoro sehe tirore durucu dutiha masa mehne. ã jiro Paulo mujari escadai ducuro to wamomacari mehne “Dihta mariaha”, niha masare. To ã yoachu ñha, dihta mariea pihia wahaha. Ti dihta marieachu ñh, Paulo judio masa ya mehne yahuha tinare.

22

¹ —Yu coyea, yu yoarire yahuihtja masare. Yu yahuchu tuhoga masa —niha Paulo.

² To ã nichu Paulo judio masa ya mehne to durucuchu tuhoa masa sehe dihta marieina tjuaha. ã jiro Paulo tinare õ sehe ni yahuha:

³ —Yuhu judio masunota jija. Tarso wama tiri macai, Cilicia yahpai jiri macai masa bajuai yuhu. Wiho mejeta ahri maca Jerusalëihta bucuai yuhu. Tuhsu, yuhure Gamalie wama tiriro buhea tire. ã jicu yuhu mari ñuchusuma cjiri dutiare noano buhei. Mipure Cohamacure masa yoaro seheta yuhu cuhu ño payoa timai. ⁴ ã jicu Jesu yainare ñano yoaa ticuru yuhu. Cãina tinare wajãa ticuru yuhu. Mhare, numia cuhure ñaha, peresu yoaa tii

yuhũ. ⁵ Sacerdotea bui pũhtoro, judio masa bũcũna mehne yũ tuahti pũri cjihtire Jesu yainare ñaha dutia pũrine yũhũre joabasare. Mari coyeare Damasco macainare tí pũrine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusalẽpũ tinare na ta duamai buhiri dahrei tai. Õ sehe yũ nichũ sacerdotea bui pũhtoro, judio masa bũcũna cũhũ noano masina —ni yahuha Paulo.

*Paulo Jesu yairo to waha dũcarire yahuha
(Hch 9.1-19; 26.12-18)*

⁶ ã ni tuhsũ õ sehe ni yahu namoha:

—ã yoa cohari pja jichũ, Damascopũ yũ sũi cahachũ waro mũanopũ wacũenoca si siteroca boroa tire yũhũre. ⁷ To ã si siteroca borochũta yũhũ yahpũpũ bora caha sũai yũhũ. Yũ bora caha sũri baharo durucuro coa tare yũhũre. “Saulo, Saulo ¿dohseacũ yũhũre ñano yoajari?” ni durucuro coa tare yũhũre. ⁸ “Pũhtoro, ¿diro baro jijari mũhũ?” ni sinitui yũhũ. “Yũhũ Jesu Nazare macariro, mũ ñano yoariro jija yũhũ”, ni yũhtire yũhũre tiro. ⁹ Yũ ã wahachũ yũhũ mehne macaina buhriarore ñhũre. Wiho mejeta yũhũ mehne to durucuchũ tũhoerare tina. ¹⁰ “Pũhtoro, ¿dohse yoaihcarĩ yũhũ?” ni sinitui Jesure. “Wahcãrũcaga. Damascopũ wahaga. Tói mũ wahachũ, mũhũre jipihtia yũ yoa dutihtire paio yahurohca mũhũre”, nire tiro yũhũre. ¹¹ Tuaro to minoa siterocachũ, yũ capari wapoahware yũhũre. ã jia, yũhũ mehne macaina yũ wamomacare ñaha, Damascopũ tũã wahcãre yũhũre.

¹² Tói Anania wama tiriro, Cohamacũre ño payoriro, marine Cohamacũ dutiare yoa pahñoriro

jire. Tó macaina judio masa jipihtina ti ño payoriro jire. ¹³ Ñã jiro tiro yu cahai wihi taruca yuhure yahure. “Coyeiro Saulo, ñuga pari turi tjoa”, nire tiro. To ã niri baharo pari turi ñai yuhu. Ñã ñu ducacu tirore ñai yuhu. ¹⁴ Yu ã ñuchu tiro Anania yuhure yahure: “Cohamacu to cahmaare noano masihtirore panopu bese tuhsuyuti mähure. Ñã jiro ‘Yu macu noarirore ñu, tãhorohca’, ni yahuyuti mähure Cohamacu panopu. Tiro jira mari ñuchusuma muna ti ño payoriro. ¹⁵ Ñã jicu mähü mü ñurire, mü tãhorire yahuihca mähü jipihtinare. ¹⁶ Ñã jina mipure yoari pja jiena tjijihna. Wahcãrucaga. Ñã jicu bautisariro jiga. Jesure mü sinichu mü ñaare yoari buhirire cohãnohca”, nire yuhure tiro –niha Paulo.

Paulo judio masa jierainare to buherire yahuha

¹⁷ Ñã ni tuhsu Paulo õ sehe ni yahu namoha:

—Ñã yoa tuhsu yuhü Jerusalëpu tjua ta, Cohamacu wãhupu Cohamacure sinii sui. ¹⁸ Yu tói jichu Jesu yuhure bajua tire. Ñã bajuaro yuhure yahure. “Jerusalë macaina yu yare mü yahuchu tãho duaerara. Ñã jicu cjero pa seheru wahaga”, nire Jesu yuhure. ¹⁹ To ã nichu tãhocu yahui tirore: “Puhtoro, mü yainare judio masa buhea wãhusei jiinare yu ñaha, cjãri cjirire masina Jerusalë macaina. ²⁰ Ñã jicu mähure yahurirore Estebã sehere ti wajãchu ñucü ‘Noano yoa wajãna’, nimai. Tirore ti wajãchu ti suhtire cãabasai yuhü. Tí cãhure masina ahri maca macaina. Ñã jia yu yahuchu tãhoboca yuhure”, ni yahui yuhü Jesure. ²¹ Yu ã nichu tãhoro Jesu yuhure õ

sehe ni yahure: “Yoaropu judio masa jierainare buhehtirore warocaihtja mahuare. A jicu wahaga mahu”, nire yuhare ya puhtoro –niha Paulo masare.

Surara puhtoro Paulo mehne durucuha

²² To yahu mautari dihtare noano tathomaha masa. Wiho mejeta judio masa jieraina cahai Jesu Paulore to warocahtire to yahucha taho tina sañurucu dcaha tjao:

–Ahriri mipu pinihtare yariawahnojaro –ni sañurucuha tina.

²³ A jia tina sañurucu namo, sua mehne ti suhtire wahba siteruca, dihta mehne docaha. ²⁴ Surara puhtoro surara ya wuhupu Paulore na sa dutiha to surarare. A jiro surara puhtoro “¿Dohse yoa Paulo mehne sua a ñaca sañurucu nijari masa?” ni sinitu duamaha. Paulore tice sinituro taro, yuta dari mehne tjana dutimaha tirore. ²⁵ Wiho mejeta tirore ti dauteri baharo, tiro cahai jirore surara puhtorore o sehe ni yahuha Paulo:

–Yuhu Roma macariro jija. A jina “Ñano yoariro jira ahriri”, yuhare ni yahusa masierara msa. A yahusa masierana yuta dari mehne yuhare tjana masierara msa –niha Paulo tirore.

²⁶ To a nichu turo surara puhtoro, to bui puhtorore o sehe ni yahuro wahaha:

–Ahriri Roma macariro jira. A jicu noano yoaga tirore –ni yahuha tiro to puhtorore.

²⁷ To a niri baharo surara bui puhtoro sehe Paulore sinituro wahaha:

–¿Potocata mahu Roma macariro jijari? Yahuga yuhare tice –niha tiro.

—Tiro tjija yuh̄u —ni yuhtiha Paulo.

²⁸ To ã nich̄u t̄uhoro surara bui p̄htoro sehe tirore õ sehe ni yahuha:

—Yuh̄u Roma macariro ji duacu niñeru pjíro wapai —niha tiro.

—Yuh̄u Roma yahpa macari macap̄u masa bajúai. ã jic̄u Roma macariro jija —niha Paulo.

²⁹ To ã nich̄u t̄uhua tirore tjanaborina wahaa wahaha.

Ã jiro Paulo Roma macariro to jiro jich̄u masino, tirore comaa dari mehne ti d̄uhteri cjirire wacũno, cui niha surara p̄htoro sehe.

Paulo judio masa p̄htorore yahuha

³⁰ ã yoa surara p̄htoro judio masa Paulore ti yahusãrire noano masi duaha. ã masi duaro pa dachop̄u comaa darire tirore to pjã dutiri baharo, sacerdotea p̄htoare, judio masa buc̄na mehne cahmachu dutiha surara p̄htoro. To ã cahmachu dutiri baharo tiro tópu Paulore na wahcã, ti pano duhu dapoha tirore.

23

¹ ã jiro Paulo judio masa buc̄nare ñu piti boca, õ sehe ni yahuha:

—Coyea, Cohamac̄u to ñurocaroi jipihtia dachoripe noano yoarucuja yuh̄u —niha Paulo.

² To ã nich̄u t̄uhoro jipihtina sacerdotea bui p̄htoro jiro Anania sehe Paulo d̄userore cjã dutiha. ³To cahai ducuinare cjã dutiha. Tirore ti cjãri baharo Paulo Ananiare tuhtiha:

—Masa ti ñurocaro dihtare noano yoariro jira m̄h̄h̄. Masa ti baharo b̄h̄h̄sehei ñano yoa cohtariro jira m̄h̄h̄. “Cohamac̄h̄ dutiare ȳh̄d̄h̄r̄h̄caí nina”, ȳh̄h̄re nipaihta ȳh̄h̄re c̄j̄ã dutira m̄h̄h̄. Æ c̄j̄ã dutic̄h̄ m̄h̄h̄ sehe dutiare ȳh̄d̄h̄r̄h̄caí nica — niha Paulo tirore.

⁴ To ã nich̄h̄ t̄h̄hoa Paulo cahai ducuína ò sehe niha tirore:

—Cohamac̄h̄ to beseriro sacerdot̄ea bui p̄h̄torore ñano durucuí tjiga m̄h̄h̄ —niha tina Paulore.

⁵ Ti ã nich̄h̄ t̄h̄oro Paulo ò sehe ni namoha tjoa:

—Coyea, tiro to sacerdot̄ea bui p̄h̄toro to jiare masierahi ȳh̄h̄. Æ jii ã nimacanocati ȳh̄h̄. Cohamac̄h̄ yare ti joari c̄jiri ò sehe ni yahura tirore: “M̄h̄ ya maca macaina p̄h̄torore ñano ni, durucuí tjiga”, ni joaa tiha —niha Paulo tinare p̄j̄ãno.

⁶ Æ yoa tóí p̄h̄a curua macaina jiha. C̄h̄ curua saduceo curua macaina jiha. Pa curua sehe fariseo curua macaina jiha. P̄h̄a curua ti jich̄h̄ masino, Paulo judio masa b̄h̄c̄h̄nare tuaro sañurucu ò sehe ni yahuha:

—Coyea, ȳh̄h̄ fariseo curua macariro jija. Fariseo curua macariro mac̄h̄no tjija ȳh̄h̄ c̄h̄h̄. “Yariaina masa m̄j̄jaahca”, ȳh̄ ã niri buhiri ȳh̄h̄re ñano yoa duara m̄h̄sa —niha Paulo.

⁷ To ã nich̄h̄ t̄h̄hoa fariseo curua macaina, saduceo curua macaina ti basi cahma tuhtiha. Æ jia ti basi p̄h̄a curua tju waha. ⁸ Saduceo curua macaina ò sehe niina jiha: “Yariaina masa m̄j̄jasi. Espiritua, anjoa c̄h̄h̄ ne mariahna”, niina jiha. Wiho mejeta fariseo curua macaina

sehe tina yoaro sehe nieraha. Ñ jia Paulo “Yari-
aina masa m̄jaahca” to nich̄u tina ti basi cahma
tuhtiha. ⁹ Ñ cahma tuhtia, tuaro sañurucuha. Ñ
yoa fariseo curua mehne macaina judio masa
buheina wahc̄ar̄uca, tuhti, ò sehe ni yahuha:

—Ahriro Paulo ñano yoerare. Ñ jiro espíritu o
anjo, potocã tiro mehne durucuriro jiboca. [Ñ jina
ahriroro buhiri dahrena, Cohamac̄ure ñu tuhtiina
jiboca mari. Ñ yoaina jiena tjiga m̄sa] —niha tina.

¹⁰ Ti ã niri baharo, tina jipihina cahma tuhti,
tuaro suaha. “Ti basi cahma sua sayo, tirore
wajãboca”, ni cuisãaha surara p̄htoro sehe. Ñ
jira Paulore, masa watoi ducuriroro na wio, to ya
wuh̄p̄u na ta dutiro warocaha to surarare.

¹¹ Pa ñamih̄i p̄htoro Jesu Paulo cahai ducuro, ò
sehe ni yahuha tirore:

—Wacũ tuaga. Mip̄ure òre Jerusal̄i ȳu ya
buheare yahure m̄h̄u. Tó sehet̄a Romap̄u
c̄h̄ure yahui wahaihca m̄h̄u —niha p̄htoro
Jesu Paulore.

Judio masa Paulore wajã duamaha

¹²⁻¹³ Pa dacho bohrearoj judio masa cahmachu,
ti basi ò sehe ni cahma durucuha:

—Ò sehe yoajihna. Paulore wajãjihna. Co-
hamac̄ure ò sehe ni yahu c̄jihna. Ne mari sihnisi.
Ne ch̄si, p̄u tirore mari wajãri baharop̄u. Tirore
mari wajãerach̄u, mari sehere Cohamac̄u buhiri
dahrejaro —niha tina ti basi.

Tina cuarenta bui curero judio masa jiha. ¹⁴ Ti
ñ niri baharo tina sacerdot̄ea p̄htoare, b̄uc̄na
c̄h̄ure yahua wahaha:

—Paulore sã wajãhto pano chuare sã chueraja. “Tirore sã wajãerachũ Cohamacũ sã sehere buhiri dahrejaro”, nihi sã. ¹⁵ ã jina m̃sa, b̃cũna mehne õ sehe ni pjirocaga. “Paulore pari turi sinitu duaja”, niga surara bui p̃htorore. M̃sa ã niri baharo surara bui p̃htorore na ta dutiga Paulore. Wiho mejeta Paulo to õre to wihiro cahachũ waro tirore wajãnahca sã —niha tina sacerdotea p̃htoare.

¹⁶ Wiho mejeta Paulo p̃jacamacũno ti ã ni durucuchũ t̃hoha. Ti ã nichũ t̃horo waha, surara ya w̃h̃p̃ Paulore yahuro sãaha. ¹⁷ To ã yahuri baharo Paulo sehe c̃iro surarare pjiroca, õ sehe ni yahuha tirore:

—Ahiro wam̃nore p̃htoro cahapũ naahga. Ahiro m̃ p̃htorore yahu duaro nina —niha Paulo.

¹⁸ To ã nichũ t̃horo surara sehe Paulo p̃jacamacũnore to p̃htoro cahapũ na s̃, õ sehe ni yahuha:

—Peresupũ jiro Paulo sehe ỹh̃are pjiroca, ahiro wam̃nore m̃ cahapũ naa dutihre. Ahiro m̃h̃are yahuro taro nihre —niha surara to p̃htorore.

¹⁹ To ã nichũ t̃horo p̃htoro sehe wam̃no to wamomacare ñaha t̃ã wahcã, masa marienopũ tirore sinitu ñaha:

—¿Dohse nii tai niri m̃h̃ ỹh̃are? —niha tiro Paulo p̃jacamacũnore.

²⁰ To ã sinituchũ t̃horo õ sehe ni yahuha:

—Judio masa c̃no potori, “Õ sehe yoajihna” ni, ñamichapũ judio masa b̃cũna cahapũ m̃h̃are Paulore naa dutiahca. “B̃cũna Paulore pari turi

sinitu duara”, ni mahñoahca. ²¹ Wiho mejeta cuarenta bui curero mña tirore wajã duaina bucua caha duara. Tina tirore ti wajãhto pano chũare chũsi. ã yoa sihnisi. “Tirore mari wajãerachũ, Cohamacũ mari sehere buhiri dahrejaro”, nire tina ti basi. ã jia mipũ mũhare Paulore na ta dutia tina sehe duhti cohta tuhsũhre, Paulore wajãa taa. ã jicũ ti yahua wihichũ tinare yũhtii tjiga mũhũ –ni yahuha wahmũno surara pũhtoro.

²² To ã nichũ tũhoro surara pũhtoro õ sehe niha: –Yũhare mũ yahurire painare yahui tjiga –ni yahuha wahmũnore.

ã ni tuhsũ wahmũnore “Wahaga”, niha tiro.

Paulore pũhtoro Feli wama tiroro cahapũ warocaha

²³ ã ni tuhsũ, surara pũhtoro pũaro to surarare pji wahcã, tinare õ sehe ni dutiha:

–Dos cientos surarare, setenta cawaloa bui pisainare, dos cientos doca yucũ cjuaina mehne ti yare cahno dutina wahaga. Micha ñami nueve jichũ Cesareapũ wahanahca mũsa.

²⁴ Paulore cawaloare to pisahtinare cahnobasaga. Cesareapũ pũhtoro Feli cahapũ, noano ñũ nũnũ soga tirore –niha surara pũhtoro.

²⁵ ã ni tuhsũ papera joaro, õ sehe ni joaha tiro:

²⁶ “Yũhũ Claudio Lisia mũhare tuariro pũhtoro Felire noa dutija. ²⁷ Judio masa ahriro Paulore ñaha, wajãmare. ã jicũ tiro Roma macariro to jichũ masicũ, yũ surara mehne tirore yoadohoi sũhi. ²⁸ ã jicũ tirore ti yahusãrire masi duacũ judio masa bucũna cahai nahi tirore. ²⁹ ã jicũ tiro judio masa

ya dutia dihtare to yuħduꝛucachũ mari ya dutiare to yuħduꝛucaerachũ ñũcũ, tirore peresupũ cũ du-aerahi. Yaba buhiri yariaro mariaħna tirore. ³⁰ Ā jiro judio masa tirore wajã dua, ti buꝛcũ cahachũ tuħoro paio yahure yuħũre. To ã yahuri baharo Paulore mipũre mũ cahapũ warocai nija. Ā jicũ tirore yahusãrinare to ñaa yoarire muħũre yahu duti tuhsũhi yuħũ”, ni joaha surara puħtoro.

³¹ Ā yoa surara ti puħtoro to dutiriro seheta yoaha. Tí ñamine Antipatri wama tiri macapũ Paulore na sũha. ³² Pa dachoi paina surara cawaloa bui pisaeraina tí macai tjuã taha ti ya macapũ. Paina surara cawaloa bui pisaina dihta tirore na yuħduũ wahcãħa. ³³ Pu Cesareapũ na sũha Paulore. Ā jia surara puħtoro to warocari pũre puħtoro Felire waha. Ā jia Paulore na sũha puħtoro cahapũ. ³⁴ Ti ã wari baharo puħtoro tí pũre to ñũri baharo tiro painare sinitu ñũħa:

—¿Di yahpa macariro jijari ahriro Paulo? —ni sinitu ñũħa tiro.

—Cilicia yahpa macariro jira —ni yahuha tirore.

³⁵ Tinare sinitu tuhsũ, Feli Paulore õ sehe ni yahuha:

—Muħũre yahusãrina õre ti wihichũ mũ yahuchũ tuħoihtja —niħa Feli Paulore.

To ã niri baharo Herode ya wuħũpũ tirore cũħa. Ā jiro to muħare tirore coħta dutiħa puħtoro.

24

Paulo “Ñano yoerahi yuħũ”, ni yahuha Felire

¹ Cinco dachori baharo, Anania sacerdotea bui p̄h̄toro, paina judio masa buc̄na, dutiare mih-niro Tértulo wama tirore mehne Cesareap̄ s̄ha. ã jia tina Paulore yahusã dua, p̄h̄toro Feli cahap̄ s̄ha. ² ã jiro Paulore tó̄p̄re ti na s̄ri baharo Tértulo tirore yahusã d̄caha. ã yahusã d̄caro õ sehe ni yahusãha Felire:

—M̄h̄ noano masiro, sã p̄h̄toro m̄ noano dutich̄ sã ahri yahpa macaina noano jinocaja sã cahmacheno marieno. M̄ dutia mehne noaa sehere cohtotaro nina ahri yahpa. ³ ã jina sã noano jinocahna wahcheja. ã jina m̄h̄ mehne noano wahcheja. ⁴ Mip̄re mahanocã m̄h̄re caribohtja ȳh̄. Mahanocã m̄h̄ mehne s̄h̄du duaja. Sãre t̄horocasinia m̄h̄. ⁵ Ahriro sãre caribobiara. Jipihtia yahpari macainare judio masare ti sua sañurucuch̄ yoara ahriro. ã jiro masa ti basi cahma tuhtich̄ yoara ahriro. ã jiro nazareno wama tiri curua p̄h̄toro jira. ⁶ ã jina Cohamac̄ w̄h̄re ñano to yoa duach̄ ñ̄na sã ñahahi ahrirore. [Sã ñahari baharo sã ya dutiare to ȳhd̄r̄cariro jich̄ tirore buhiri dahre duamahi sã. ⁷ Wiho mejeta surara p̄h̄toro Lisia wama tirore tirore sãre tuaro mehne manocahre. ⁸ Baharo tirore yahus̄rinare m̄ cahap̄ waha dutihre Lisia. To ã nich̄ t̄hona tahi sã.] M̄h̄ pinihta ahrirore sinituc̄, jipihtiare to ya buhirire masic̄hca m̄h̄ —niha Tértulo Felire.

⁹ To ã niri baharo paina judio masa “Tértulo to niriro sehetã potocã tjira”, niha tina c̄h̄. ¹⁰ Ti ã ni yahus̄ri baharo p̄h̄toro Feli Paulore yahu dutiha. Õ sehe ni yahuha Paulo:

—Payu cūhmari ahri yahpa macainare mu dutirire masija yūhu. ã jicu yu yoarire mūhure yahucu wahcheja. ¹¹ Doce dachorita wahara Jerusalēru Cohamacure yu ño payori baharo. Mūhu ahri potocā ti jichu masi duacu painare sinitu ñuga. ¹² Judio masa yūhure Cohamacu wūhūpūre boca ti ñahachu masare ñano ni sañurucui nierahi. ã yoa masare sua sañurucuchū yoai nierahi. ã yoacu judio masa buhea wūhūse, ti ya maca cūhure ne ti nino sehe ñano yoerahi. ¹³ ã jia yūhure yahusārina sehe ti yahusāri cjirire “Õ sehe yoare ahriro”, ni yahu masierara mūhure. ¹⁴ Mipū yu yoarire yahuihtja mūhure. Dóihita sã ñuchusuma ti ño payorirore Cohamacure ño payoja yūhu cūhu. ã jicu to yare yoaja Jesu ya noaa buhea ti nino seheta. Ahriña “Jesu ya mahñopea jira”, ni durucura ahriña judio masa. Wiho mejeta Cohamacu dutia, Moise cjiropūre to cūri cjirire tí cūhure ño payoja yūhu. Cohamacu yare yahu mūhtaina cjiri ti joari cūhure ño payoja yūhu. ¹⁵ Ahriña paina judio masa ti tūhoturo seheta Cohamacu jipihtina masare yariainare noaina, ñaina mehne ti masa mūjachū yoarohca. Yūhu cūhu āta ni tūhotuja. ¹⁶ ã jicu buhiri mariaja yūhu. Cohamacu yūhure tíre masina. ã yoa masa cūhu tíre masina. ã jii potocāta yahuja yūhu mūhure. ã jicu noano tūhotunocaja.

¹⁷⁻¹⁸ 'Paye cūhmarine pa seheru tiniriro jicu Jerusalēne tju wihi, yu coyeare judio masa pjacuoinare niñerure wai tai nihi. Tju wihi Cohamacure ño payoi tai to ya wūhūru samahi.

Ã jic_u Cohamac_u to cosa dutiro sehta y_u basi y_u y_uhd_ug_ucarire y_u cosari baharo wahiquirore wa duamahi tirore ño payoi tai. Tó_p_u y_u jich_u ahrina judio masa y_uh_ure bocahre. Ti bocach_u paina y_uh_u mehne mariahre. Sua, sañurucuina mariahre. ¹⁹ Wiho mejeta paina judio masa Asia yahpa macaina tói jihre. Tina y_u ñano yoach_u ñ_urina jia yahusãa tajaro. ²⁰ Ahrina ð_p_u jiina sehe judio masa b_uc_una mehne y_u jich_u ñ_uina y_u ñano yoarire masia, tina c_uh_u yahusãjaro. ²¹ C_unocã pinihtare y_uh_ure tina yahusã masina: Pano tina mehne jic_u ò sehe ni tuaro sañurucuhi y_uh_u: “Yariaina masa m_ujaahca’, y_u niri buhiri, buhiri dahrera m_usa”, nihi tinare –ni yahuha Paulo Felire.

²² To ã ni yahuri baharo Feli ò sehe ni yahuha Paulore:

–Mip_u tó puro tjira. Surara p_uhtoro Lisia to wihiri baharo m_uh_ure y_u yoah_utores masi_uhca y_uh_u –niha Feli Paulore.

Feli sehe Jesu yaina ti yoarire noano masi pahñoriro jiha.

²³ ã ni tuhs_u, Paulore cohtariro surarare Feli noano ñ_u n_un_u dutiha “Peresup_u jiriro duhtiri”, nino. Wiho mejeta mahanocã ware to tinihtore. Paulo mehne macainare tirore peresup_u jirirore yoadoho dutiro ã dutiha Feli.

²⁴ Mahaa dachoricã baharo Feli to namono Drusila wama tiricoro mehne ta, Paulore pjiha. Feli namono sehe judio masono jiha. Paulore ti pjiri baharo, Jesucristore to wac_u tuaare Paulo sehe yahuha tinare. ²⁵ ã yahuro quihõno yoaaere, ñaaere yoa duaparota yoaaere, pihtiri dacho

jichu Cohamacu masare to buhiri dahrehtore yahuha Paulo. To ã ni yahuchu tãhoro Feli cuiro, Paulore õ sehe ni yahuha:

—Mipure waharisa. Baharo yuhure dahraa mariachu mũhure pjihtja tjoa —niha Paulore.

²⁶ ã nino Paulo to niñeru wachu cahmamaha Feli. ã jiro tiro niñerure cahmano, payu tahari Paulore pji, tiro mehne durucua timaha Feli.

²⁷ Pua cãhma baharo Porcio Festo wama tiro pũhtoro Felire cohtotariro jiha. Wiho mejeta Feli sehe judio masare tiro mehne wahchechu yoa duaha. ã jiro pũhtoro Feli to pũhtoro wijaahito pano, tiro Paulore peresui ji dutisiniha.

25

Paulo Festore to yoarire yahuha

¹ ã yoa Festo tí yahpapu tia dacho to jiri baharo, Cesareapu jiriro waha, Jerusalẽpu suha. ² Tói to jichu sacerdotea pũhtoa, judio masa pũhtoa mehne Paulore ti yahusãrire yahuha Festore.

³ Paulo to mahapu wahachu tirore bucua caha, wajã duaa nimaha tina. ã jia tina Festore tuaro sinimaha:

—Paulore Jerusalẽpu warocaga —ni sinimaha tina Festore.

⁴ Ti ã nichu tãhoro, Festo õ sehe ni yahuha tinare:

—Mipure Paulo Cesareapu peresu jira. Yuhu tópu wahai tai nija. ⁵ Paulo to ñano yoariro jichu, msa pũhtoa Cesareapu yuhu mehne waha, tirore yahusãga —niha Festo.

⁶ ã jiro Festo ocho o diez dachori tina mehne to jiri baharo Cesareapu tjuaa wahaha. Pa dachoi

tiro buhiri tiare cahnoru wuhui dujiro, Paulore na ta dutiha. ⁷ ã jia Paulo Festo cahapu to wihichu, judio masa Jerusalẽpu tarina sehe Paulo cahai ducu, tirore tuaro mehne yahusã ducaha. ã yahusãpahta “Ahriru to ñano yoachu ñuhi”, ni yahu masieraha.

⁸ Ti ã ni yahusãri baharo Paulo to yoarire yahuha:
 –Judio masa ti dutiare, Cohamacu wuhu macaa dutiare, Roma puhtoro to dutiare yuhducaerahi –niha Paulo.

⁹ Festo sehe judio masare wahchechu yoa duaro, Paulore õ sehe ni sinituha:

–¿Jerusalẽpu waha duajari mahu? Mu yoarire yuhure tõpu yahuihca mahu –niha Festo Paulore.

¹⁰ To ã nichu tuhoro Paulo õ sehe ni yahuha:

–Jipihtina bui puhtoro César to ya wuhui buhiri tiare cahnoru wuhui jija mipure. Ahri wuhu baroi yu yoarire tuhoga. Judio masare yu ñano yoarerare noano masina mahu. ¹¹ Dutiare yuhducaro yu jichu, yuhure wajachu noaboa. Wiho mejeta ahrina ti yahusãri sehe mahñoa ti jichu yuhure yahusãrinare yuhure wiho waro wia masierara mahu. Yu yoarire jipihtina bui puhtorore Césare yahu duaja. Tiro sehe yu buhiri tiare to cahnochuh cahmaja –niha Paulo.

¹² To ã nichu tuhoro Festo sehe noano masi yahuinare sinitu tuhsu, õ sehe ni yahuha Paulore:

–Muhu jipihtina bui puhtorore mu yoarire mu yahu duachu, tiro cahapu warocanajtja sã mahure –niha Festo Paulore.

Paulo puhtoro Agripare to yoarire yahuha

¹³ Baharopu puhtoro Agripa, Berenice wama tiricoro mehne Cesareapu Festore ñua sãha.

—¿Ne, wihimari m̄h̄u c̄h̄u? —niha tina Festore piti bocasinia.

¹⁴ Tói paȳu dachori ti jiri baharo Festo ò sehe ni yahuha Agripare Paulore:

—Õre Feli to peresu yoariro jira. ¹⁵ ã jia Jerusalēp̄u ȳu wahach̄u judio masa ti sacerdotea p̄h̄toa, ti b̄uc̄na mehne ahrirore yahusāhre. “To ya buhirire wajāga tirore”, ni sinihre tina ȳh̄are. ¹⁶ Ti ã nich̄u t̄hoc̄u ȳh̄u tinare ò sehe ni yahui: “Roma macaina sehe peresu ti yoainare masare waerara. ã jic̄u tirore waeraja m̄sare. Sã ñaharirore tirore yahusārinare to ñ̄h̄to pano tirore buhiri dahre masieraja sã. To basi to yoarire to yahuerasinich̄u tirore buhiri dahre masieraja sã”, nihi tinare. ¹⁷ ã jic̄u tina òre ti wihich̄u ñ̄uc̄u yoari pja yoaerahi ȳh̄u. Wiho mejeta pa dachoi buhiri tiare cahnori w̄h̄ui dujic̄u, ti yahusārirore pjirocahi. ¹⁸ ã jia tí w̄h̄ui to wihich̄u ñ̄u tirore ñ̄u tuhtiina wahcār̄ucare. Ti ã wahcār̄ucach̄u ñ̄uc̄u “Ñabiaro ni yahusāhca”, ni t̄hotumahi ȳh̄u tinare. Tirore yahusā duapahta yahusā masierare tina. ¹⁹ Wiho mejeta ahrirore Cohamac̄u yare to yahuri buhiri judio masa tirore tuhtihre. Jesu wama tiro yariariro cjiro to masa m̄jarire to yahuri buhiri yahusāhre ahrirore. Ahri dihtare yahusāhre. ²⁰ Ahrire masierac̄u tirore noano sinitu ñ̄hi. “¿Jerusalēp̄u waha duajari ȳh̄u mehne? Tóp̄u yahuga m̄u yoarire ȳh̄are”, nimahi tirore. ²¹ Wiho mejeta tiro waha duaerare. “Ȳu yoarire jipihtina bui p̄h̄torore Césare yahu duaja”, nire tiro ȳh̄are. To ã niri baharo òihta tirore cohta dutihi jipihtina bui p̄h̄toro cahai tirore ȳu

warocahto pano —niha Festo Agripare.

²² —Y_u basi t_uho duaja tirore —niha Agripa Festore.

—Ñamichacap_u tirore t_uhoga m_uh_u —ni y_uhtiha Festo.

²³ Pa dachoi Agripa, Berenice mehne ti buhiri tiare cah_uno_uri w_uh_up_u s_u, “P_uhtoa jija s_u”, nia cua pisaro yoa ñoha tina, surara p_uhtoa, tí maca macaina p_uhtoa mehne. Tó sehe yoa s_ua tiha tí w_uh_up_u s_ua. Ti s_ua s_uri baharo Paulore p_ujirocaha Festo. ²⁴ ã jiro Festo õ sehe ni yahuha:

—P_uhtoro Agripa, m_usa jipihtina ahri w_uh_ure cahmachuina t_uhoga. Õre ahriro pay_u judio masa ti yahus_uriro jira. Jerusal_up_u, Cesareap_u c_uh_ure tina tirore yahus_uh_ure. “Tirore waj_uãga”, ã nirucua nina tina. ²⁵ Ti ã nipach_uta õ sehe t_uhotuja y_uh_u. Ahriro ne ñano yoariro jierara. ¿Yaba buhiri waj_uãbocari mari tirore? ã jic_u jipihtina bui p_uhtoro_ure César Augustore ahriro to yoarire to yahu duach_u jipihtina bui p_uhtoro cahap_u warocaihtja tirore. ²⁶⁻²⁷ ã jic_u ahriro to yoarire noano masierasini_uja y_uh_u. ã masierasinic_u mari p_uhtoro_ure yahu joa masieraja. ã jic_u m_usare to yahuch_u t_uho dutii nija mip_ure. P_uhtoro Agripa mip_u pinihtare ahriro jira m_u sinitu ñ_uhtiro. M_u sinitu ñ_u tuhs_uch_u mari masiri baharo ahriro_ure ti yahus_uri_ure noano yahu joaihtja. Ahriro to ñano yoarire y_u masierapach_uta mari p_uhtoro cahap_u tirore y_u warocach_u noaerara. ã jic_u mip_ure ti yahus_uri_ure noano masi duai nija —niha Festo tinare.

26

Paulo Agripare to yoarire yahuha

¹ To ã niri baharo Agripa Paulore õ sehe ni yahuha:

—M_u basita yahuga —niha tiro Paulore.

To ã niri baharo Paulo sehe, “Dihta mariahga”, nino to wamomacarine wahcãr_uca, to yoarire yahuha:

² —P_uhtoro Agripa, y_uh_ure judio masa ti yahusãr_ure, y_u yoarire m_uh_ure yahuc_u, mip_ure noano yajeripohna tija. ³ M_uh_u judio masa sã yoaa tiare, sã buhea cãh_ure m_u noano masich_u pinine wahcheja y_uh_u. ã jic_u m_uh_u y_uh_ure noano tãhoga —ni d_ucaha Paulo.

Paulo Jesu yairo to jihto pano to jia tirire yahuha

⁴ ã ni tuhs_uro õ sehe ni namoha tiro:

—Wahmãno y_u jia tia cjirire jipihtina judio masa masina. Jipihtia dachoripe y_u masa bajuari baharo y_u ya dihtar_ure, Jerusalẽr_u cãh_ure y_u jiri cjirire masina tina. ⁵ Fariseo curua macaina paina y_uh_uoro sã dutiare y_uh_ud_ur_uca dutieraina jira. Wahmanop_ure fariseo curua macariro jimai. ã jic_u fariseo curua macaina ti dutiare, ti yoaa barore yoa pahñoriro y_u jich_u tina masina. Tina m_uh_ure yahu duaa, tíre yahu masina tina. ⁶ Ahri buhiritã y_uh_ure yahusã m_ujana. Sã ñ_uch_us_uma cjirire “Yariainare masoihtja”, Cohamac_u to ni cãr_ure “Potocã tjira”, y_u niri buhiri ahrina y_uh_ure yahusã m_ujana. ⁷ Y_u coyea judio masa jipihtina doce curuari macaina Cohamac_u masare to masohtore wahche cohtarucura. ã yoa Cohamac_ure ño payorucura. ã cohtarucuina jia sã yoaro seheta

yoara tina. Pũhtoro Agripa, ã cãno pоторi yoaina sã jipachũta tina sehe to masohtore yũ cohtari buhiri yũhũre yahusã mũjana judio masa. ⁸ ¿Dohse yoana Cohamacũ to masorire sã yahuchũ tũho duaerajari mũsa judio masa? –ni yahuha Paulo.

Paulo Jesu yainare to ñano yoari cjirire yahuha

⁹ ã ni tuhsũ õ sehe ni yahu namoha:

–Jesure Nazare macarirore ñũerasinicũ, ñaa dihtare yoa duamai to yainare. ¹⁰ ã jicũ Jerusalẽpũ ã yoaa timai yũhũ. Sacerdotea pũhtoa yũhũre ti dutiri baharo payũ Jesu yainare peresu yoaa tii. ã jicũ pũhtoa tinare ti wajã dutichũ, wajã dutii yũhũ cũhũ. ¹¹ Payũ tahari jipihtia judio masa buhea wũhũsei Jesu yainare ñano yoa dutia tii. ã yoacũ Jesu yaina Jesure ti cohãchũ yoa duai nimai. Tina mehne tuaro suai yũhũ. ã jicũ paina masa ya macaripũ cũhũre tinare ñano yoai sũa tihi yũhũ –ni yahuha Paulo.

Paulo Jesu yairo to waharire yahuha

¹² ã ni tuhsũ õ sehe ni yahu namoha:

–Damascopũ Jesu yainare ñano yoa duacũ sũmai. Tinare ñano yũ yoa duachũ ñũa sacerdotea pũhtoa yũhũre waha dutire. ¹³ Õ sehe jire pũhtoro Agripa: Cohari pja jichũ waroi mahai yũ wahachũ mũano macaa si sitea, sũ dacho macariro yũhdoro, yũhũre yũhũ mehne wahaina cũhũre si sitere. ¹⁴ Sã jipihtina yahrapũ bora caha sũ, judio masa ya mehne yũhũre to durucuchũ tũhoi. “Saulo, Saulo, ¿dohseacũ mũhũ yũhũre ñano yoajari? Mũhũ yũhũ mehne suacũ yũhũre yũhtieracũ, mũ basi ñano yũhdũra”, nire yũhũre. ¹⁵ “Pũhtoro, ¿diro baro jijari

muhu?” ni sinitui. “Yuhu Jesu, mu ñano yoariro jija. ¹⁶ Wahcãrucaga muhu. Muhure yu cahamacuño cjihto yoai tai mipu bajuaja yuhu. Michare yuhure mu ñurire, baharo muhure yu ñohti cãhure painare yahuihca muhu. ¹⁷ Judio masare judio masa jieraina cãhure muhure buhe duticu, warocaihtja. Ti cahai mu jichu, muhure ti ñu tuhtichu muhure yoadohoihtja. ¹⁸ Yu yare tinare masichu yoaga muhu. Ñ jicu nahitianopu tiniina yoaro sehe jiinare ti ñaare duhuchu yoaga. Buhriaropu tiniina yoaro sehe noaa sehere cohtotachu yoaga tinare. Watinore cahmaerachu yoaga muhu. Ñ yoacu Cohamacu ya sehere yuhtichu yoaga muhu tinare. Mu ñ yoachu tina yuhure wacũ tuaahca. Ti ñ wacũ tuachu ñucu ti ñaa yoari buhirire boihca. Ñ jia tina Cohamacu to beserina mehne macaina jahca. To wahtire cjuhtina jahca tina”, nire Jesu yuhure —ni yahuha Paulo.

Paulo to yoarire to dahraare yahuha

¹⁹ Ñ ni tuhsu õ sehe ni yahu namoha:

—Puhtoro Agripa, muano macaa yu tuhoare yuhdurucaerahi. ²⁰ Damascoi buhe muhtai. Baharo Jerusalẽi buhei tjoa. Baharo Judea yahpai, judio masa jieraina cahapu cãhure masare “Ñaano yoaeraja sã”, ni ti tuhotumari cjirire tuhotu cohtota duti, Cohamacu yare cahma duti. “Noaare musa yoachu ñu ‘Noaina jija sã’ ni, musa tuhotumari cjirire musa tuhotu cohtotarire paina masiahca” nicu, tinare noaare yoa duticu buhei. ²¹ Cohamacu ya wuhui yu jichu yu ñ ni yahuri buhiri judio masa yuhure ñaha, wajã duamare. ²² Wiho mejeta dachoripe Cohamacu to

yoadohoro mehne ã buherucuja. Ñ jic_u mip_ure m_usa jipihtina p_uhtoare wiho jiina c_uh_ure to yare yahui nija. Panop_u macaina Cohamac_u yare yahu m_uhtaina cjiri, Moise cjiro mehne ti yahu m_uhtariro seheta yahuja y_uh_u c_uh_u. Õ sehe ni yahu m_uhtaa tiha tina: ²³“Cristo Cohamac_u warocariro sehe ñano y_uhd_urohca. Ñ jiro yariaro masa m_uja m_uhtariro waharohca tiro. Ñ jiro masare to y_uhd_uhtore judio masare, judio masa jieraina c_uh_ure masich_u yoarohca”, ni yahu m_uhta joaa tiha panop_u macaina cjiri. Y_uh_u c_uh_u ti yoaro seheta yahuja –ni yahuha Paulo Agripare.

Paulo Agripare Jesu yairo cjihto yoa duamaha

²⁴ To ã ni yahuri baharo Festo tirore tuaro sañurucu ò sehe ni durucuha:

–Paulo, m_uh_u t_uho masierariro jira. M_uh_u pay_u buhec_u t_uho masierariro wahara –ni sañurucuha tiro Paulore.

²⁵ To ã nich_u t_uhoro Paulo ò sehe ni y_uhtiha Festore:

–P_uhtoro t_uho masierariro jieraja y_uh_u. Y_u yahua potocã tjira. Ñ jic_u y_uh_u ahrire cua pisaro mehne nija. ²⁶ P_uhtoro Agripa sehe, ahri y_u yahurire noano masina. Ñ jic_u y_uh_u tirore cuiro marieno yahuja. Ahri yahuare jipihtina masa masina. Ñ jic_u jipihtia ahrire y_u nirire p_uhtoro Agripa to masich_u masija y_uh_u –niha Paulo Festore.

Ñ ni tuhs_u ò sehe niha Agripare:

²⁷ –P_uhtoro Agripa, Cohamac_u yare yahu m_uhtaina cjiri ti yahuri cjirire t_uhora m_uh_u. Ti

yahuare m_u t_uhoch_u masija y_uh_u –niha Paulo Agripare.

²⁸ –¿Ahrire y_uh_ure yahuc_u mahanocã m_u yahua mehne Jesu yairo y_u wahach_u yoa duai nijari m_uh_u? –niha Agripa Paulore.

To ã nich_u Paulo õ sehe ni y_uhtih_u:

²⁹ –Mahanocã durucuc_u o yoari pja durucuc_u m_usa, jipihtinare “Y_u jiro seheta Jesu yaina jijaro”, ni sini payoja Cohamac_ure. Wiho mejeta y_u yoaro sehe peresup_u m_usa jich_u cahmaeraja y_uh_u –niha Paulo Agripare.

³⁰⁻³¹ To ã niri baharo Agripa, Festo, Berenice jipihtina paina mehne wahcãr_uca, wijaa, ti basi õ sehe ni durucuha:

–Ahriro to yoari buhiri ne peresu yoa masieraja mari. ¿Ã jina mari yaba buhiri tirore wajãbocari? –ni durucuha tina ti basi.

³² –Ahriro “Jipihtina bui p_uhtorore Césare y_u yoarire yahu duaja”, to nierach_u mari wioboa tirore peresup_u jirirore –niha Agripa Festore.

27

Paulo tirore ti yahusãr_ure Romap_u yahuro wahaha

¹ Paulore Italiap_u dohoria mehne warocaa taa, tirore paina mehne ti peresu yoarina mehne Julio wama tirirore c_ure tina. Julio cien surara p_uhtoro jiro, to ya curua “César yaina surara”, wama tire.

² ã jina Adramitio wama tiro macaria dohoriai samui sã. Tia Asiap_u wahahtia jire. Samu tuhs_u, tia mehne wahi. Aristarco Tesalónica wama tiri maca macariro sã mehne wahare. Tesalónica Macedonia yahpai jira. ³ Pa dachoi sã Sidõp_u sui.

Tóρμ suro Julio Paulore noano yoare. ã yoaro Paulore tó mehne macaina cahapμ ñño waha dutire. ã jiro Paulo mehne macaina tirore to cahmaare ti wachμ “Noanohca”, nire Julio. ⁴ Dohoria mehne sã pahãchμ tuaro wihnono sãre pa sehepμ wãroca pjohõre. ã jina Chipre wama tiri naco dμcataroi potō bñhusehei waha sã. ⁵ Pμ Ciliciare yñhdμa, Panfilia cñhure yñhdμa, Mira wama tiri macapμ Licia yahpai jiri macapμ wahã sñi.

⁶ Tóρμ sñna, Alejandriapμ tariare, Italiapμ wahahtiare dohoriare bocai. ã jiro sãre tiapμ surara pñhtoro naare. ⁷ Payμ dachori pjiro dero waha, “Nu wapμoca” ni, waha, Gnido wama tiri maca potoi sñi sã. Tóρμ sñ yñhdμa, wihnono tuaro wã, sã waha duarroi sãre wãrocaerare. ã jina sã cõ bñhusehepμ majare paa waha. ã jina Creta wama tiri naco to dμcatari pahrẽ sehe sã pahãa waha, Salmo wama tiri ñoacare yñhdμai sã. ⁸ Tóρμ yñhdμ, tí naco dñhtμ cahai waha, “Nu wapμoca” ni, waha, Noari Pitamaha wama tiropμ wahã sñi. Pitamaha Lasea wama tiri maca cahapμ jira.

⁹ Tóρμ yoari pja sã jiri baharo, sã wahahto sehe cuabiare. ã jiro ti chμ duhuri dacho bose nμmμ yñhdñri baharo, Paulo tinare õ sehe ni yahure:

¹⁰ —Tñhoga mñsa. Chμ duhuri dacho bose nμmμ baharo mari wahachμ marine minihto cuabiara. Ahria dohoria, dohoria macaa, mñsa pache cñhμ mari mehne macaina cñhμ mari butiboca wahana —nire Paulo.

¹¹ Wiho mejeta surara pñhtoro dohoria pñrore tñhoro, oturiro cñhure tñhoro, Paulo to yahua sehere tñho duaerare waha duaro. ¹² Ti pahsari

pitamaha noari pitamaha puhiro jichu ti pahsari pitamaha jierare. To ã jiri pitamaha jichu dohoria macaina payu waha dua, Fenicepu yoja duamare. Fenice Creta wama tiri nũco macari pitamaha jiro, wihnono to tariropu sũ mũa taro sehepu cõ bũhusehepu, poto bũhusehepu cũhũre ñũroca, wihnono tachũ noano dũcatari maca jire. To ã jiri pitamaha jichũ masia tina tũpu cũ puhiro ji duamare.

Pjiri mapu wihnono, coro pjĩro taha

¹³ ã yoa sur sehe pjĩroca wihnono ta dũcare. “Michare noari dacho mari wahahti dacho jira”, ni tũhotumaha tina. ã ni tũhotua tina comaa taũore tũã wahcõ, Creta nũco dũhtũ caha cahi yojai sã. ¹⁴ Wiho mejeta baharo curero wihnono noreste wama tiri wihnono tuaro wãre. ¹⁵ ã jiro dohoriare wihnono tuaro wahã wihire. Wihnono to wãrcarore waha masierana, majare paha, wihnono mehne wahi sã. ¹⁶ Cauda wama tiri nũcocã cahapu sur sehepu waha, tí nũcocã sãre mahanocã dũcatate. “Marine nu warũoro wahara”, nina tũre pjĩria dohoria macaria mahariacã bũsocare noano waja payo dũhteĩ sã. ¹⁷ Tiare dohoriã sã waja payo dũhteri baharo pjĩria dohoriãpu pjĩri da mehne tina wahma ñaha payore. Sirte wama tiri padũre “Dohoria doca wahã sũri”, nia cui nire tina. ã jia tina co tũrũre ti duhu miori baharo dohoria dihtare wihnono wãrocate. ¹⁸ Wihnono, coro mehne tuaro tare. Pa dacho cũhũre wihnono mũnanota tjoa to tachũ ñũã tina ti pachere diapũ dũrũroca ño tuhsũ pahãã wahi sã. ¹⁹ Pa dacho dohoria macaare diapũ cohãre tina ti basi. ²⁰ Payũ dachori ñũchua dachori jichũ, sũ dacho

macariro ñahpichoha poca cũhũ ne bajuerare. ã jiro tuaro wihnono tare. ã jina “Minia wahaja mari. ã jina yariaa wahanahca”, ni tũhotumai sã.

²¹ ã jia tina yoari pja ti chũ duhuri baharo Paulo ti pano ducu, õ sehe ni yahure tinare:

—Pano mũsare yũ yahuchũ tũhoerare mũsa. “Cretapũ jiina mari wahachũ cua nica”, yũ nichũ tũhoerare mũsa. Yũhũre tũhona, ahria macaa jipihtiare boeraboa mũsa. ²² Wiho mejeta mipũ mũsare yahuja. Cuiena tjiga. Jipihina mari yũhdũnahca. Ahria dohoria dihta marine wah-tiabasarihca. ²³ Micha ñamine Cohamacũ yairo anjo yũhũre bajuahre. Cohamacũ yairo jija yũhũ. ã jicũ tirore dahra cohtariro jija yũhũ. Anjo sehe yũ cahai taro, õ sehe ni yahuhre: ²⁴ “Paulo, cuiecũ tjiga. Jipihina bui pũhtorore mũ yoari cjirire mũhũre yahuro cahmana. Cohamacũ noariro jira. ã jiro tirore mũ siniriro seheta mipũre mũhũ mehne macaina cũhũre yoadohorohca”, nihre yũhũre anjo. ²⁵ ã jina cuiena tjiga mũsa. Anjo yũhũre to niriro seheta waharohca. Cohamacũre wacũ tuaja yũhũ. ã jicũ to yahuriro seheta “Potocã tjira”, ni tũhotuja yũhũ. ²⁶ Wiho mejeta marine nũcopũ wihnono wãroca, cohãnohca —ni yahure Paulo tinare.

²⁷ Cũ ñami pũa somana baharo pjiri ma Adriático wama tiri mai wihnono sãre tuaro wãre. Tí pjare ñami dacho macai dohoria macaina mũa sehe “Dũhtũ cahapũ jija mari”, ni tũhoture tina. ²⁸ ã ni tũhotua nũcũri taño comaa tañore yuta da mehne dũhte, duhuroca mio, quihõre. Treinta y seis metro waro cũãre. Mahanocã waha, quihõre tjoa.

Tí pjare veintisiete metro waro cũãre. ²⁹ ã jia tãare “Doca wahã sũri”, nia dohoria oturopũ piti-tia tañori comaa tañorine yuta dari mehne duhte, duhuroca miore diapũ. ã jia “Cjero bohreajaro” ni, tuaro sinire tina. ³⁰ Dohoria macaina mũa sehe duhtimare. Tina mahariacãre dohoria macariare diapũ waja boro, dohoria quenoĩ comaa tañorine ti boroboriro seheta yoare tina mahariacãre “Marine ñũri”, nia. ³¹ Wiho mejeta Paulo surara pũhtorore, to surara mehne yahure:

—Ahrina mũa mahariacã bũsocai ti wahachũ mũsa yarianahca —nire Paulo.

³² To ã nichũ tuhoa surara sehe mahariacãre duhte darire yihso ta, tiare cohãre.

³³ Bohreahto panocã Paulo tinare tuaro chũ dutire.

—Pũa somana waro ne chũerare mũsa. ³⁴ ã jina mipũre chũna taga. Tuaro mũsare chũ dutija. Mũsa cati duana chũga. Jipihtina mũsa yũhdũnahca —nire Paulo tinare.

³⁵ To ã niri baharo Paulo pãore na, jipihtina ti pano Cohamacũre “Noana” ni, duhu payo, tíre chũ dũcare tiro. ³⁶ To ã chũchũ ñũa tina cuiro marieina waha, jipihtina tina cũhũ chũre. ³⁷ Sã jipihtina doscientos setenta y seis masa dohoriapũ jii sã. ³⁸ Tina jipihtina yapia waha “Ahria dohoria nũcũ nica” ni, payũ trigo chũare diapũ cohãre.

Dohoria padũropũ doca pja sũha

³⁹ Bohreachũ dohoria macaina mũa nũcore ñũa, “Õ sehe wama tiri nũco jira ahri nũco”, ni ñũ masierare. Wiho mejeta tina pari tucũi padũro jichũ ñũa, “Mari tí tucũpũ wahana, tũpũre doca pja sũboca padũroi”, nire tina. ⁴⁰ ã nia, comaa

tañorine duhteá darire yihso taroca mioha. Oturi pjĩ duhteá dari cũhare yihso tanocare tina. Ti ã yoari baharo dohoria queno macari suhtirore wahcõ dapore poto wihnono wãrocachũ cahmaa.

⁴¹ Wiho mejeta dohoria queno sehe pa padũropũ caha sũ, nũja masierare. ã jiro oturore tuaro pahcõri cjã wahcõchũ tia oturo wahtia wahare.

⁴² To ã wahachũ ñũã õ sehe nire surara:

—Ahria minichũ mari peresu yoaina duhtũ cahapũ ba wahã sũ duhtinocaahca. ã jina tinare wajã pahñonocajihna —nire surara.

⁴³ Wiho mejeta surara puhtoro sehe Paulore wajã duaeraro, jipihtina peresu jinare wajã dutierare. ã jiro jipihtina ba masiinare surara puhtoro poto duhtũ cahapũ ba wahã sũ dutire.

⁴⁴ ã jia paina dohoria macaa pjĩni wahti sitea pjĩni mehne bora ñoja, tí pjĩni bui pisa ba nũjare. Sã tó sehe yoana sã jipihtina duhtũ cahai wahã sũi.

28

Paulo Malta wama tiri nũcoi jiha

¹ ã yoa tí nũcopũ sã jipihtina maja sũrucũ sũna tí nũco wamare masii. Malta wama tiri nũco jire.

² Tí nũco macaina masa sãre noano yoare. ã jina sã coro waari baharo yũsũã yũhdũare sãre.

ã jia tó macaina sehe pichaca wijã tuhsũ, sãre sohma dutire. ³ Paulo pichare na ta, na tiãre. To na tiãri baharo tí picha puhichapũ sãariro agã tu-

aro sichũ tuhoturo wijaa taro, Paulo wamomacai bahca wãha sũre yahawero marieno. ⁴ To bahca wahã sũchũ ñũã tí nũco macaina ti basi õ sehe ni durucure:

—Ahriro masa wajãriro jiboca. ã yoaro tuaricoro buhiri dahrerico m̄ano macaricoro tirore buhiri dahrero, cati dutierara. Tiro pjiri map̄u minino ȳhd̄u tuhs̄uri jimare. Mip̄ure ticoro sehe tirore cati dutierara —nimare tina ti basi.

⁵ Wiho mejeta Paulo agãre pichacap̄u wajã site-rocare. Tirore agã pur̄ierare. ⁶ “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore pur̄ierare. Yoari pja baharo to wipierach̄u ñ̄ua, to pur̄ierach̄u ñ̄ua, soro t̄hoture tina. “Ahriro cohamana mehne macariro jiboca”, nimare tina.

⁷ Ti ba wahã sur̄iro cahacãi Publio wama tiriro ya weseri jire. Tiro tí n̄uco macariro p̄h̄toro jire. ã jina tiro sãre to noano yoach̄u, tia dacho waro to ya w̄h̄ui jii sã. ⁸ Publio p̄uc̄uro yojaro ti, juaro tiriro jire. ã jiro tiro camai coãre. ã jiro Paulo dohatiriro ya tahtiap̄u sãa, Cohamac̄ure sini, to wamomacarine tiro bui duhu payo, noariro wahach̄u yoare tirore. ⁹ To noariro wahach̄u ñ̄ua jipihtina paina tí n̄uco macaina dohatiinare Paulo cahap̄u na tare. Ti ã na tach̄u ñ̄uno Paulo noaina wahach̄u yoare tina c̄h̄are. ¹⁰ Baharo tina paȳu sãre wapa marieno ware. Sã wahahto panocã jipihtia sã cahmaare, sã wahana sã ch̄htire dohoriap̄u dure sãare tina.

Paulo Romap̄u s̄ha

¹¹ Tia s̄u tí n̄ucop̄u sã jiri baharo dohoria mehne wahi sã. Tia dohoria quenoí p̄aro cohamana Cástor, Pólux wama tiina ti mas̄u ducure. Alejan-dr̄iap̄u taria jire tia. Puhiro puro tí n̄ucop̄u tia dohoria pahsare. ¹² Waha, Siracusa wama tiri

macar_u s_una, tia dacho waro tí macare jii sã. ¹³ Tí macare wijaa, waha, Regio wama tiri macar_u sã s_ui. Pa dachoi surp_u wihnono ta, sãre wãrocare. P_ua dacho baharo Puteoli wama tiri macar_u s_ui. ¹⁴ Tórp_u Jesu yaina mahainacã sãre piti bocare.

—Cũ somana waro sã mehne tjuaga —nire tina sãre.

Ti ã nich_u t_uhona cũ somana waro tina mehne tjuasinii. Baharo mahai maja, Romar_u s_ui sã. ¹⁵ Tó macaina Jesu yaina sehe Romar_u sã s_uhtire t_uhoa, Apio wama tirop_u pache duarop_u sãre piti bocare. Paina Jesu yaina Tia W_uh_u wama tirop_u sãre piti bocare. Ti ã piti bocach_u ñ_uno Paulo wahchea mehne Cohamac_ure “Noana” ni, noano yajeri sãa wahare. ¹⁶ Romar_u sã s_uri baharo ti peresu ti yoarinare tó macarirore peresu cohtaina p_uhtorore yahure. Wiho mejeta Paulo sehere cãirota c_ure tó macaina p_uhtoa. ã jiro tirore cãirota surara cohtare.

Paulo Romai buheha

¹⁷ Tia dacho baharo Paulo judio masa p_uhtoa mehne cahmachuno taro, tinare pjire. Ti cahmachuri baharo tiro tinare õ sehe ni yahure:

—Coyea, mari coyeare soro yoaerahi y_uh_u. ã yoa mari ñ_uch_us_uma cjiri ti yoaa tirire, marine ti buheri cãh_ure y_uhd_ur_uc_uaerahi y_uh_u. ã y_u y_uhd_ur_uc_uerapach_uta Jerusalêrp_u y_uh_ure ñahahre judio masa. Ti ñahari baharo Roma macainare y_uh_ure peresu yoa dutihre tina. ¹⁸ Ti ã yoach_u Roma macaina y_uh_ure sinitu, y_u ñano yoaerariro y_u jich_u y_uh_ure “Buhiri tiri jira”, ni masierare. “¿Ne yaba buhiri wajãbocari mari tirore?” nihre

yuhure tina. ã jia yuhure sinituina sehe yuhure wio duamahre. ¹⁹ Wiho mejeta judio masa sehe yuhure wiochm cahmaerare. Ym coyeare judio masare yuhure ti yoarire yahusã duaeraja. Wiho mejeta yuhure ti wio duaerachm ñmcm, “Jipihtina bui pũhtoro Césare ym yoarire poto yahu duaja yuhm”, ni sinihi. ²⁰ ã jicm msare ahrire yahu duacm pjih. Cristo marine yũdohtiro judio masa mari cohtariro to yare ym yahuri buhiri yuhm peresupm jija. ã jicm tíre msare yahui tai pjih –nire Paulo judio masa pũhtoare.

²¹ To ã nichm tũhoa tina sehe tirore õ sehe ni yahure:

–Judea yahpa macaina Judio masa mũhure quti yahua pũrine sãre ne warocaerare. ã yoa tópm tarina cũhm mari coyea sãre mũ ã waharire yahuera tire. Tina “Tiro ñano yoariro jira” ni, mũhure yahuera tire. ²² Wiho mejeta Jesu yare mũ yahuri curua macainare jipihtiropm masa ñano ti durucuchm sã masija. ã masina mũ buheare mũ yahuchm tũho duaja sã –nire tina tirore.

²³ ã ni tuhs, “Pa dachopm jijihna”, nire tina. Pa dachopm Paulo mehne cahmachu mũhtaina yũdoro masa paym to jiropm wihire. Ñami cure-rocã pũhtoro Cohamacm to sũho jiare noaa buheare tiro buhe dũca, pm, ñamipm Moise cjirore Cohamacm to cũri dutiare, ã yoa Cohamacm yare yahu mũhtaina cjiri ti joari cjiri cãhure buhere. ã buhero, tinare Jesure “Tiro tjica mari cohtariro”, ni masichm yoa duaro nimare Paulo. ²⁴ Cãina to buherire noano mehne tũhore. Wiho mejeta paina sehe tũho duaerare. ²⁵ ã jia tina ti basi pũa

curua tju wa, waha taa nire. Ti wahahto pano Paulo Isaia cjiro to durucuri cjirire tinare yahure.

Õ sehe nire tinare:

—Isaia Cohamacu yare yahu muhtariro cjiro to yahuri potocata jira. Mari nuhucumama cjirire yahuro taro Espiritu Santo Isaia cjirore õ sehe ni yahu joa dutiha:

²⁶⁻²⁷ “Ahrire ahrinare yahui wahaga:

‘Dapu butiina jira musa.

Yu yare tuho duaerara musa.

Cahmo copari susueraina yoaro seheta tuho duaerara musa.

Ã jina yu yare tuhopenahta tuho ñahasi musa.

Musa ã jieraina jina, noano tuho ñahaboa musa.

Ã jina yuhure cahmaboa musa.

Ã jicu musare pichacapu wahaborinare yuhdobia yuhu’, niha Cohamacu Isaia cjiro to joari tjupu”

—nire Paulo tinare. ²⁸ ã ni tuhsu, Paulo õ sehe ni yahu namore:

—Ahrire masiga musa. Cohamacu ya buheare masare to noano yuhdoare judio masa jierainare buhenahca sa. Tina sehe tuhoahca —nire Paulo judio masare.

²⁹ [To ã nichu tuhoa judio masa tîre ti basi tuaro cahma sayo, wijaare.]

³⁰ Pu cûma waro Paulo to ã waparucuri wuhupu jire. Tói jiro, jipihtina to wuhupu wihiinare wahchea mehne piti bocare tiro. ³¹ ã jiro tiro cuirô marieno puhtoro Cohamacu to saho jiare, puhtoro Jesucristo ya cûhure buhea tîre. To ã buhechu ne paina tîrore “Buhei tjiga”, nierare.

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

cxi

PDF generated using Haiola and XeLaTeX on 21 Feb 2024 from source files
dated 29 Jan 2022
1f3a4366-edba-553b-a17f-bc47c9049c98